

# **କରନ୍ତିୟମାନଙ୍କ ମଣ୍ଡଳି ନିକଟକୁ ପାଉଲଙ୍କ ପ୍ରଥମ ପତ୍ର କରିନ୍ତିୟ ମଣ୍ଡଳିକା ଲାକ୍ତୁ ପାଉଲଟି ପାର୍ତୁମ୍ ଆକୁ କରିନ୍ତିୟ ଆକୁ ବିସୟତାନ୍ ଏସ ମାଟା**

ପାର୍ତୁମ୍ କରିନ୍ତିୟ ଆକୁ ପେରିତ ପାଉଲଟି ମାଣାନ୍ ଜିସୁ କ୍ରିସ୍ତଦି ଜନମ୍ତି ୫୫ ବାର୍ଷେକ୍ ଝେନ୍‌କା ରାସାତାମାର୍ହାତ୍ ୧:୧ । ପାଉଲଟି ମାଣାନ୍ ରାସାତିମାନି ରୁଣ୍ଡି ଆକୁ ଲୋଇ ଇକା ଆଜିନାତ୍ ପାର୍ତୁମ୍ ଆକୁ । ଝାନ୍ ଆନାତ୍‌ସୁଗି ଇୟା ଆକୁ ଏପିସ୍ତୁ ମାର୍‌ଇ ବେଡାଦୁ ରାସାତାମାର୍ହାନ୍ । ମାସିଦନିଆଦାନ୍ କରନ୍ତିୟଦୁ ବାସାନି ଆଗ୍ତି ରାସାତାମାନାନ୍ ୧୭:୫-୯ ।

ପାଉଲ ଇୟା ଆକୁଦୁ ମଣ୍ଡଳି ଲୋଇ ରୁଣ୍ଡି ବାଗ୍‌କୁ ଆନିକା ମାରି ତାଗ୍‌ଇ ପାଣି ସାଲାଜିମାନି ବିସୟ ମଣ୍ଡଳିକା ଲୋକା ମାଣ୍ଡକୁ ଝେନ୍‌ଞ୍ଜି ଝେରତେଙ୍ଗ୍ ଇଜି ଦିୟାନ୍ ସିନାନ୍ । କରିନ୍ତିୟ ଗାଡ୍‌ତାଗ୍‌ଇ ପାଣିକିନି ବିସୟ ଉଣ୍ଡିଙ୍ଗ୍ ଝେଙ୍ଗ୍‌ତା ମାର୍‌ଆତ୍ । ଆଦେଙ୍ଗ୍ ମଣ୍ଡଳି ଇୟା ବଦା ଝିଜୁ ପୟଜି ମାର୍ହାତ୍ ଇବେନ୍‌ କାବାନିକା ଇନିକା ସିଲେ । ୧ କରିନ୍ତିୟ ଜିବନ୍‌ନୋନି ବିସୟତାନ୍ ଉନ୍‌ଡି ଅଧ୍ୟାୟ ମାନାତ୍ ୧୩ ।

## **ଇୟା ଆକୁଦୁ ମାନି ମୁକିୟ ବିସୟ**

୧. ପାଉଲ କରିନ୍ତିୟରିଙ୍ଗ୍ ନମସ୍ତାର୍ କିଜିନାର୍ ମାରି ଝାରି ଉଣ୍ଡିଙ୍ଗ୍ ମାପୁରୁଙ୍ଗ୍ ଦନ୍‌ସବାଦ୍ ସିନାନ୍ । ୧:୧-୯
୨. ପାଉଲ କରନ୍ତି ମଣ୍ଡଳିଦାନ୍ ପୟତିମାନି ମଣ୍ଡଳି ବାଗ୍ ଆନି ବିସୟତାନ୍ ସିକିୟା ସିନାନ୍ । ୧:୧୦-୪:୨୧
୩. ଆଇକା ଝାନ୍ ତାଗ୍‌ଇ ପାଣିଝିଜୁ ମାରି ଅରେନ୍ ଆଇଝାନିଙ୍ଗ୍ କର୍ତ୍ତୁ ଅନି ବିସୟତାନ୍ ରାସାନାନ୍ । ୫-୭
୪. ଝେନ୍‌କା ପେଡିଆନି ବିସୟ, ଦିୟାମତିଙ୍ଗ୍ ପୁଜା ସିନିକା, ଉପାସନା, ପବିତ୍ର ଆମ୍ବାଦି ଦାନ୍ ମାରି ମାରିଡେସି ନିଙ୍ଗ୍‌ନିକା

ରାସନାନ୍ । ୭-୧୫

୫. ସାରାସାରିଞ୍ଜେନ୍‌କା ଖାନ୍ ଏସ ବ୍ୟବହାର ଆନିକା ମାରି ନିଜେଦି  
ବିସୟତାନ୍ ରାସସି ଶ୍ରେୟନାନ୍ । ୧୬

୧ ନାନ୍ ପାଉଲ, ମାପୁରୁଦି ଇଚ୍ଛାଦାନ୍ କ୍ରିସ୍ତ ଜିସୁଦି ଆସକିଆତି  
ଅରେନ୍ ପ୍ରେରିତ୍ ସିସୁ, ମା ତଡ଼ାନ୍ ସୋସ୍ତୁନା,

୨ \*କରନ୍ତି ଗାଡ଼ୁ ମାନି ମାପୁରୁଦି ମଣ୍ଡଲି ଲାକ୍‌ତୁ ରାସସିନାନ୍ :  
ଆମାକାର ମାପୁରୁଦି ପବିତ୍ର ଲୋକୁ ଆନି ଉଣ୍ଡିଙ୍ଗ୍ ବଦାମାନାର ମାରି  
ଜିସୁ କ୍ରିସ୍ତଦି ଖାଲେ ମିସାନି ମାଣ୍ଡକୁ ମାପୁରୁଦି ଲୋକୁଆତା ମାନାର  
ମାରି ଶ୍ରେୟ ମା ପ୍ରବୁ ଜିସୁ କ୍ରିସ୍ତଦି ଉପାସନା କିଜିନାର :

୩ ମି ଉଣ୍ଡିଙ୍ଗ୍ ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତଦିମାଣ୍ଡକୁ ଦୟା  
ମାରି ସାନ୍ତି ଆପିତ୍ ।

କ୍ରିସ୍ତଦି ମାଣ୍ଡକୁ ଆସିର୍ବାଦ୍

୪ ଇରିଙ୍ଗ୍ କ୍ରିସ୍ତ ଜିସୁଦି ଖାଲେ ମିସାନିମାଣ୍ଡକୁ ମାପୁରୁ ମିଙ୍ଗ୍ ଆମା  
ଦୟା ସିତା ମାନାନ୍, ଆୟାଉଣ୍ଡିଙ୍ଗ୍ ନାନ୍ ଶ୍ରେୟଦିନ୍ ମି ବିସୟତାନ୍  
ମାପୁରୁଙ୍ଗ୍ ଦନ୍ୟବାଦ୍ ସିଜିନା,

୫ ଇରିଙ୍ଗ୍ କ୍ରିସ୍ତଦି ଖାଲେ ମିସାତି ମାନିଙ୍ଗ୍ ମିର୍ ଶ୍ରେୟ ବିସୟତି  
ସିକିୟାଦୁ ମାରି ଶ୍ରେୟଜାତିଦି ବୁଦିଦୁ ବା ଦନି ଆତିମାନିଦେର୍ ।

୬ ଇୟାଝାଜା କ୍ରିସ୍ତଦି ମାଟା ମିମାନୁ ସାକ୍ୟ ତିରଆତା ମାନାତ୍ ।

୭ ଆଦେଙ୍ଗ୍ ପ୍ରବୁ ଜିସୁ କ୍ରିସ୍ତଦି ଖାନିତାନିଙ୍ଗ୍ କାପ୍‌କିଜି ତେବାନି  
ବେଡ଼ାଦୁ ମି ଇନି ଆମାଦି ଦାନ୍‌ତୁ ଉଣା ଆଏଡ୍ ।

୮ ଇୟାଉଣ୍ଡିଙ୍ଗ୍ ଖାନ୍ ମିଙ୍ଗ୍ ସାରାସାରି ଦିନ୍ ସାନ୍ତି ବା ତିର୍  
ଇଡ଼ନାନ୍, ମା ପ୍ରବୁ ଜିସୁ କ୍ରିସ୍ତଦି ଖାନିନାଣ୍ଡିଙ୍ଗ୍ ଏଣ୍ଡେସ୍ ମିର୍ ନିନ୍ଦା  
ଆଇଦେର୍ ।

୯ ଆମା ମାପୁରୁ ଖାନି ମାରିନ୍ ମା ପ୍ରବୁ ଜିସୁ କ୍ରିସ୍ତଦି ସାକା ପୟନି  
ଉଣ୍ଡିଙ୍ଗ୍ ମିଙ୍ଗ୍ କୁକ୍‌ତାମାନାନ୍, ଖାନ୍ ଶ୍ରେୟଦିନ୍ ବିସବାସ୍ ।

ମଣ୍ଡଲିଦୁ ବାଗ୍‌କିନିକା

୧୦ ଏ ତଡ଼ାନ୍‌କୁ ନି ତାଙ୍ଗ୍‌କି, ମା ପ୍ରବୁ ଜିସୁ କ୍ରିସ୍ତଦି ସାନ୍ତିଦାନ୍  
ନାନ୍ ମିଙ୍ଗ୍ ଅନୁରଦ୍ କିଜିନା, ଏଣ୍ଡେସ୍ ମିର୍ ଶ୍ରେୟଲୋକୁ

ଝାଉଁଳିସାନିଝାଲେ ଉନ୍ତେ ମାଟା ଇନିଦେର, ମାରି ମି ଲୋଇ  
ଏରପିସିସାନିକା ଆଏଡ଼ । ମାତର ମିର ଉନ୍ତେ ମୋନତାନ ମାରି  
ଉନ୍ତେ ବିଚାରତାନ ଉନ୍ତେମାନୁ ଆଦୁ ।

୧୧ ଏ ନା ତଡ଼ାନକୁ ନି ତାଙ୍ଗିକି, ଖୁୟାଦି ଇଲୁଦାଶୁକୁନେ  
ଏସଲୋକ ମି ବିସୟତାନ ନା ଲାକତୁ ଇକା ଖେରତାମାନାର, ମି  
ଲୋଇ ଏରପିସିସାନିକା ମାନାଡ଼ ।

୧୨ ☆ନା ମାଟାଦି ଏଡ଼ ଇକା, ମିର ଝିଲୁଲୋକ ଆଇଆଇ ପାଣି  
କିଜିନିଦେର, ଏନ୍ ଏନ୍ ଆଜିନାର, ନାନୁ ପାଉଲତି ଝେନକା  
ସୋଲସିନା, ମାରି ଏନ୍ ଏନ୍ ଆଜିନାର, ନାନୁ ଆପୋଲୋତି  
ଝେନକା ସୋଲସିନା, ଏନ୍ ଏନ୍ ଆଜିନାର, ନାନୁ ପିତରତି ଝେନକା  
ସୋଲସିନା, ମାରି ଏନ୍ ଏନ୍ ଆଜିନାର, ନାନୁ କ୍ରିସ୍ତଦି ଝେନକା  
ସୋଲସିନା ।

୧୩ କ୍ରିସ୍ତ ଇନିକା ବାଗ୍‌ବାଗ୍ ଆତାମାନାନ ? ପାଉଲ ଇନିକା ମି  
ଉଣ୍ଡିଙ୍ଗ କୁସକାର୍‌ତୁ ସାତା ମାର୍ହାନ ? ମାରି ମିର ଇନିକା ପାଉଲତି  
ଦରତାନ ତୁବନ୍ ଅତିମାରୁଇଦେର ?

୧୪ ☆ନାନ ମାପୁରୁଙ୍ଗୁ ଦନ୍ୟବାଦ୍ ସିଜିନା ଜେ କ୍ରିସ୍‌ପସ୍ ନି ଗାୟଙ୍ଗ୍  
ଡିସ୍‌ତିଙ୍ଗ ମି ଲୋଇରାନ ମାରି ନାନ ଏଙ୍ଗବା ତୁବନ୍ ସିଏ ।

୧୫ ଆୟାଉଣ୍ଡିଙ୍ଗ ମିର ନା ଦରତାନ ତୁବନ୍ ଅତାମାନାପ୍ ଇଜି ମି  
ଲୋଇରାନ ଏନ୍ ଇନ୍‌ଡେଙ୍ଗ ଆର୍‌ଏନ୍ ।

୧୬ ☆ହୁଁ, ନାନ ସ୍ତିପାନତିଙ୍ଗ ମାରି ଝାରି ଇଲୁଦିଝାରିଙ୍ଗନେ ତୁବନ୍  
ସିତାମାନା; ମାତର ଇକା ଡିସ୍‌ତିଙ୍ଗ ମାରି ଏଙ୍ଗବା ନାନୁ ତୁବନ୍  
ସିତାମାନା ଇଜି ନାଙ୍ଗି ଏଡ଼ ରେଏଜିନା ।

୧୭ ଇରିଙ୍ଗ କ୍ରିସ୍ତ ନାଙ୍ଗି ତୁବନ୍ ସିନି ଉଣ୍ଡିଙ୍ଗ ପୋକତାଏନ୍, ମାତର  
ଝାନ ନାଙ୍ଗି ସୁସମାତାର ପ୍ରଚାର କିଦେଙ୍ଗ ପୋକତାତାମାନାନ;  
ଆକାବା ଲୋକା ବୁଦିଦାନ ସିଲେ, ଏସ୍ତିଝାଲେ କ୍ରିସ୍ତଦି କୁସକାର୍‌ତି  
ସାକ୍ତି ମାରି ପ୍ରଭାବ ବେକାର୍ ଆଏଡ଼ ।

ମାପୁରୁଦି ସାକ୍ତି ମାରି ବୁଦିଦି ଆଦାର କ୍ରିସ୍ତ

☆ ୧:୧୭ ପ୍ରେରିତ ୧୮:୨୪. ☆ ୧:୧୪ ପ୍ରେରିତ ୧୮:୮ପ୍ରେରିତ ୧୯:୨୯; ରୋମିୟ ୧୭:୨୩.

☆ ୧:୧୭ ୧ କବିତ୍ବିୟ ୧୭:୧୫.

୧୮ ଇରିଙ୍ଗ ନାସ୍ ଆଦେଙ୍ଗ ସୋଲ୍‌ସିମାନି ଲୋକା ଉଣ୍ଡିଙ୍ଗ କୁସକାଟି ମୁସକ୍‌ର ମାଟା ମୁର୍କୁ । ମାତର୍ ରକିୟା ପୟତିମାନି ମା ଉଣ୍ଡିଙ୍ଗ ଆକା ମାପୁରୁଦି ସାକ୍ତି ।

୧୯ ଇରିଙ୍ଗ ଦର୍ମସାସ୍ତ୍ର ରାସ୍‌ତାମାନାଟ୍ :

“ନାନ୍ ଜାନମାନିଝାରି ଜାନ ନାସ୍ କିନାଟ୍,  
ମାରି ବୁଦିମାନିଝାରି ବୁଦି ତ୍‌ସସି କିନାଟ୍ ।”

୨୦ ବୁଦି ଏମେ ? ସାସ୍ତିର୍ ଏମେ ? ଇୟା ଯୁଗ୍ତି ସାଲାଇ ଏମେ ?  
ମାପୁରୁ ଇନିକା ଦୁନିଆଦି ବୁଦିଦିଙ୍ଗ ମୁର୍କୁ ଇଜି ଇନ୍‌ଏନ୍ ନୋ ?

୨୧ ଇରିଙ୍ଗ ମାପୁରୁ ଝାନି ପେରି ଜାନତାନ୍ ତିର୍ କିତାମାର୍ହାନ୍ ଜେ ଜଗତ୍‌ତି ଲୋକୁ ନିଜେଦି ଜାନଦାନ୍ ମାପୁରୁଙ୍ଗୁ ନେସ୍‌ତେଙ୍ଗ ଆଟ୍‌ଏର୍ । ମାପୁ ପ୍ରଚାର କିଜିମାନି ବାକ୍ୟଦି ତାର୍‌ଇମାଟା ସୁସମାଚାରତୁ ବିସ୍‌ବାସ୍ କିଜିମାନି ଲୋକାଙ୍ଗ ରକିୟା କିନି ଉଣ୍ଡିଙ୍ଗ ମାପୁରୁ ଝେଡିକା ଆତାନ୍ ।

୨୨ ଇରିଙ୍ଗ ଜିହୁଦିର୍ ସିନା ପୟନାର୍, ମାରି ଗିକ୍‌କୁ ବୁଦି ପୟନାର୍ ।

୨୩ ମାତର୍ ମାପୁ କୁସଦି ମୁସକ୍‌ ସାତିମାନି କ୍ରିସ୍‌ଙ୍ଗ ପ୍ରଚାର କିନାପ୍, ଝାନ୍ ଜିହୁଦିରି ଉଣ୍ଡିଙ୍ଗ ଏରେପ୍‌ନିଝାଜା ମାରି ଅଣଜିହୁଦିରି ଉଣ୍ଡିଙ୍ଗ ମୁର୍କୁଦିଝାଜା;

୨୪ ମାତର୍ ଜିହୁଦି ଆପିନ୍ ମାରି ଅଣଜିହୁଦିରି ଆପିନ୍, ଆମାକାର୍ ଇଞ୍ଜାମାନାର୍, ଝାରି ଉଣ୍ଡିଙ୍ଗ କ୍ରିସ୍ ମାପୁରୁଦି ସାକ୍ତି ମାରି ମାପୁରୁଦି ଜାନଦିଝାଜା ।

୨୫ ଆର୍‌ତିଙ୍ଗ ମାପୁରୁଦି ମୁର୍କୁ ଇଜି ଏଡ୍ ଝାନାଟ୍ ବିସୟ ଲୋକାଦି ଜାନ ବାଦ୍‌ଲୁ ନାଣ୍ ଜାନ ମାନାଟ୍, ମାରି ମାପୁରୁଦି ଦୁର୍ବଳ ଇଜି ଏଡ୍ ଝାନାଟ୍ ବିସୟ ଲୋକା ସାକ୍ତି ବାଦ୍‌ଲୁ ନାଣ୍ ସାକ୍ତି ।

୨୬ ଏ ତତ୍‌ନକୁ ତାଙ୍ଗୁଁକି, ମାପୁରୁ କୁକ୍‌ନି ବେଡାଦୁ ମିର୍ ଏଣ୍ଡେସ୍ ମାର୍‌ଇଦେର୍, ଆକା ଅଡ୍‌ବିଦୁ । ଦୁନିଆଦି ଇସାବ୍‌ତାନ୍ ଗାଦିଲୋକ୍ ଜାନରି ମାରି ଏସଲୋକ୍ ଅଦିକାର୍‌ରି ତାଟ୍‌ମାନି ପରିବାର୍ ମାର୍‌ହାର୍ ।

୨୭ ଇୟାଉଣ୍ଡିଙ୍ଗ ମାପୁରୁ ଜାନିରିଙ୍ଗ ସେମାର୍ କିନି ଉଣ୍ଡିଙ୍ଗ ଜଗତ୍‌ତି ମୁର୍କୁରିଙ୍ଗ ଆସକିତାମାନାନ୍ ମାରି ସାକ୍ତିମାନିଝାରିଙ୍ଗ ସେମାର୍ କିନି ଉଣ୍ଡିଙ୍ଗ ଜଗତ୍‌ତି ବପୁସିଲିଝାରିଙ୍ଗ ଆସକିତାମାନାନ୍,

୨୮ ମାରି ଜଗତ୍ତି କାଶଗାଦୁ ଆମାକା ଝିକୁ ନେଗି ବିସୟ୍, ଆୟାଝିକୁଦିଙ୍ଗ ନାସ୍ କିନି ଉଣ୍ଡିଙ୍ଗ; ଜଗତ୍ତି ବିସୟ୍କୁ, ତେବାତିମାନି ମାରି ନଗଣ୍ୟଝାରିଙ୍ଗ ମାପୁରୁ ଆସକିତାମାନାନ୍ ।

୨୯ ଇବେଶକୁ ନେସ୍ନିଝାଜା ଏନ୍ଆପିନ୍ ମାପୁରୁଦି ଆଗଡ଼ି ପେରିକାନ୍ ଇଜି ତରାଦେଙ୍ଗ ଆଟ୍ଏନ୍ ।

୩୦ ମାତର୍ ମାପୁରୁ ମିଙ୍ଗ କ୍ରିସ୍ ଜିସୁଦି ଝାଲେ ମିସାକିତା ମାନାନ୍ ମାରି ଝାନ୍ ମାପୁରୁଦିମାଣୁକୁ ମା ଉଣ୍ଡିଙ୍ଗ ଜ୍ଞାନଦିଝାଜା କିତାମାନାନ୍, ଝାନି ମାଣକୁ ମାପୁରୁଦି ଆଗଡ଼ି ମା ଜତାର୍ଥ ମିସାଜି ପୁନା ତିଆର୍ ଆଜି, ମାତୁ ଦାମ୍ କ ମାରି ପବିତ୍ର ଲୋକ୍ ଆଜି ରକିୟା ପୟ୍ତିମାନିକା ।

୩୧ ମାରି, ଏଣ୍ଡେସ୍ ଦର୍ମସାସ୍ତ୍ରୁ ରାସ୍ତାମାନାତ୍ : “ଏନ୍ ଗର୍ବ କିଦେଙ୍ଗ ଇଚ୍ଛା, ଝାନ୍ ପ୍ରବୁଦିମାନ୍ ଗର୍ବ କିପିନ୍ ।”

## ୨

### କୁସକାଟ୍ଟୁସାତି କ୍ରିସ୍ତୁଦି ବିସୟ୍ତାନ୍ କାରୁର୍

୧ ଏ ତଡାନ୍କୁ ନି ତାଙ୍ଗି କି, ନାନ୍ ମି ଲାକ୍ତୁ ମାପୁରୁଦି ସତ୍ତି ମାଟା ପ୍ରତାର୍ କିନି ଉଣ୍ଡିଙ୍ଗ ସୋଲ୍ସିମାନିଝାଲେ ଝାଟ୍ଟ ମାଟେଙ୍ଗ ମାରି ପେରିକାନ୍ଝାଜା ତରାଏତା ମାଟ୍ଆ ।

୨ ମି ଝାଲେ ମାନି ବେତାଦୁ ଜିସୁ କ୍ରିସ୍ତ, ଅର୍ତାତ୍ କୁସକାଟ୍ଟୁ ମୁସକୁ ଝାନି ସାତିକା ଜିସୁ କ୍ରିସ୍ତଙ୍ଗ ତିସ୍ତିଙ୍ଗ ମିମାନ୍ ମାରି ଇନି ବିସୟ୍ ନେସ୍ ଉଣ୍ଡିଙ୍ଗ ନାନ୍ ଇଚ୍ଛା କିତା ।

୩ ☆ମାରି, ନାନ୍ ନାସ୍ତିଝାଲେ ଦୁର୍ବଳ ମାର୍ହା, ତିଲାଜି ମାରି ନାଣ୍ଡିଏଲ୍ତାନ୍ ମି ମାନ୍ ମାର୍ହା ।

୪ ଇୟାଉଣ୍ଡିଙ୍ଗ ନା ସିକିୟା ନି ପ୍ରତାର୍, ଲୋକା ଜ୍ଞାନଦି ନେଗି ବାକ୍ୟ ଆଏଶ୍ଗା ମାପୁରୁଦି ଆମ୍ ମାରି ସାକ୍ତିଦି ପାର୍ମାଣ୍ ଆତାମାର୍ତା ।

୫ ଆଦେଙ୍ଗ ମି ବିସ୍ବାସ୍ ଏଣ୍ଡେସ୍ ଲୋକାଦି ଜ୍ଞାନ ମୁସକୁ ମାନ୍ଏଶ୍ଗା, ଆକା ମାପୁରୁଦି ସାକ୍ତି ମୁସକୁ ତେବାନାତ୍ ।

### ମାପୁରୁଦି ବୁଦି

୬ ମାରିବା ମାତୁ ଆମ୍ବିକ ଜିବନ୍ତୁ ପିରନ୍ତି ଲୋକା ମାତୁ ବୁଦିଦି ମାଟା  
 ଝେରସିନା, ମାତର ଆକା ଇୟା ଜୁଗତି ବୁଦି ଆଏଡ଼ ମାରି ଇୟା  
 ଦୁନିଆକୁ ସାସନ୍ କିଜିମାନି ନେତାରି ଜ୍ଞାନ ଆଏଡ଼ ।

୭ ନାନ୍ ମାପୁରୁଦି ସତ୍ତି ବୁଦିଦି ମାଟା ଝେରସିନା, ଆୟା  
 ଲୋକତିମାଣୁକୁ ଆଡ଼ାକତା ଇଟତାମାନାର, ମାରି ମା ଗୌରବଦି  
 ଉଣିଙ୍ଗ ଦୁନିଆ ତିଆରଆତି ଆଗ୍ତିରାନନେ ମାପୁରୁ ଇୟାତାନିଙ୍ଗ  
 ତିଆର କିତାମାର୍ହାନ ।

୮ ଇୟା ଦୁନିଆଦି ଆମା ସାସନ୍‌କିନିଝାରି ଲୋଇ ଏନ୍ ବୁଦିଦି ବିସୟ  
 ନେସଏନ୍ ମାର୍ହାନ, ଜଦି ଝାର ଆକା ନେସତିମାରିଙ୍ଗ ଗୌରବମୟ  
 ପ୍ରବୁଙ୍ଗ କୁସକାରୁ ମୁସକୁ ଡାକଏତାରମାନ୍ତି;

୯ ଏଣେସ ଦର୍ମସାସ୍ତ୍ରୁ ରାସାତାମାନାଡ଼ :

“କାଶଗା ଆମାକା ସୁଡ଼ସୁଡ଼, ଗିତଣି ଆମାକା ଝେନ୍‌ଏଡ଼,

ଆମାକା ଗଟାନିକା ଏନ୍ ଅଡ଼ବିଏନ୍,

ଆୟାଞ୍ଜି ବିସୟ ମାପୁରୁ ନିଜେଦି ଜିବନ୍‌ନୋନିଝାରି ଉଣିଙ୍ଗ  
 ତିଆର କିତାମାନାନ୍ ।”

୧୦ ମାତର ମାପୁରୁ ମା ଉଣିଙ୍ଗ ଝାନି ଆମ୍ବାଦାନ୍ ମାରଗିତି ବିସୟ ଝିଜୁ  
 ଝେରତା ମାନାନ୍; ଆୟା ଆମା ନେ ମାପୁରୁଦି ନାଣୁଲୋଇରି ବିସୟକୁ  
 ଝିଜୁ ପୟନାଡ଼ ।

୧୧ ଲୋକତି ବିସୟଝିଜୁ ଲୋକତିମାନୁ ମାନି ଆମ୍ବାଦିଙ୍ଗ ଡିସତିଙ୍ଗ  
 ମାରି ଏନ୍ ନେସନାନ୍ । ଆୟାଞ୍ଜା ମାପୁରୁଦି ବିସୟଝିଜୁ ମାପୁରୁଦି  
 ଆମ୍ବାଦିଙ୍ଗ ଡିସତିଙ୍ଗ ମାରି ଏନ୍ ନେସତେଙ୍ଗ ଆଟଏନ୍ ।

୧୨ ଏଣେସ ମାପୁରୁଦି ମାଣାନ୍ ମାଙ୍ଗ ଦୟାଦାନ୍ ସିତିମାନି  
 ବିସୟକୁଝିଜୁ ମାତୁ ନେସତେଙ୍ଗ ଆଟନିକା, ଇୟାଉଣିଙ୍ଗ ମାତୁ  
 ଜଗଡ଼ତି ଆମା ପୟଏଶଗା ମାପୁରୁଦି ଆମା ପୟତିମାନିକା ।

୧୩ ଆଦେଙ୍ଗ ନେସତିମାନି ବୁଦିଦି ଲୋକା ଲାକତୁ ନେସତି  
 ସଡ଼ତିକା ଝେରନିଝାଲେ ମାପୁ ଦୁନିଆଦି ବୁଦିଦାନ୍ ମାଟା ଇନ୍‌ଏପ୍  
 ମାନାପ୍, ମାତର ଆମ୍ବିକ ବିସୟଝିଜୁ ଆମ୍ବିକ ବିସୟଦାନ୍ ବୁଜାକିଜି  
 ପବିତ୍ରଆମ୍ବାଦାନ୍ ନେସତିମାନି ବାକ୍ୟଦାନ୍ ଝେରନିକା ।

୧୪ ମାତର ଦୁନିଆଦି ଲୋକ ମାପୁରୁଦି ଆମ୍ବାଦି ବିସୟକୁ  
 ମାନାଏନ୍, ଇରିଙ୍ଗ ଇୟାଞ୍ଜି ଝାନି ଲାକତୁ ମୁକୁ, ମାରି ଝାନ୍

ଆୟାତ୍ତିକୁ ବୁଜାଦେଇ ଆଟ୍‌ଏନ୍, ଇରିଙ୍ଗ କେବଲ ଆମ୍ବାଦୁମାନି  
ଲୋକୁ ଆୟାତ୍ତିକୁଦିଙ୍ଗ ବିଚାର କିଦେଇ ଆଟ୍‌ନାନ୍ ।

୧୫ ମାତର୍ ଏମେମାନି ଲୋଇ ମାପୁରୁଦି ଆମ୍ବା ତେବାନାଡ଼, ଝାନ୍  
ଝିକୁ ବିସୟ ବୁଜାଦେଇ ଆଟ୍‌ନାନ୍, ମାରି ଏନ୍ ଝାନି ବିଚାର କିଏନ୍ ।

୧୬ ଦର୍ମସାସ୍ତ୍ରକୁ ଏଣ୍ଡେସ ରାସାତାମାନାଡ଼ :

“ଏନ୍ ପ୍ରବୁଦି ମୋନ୍‌ତିଙ୍ଗ ବୁଜାଦେଇ ଆଟ୍‌ନାନ୍ ?

ଏନ୍ ଝାନିଙ୍ଗ ସିକିୟା ସିଦେଇ ଆଟ୍‌ନାନ୍ ?”

ଝାନ୍ ଏନ୍‌ଆପିନ୍, ମାପୁ କ୍ରିସ୍ତଦି ମୋନ୍‌ତିଙ୍ଗ ମାନାତାମାନାପ୍ ।

## ୩

### ମାପୁରୁଦି ସେବାକିନିକାନ୍

୧ ଏ ତଡ଼ାନକୁ ନି ତାଙ୍ଗିକି, ନାନ୍ ମାପୁରୁଦି ଆମ୍ବାମାନି ଲୋକା  
ଝାଲେ ଝାରଗିଜିସାତି ଝାଜା ମି ଝାଲେ ଝାରଗିଜିସାଏ । ମାତର୍ ନାନ୍  
ମିଙ୍ଗି ଇୟା ଜଗଡ଼ତି ଲୋକୁ ମାରି କ୍ରିସ୍ତଦି ବିସ୍ବାସତୁ ଇସ୍ରାଈରିଙ୍ଗ  
ଝେରତି ଝାଜା ମିଙ୍ଗି ଝେରତା ।

୨ ☆ନାନ୍ ମିଙ୍ଗି ପାଲୁ ଉଟ୍‌ପିସ୍‌କିଜି ଆଇ କାଦି ସିଏତା, ଇରିଙ୍ଗ  
ମିର୍ ଆକା ଉଣ୍ଡେଇ ଇଛା ସିଲେତାଡ଼, ମାରି ଇଲେଇବା ଇଛା  
ସିଲେଡ଼ ।

୩ ଇଲେଇବା ମିର୍ ଦୁନିଆଦି ଲୋକା ଝାଜା ଜିଜିମାଡ଼ିଜିନିଦେର୍ ।  
ମି ଲୋଇ ଆକାର ମାରି ନିଜେନିଜେଦି ମାନ୍ନୁ ଜାଟିଜଗଡ଼ା ତେବାନାଡ଼;  
ଇବେଣ୍ଡକୁ ଇନିକା ମିର୍ ମେନ୍‌ଲଇସାବ୍‌ତାନ୍ ମାରି ଦୁନିଆଦିକା ଇଜି  
ପାର୍‌ମାଣ୍ ଆଏଜିନିଦେର୍ ?

୪ ☆ମି ଲୋଇରାନ୍ ଅରେନ୍ ଇନାନ୍, ନାନ୍ ପାଉଲତି ଝାଲେ  
ମାନିକିଶା, ମାରି ଅରେନ୍ ଇନାନ୍, ନାନ୍ ଆପୋଲୋଦି ଝାଲେ  
ମାନିକିଶା, ନାସିଝାଲେ ଇନିକା ମିର୍ ଦୁନିଆଦି ଲୋକା ଝାଜା  
ସାଲାବୁଲା କିଜିଜିନିଦେର୍ ?

୫ ଆପୋଲୋ ଏନ୍ ? ମାରି ପାଉଲ ଏନ୍ ? ଝାର ମାପୁରୁଦି  
ସେବାକିନିକାର୍, ମିଙ୍ଗି ବିସ୍ବାସ କିଦେଇ ମାପୁ ସାହାଜ୍ୟ କିଜିନାପ୍

। ମାପୁରୁ ମା ମାଣକୁ ଝିଜେରିଙ୍ଗ ଆମା ପାଣିଦୁ ଆସକିତାମାନାନ୍,  
ମାପୁ ଆୟା ପାଣି କିଜିନାପ୍ ।

୭ ନାନ ଉରୁତା ମାନା, ଆପୋଲୋ ଆବେନ୍ ଏରୁ ସିତାମାନାନ୍,  
ମାତର୍ ମାପୁରୁ ପିରିସ୍ କିତାମାନାନ୍ ।

୮ ମାରି, ଏନ୍ ଉରୁନାନ୍ ମାରି ଏନ୍ ଏରୁ ସିନାନ୍, ଝାନ୍ ଇନିକା ସିଲେ,  
ମାତର୍ ପିରିସ୍ କିତାମାନାନ୍ ଜେ ମାପୁରୁ, ଝାନ୍ ପେରିକାନ୍ ।

୯ ଏନ୍ ଉରୁନାନ୍ ମାରି ଏନ୍ ଏରୁ ସିନାନ୍, ଆୟା ରିଏର୍ ସାମାନ୍,  
ଇରିଙ୍ଗ ମାପୁରୁ ଝିଜେରିଙ୍ଗ ନିଜେ ନିଜେଦି ପାଣିଦି ଇସାବ୍ତାନ୍  
ପୁରସ୍କାର ସିନାନ୍ ।

୧୦ ଇରିଙ୍ଗ ମାପୁ ମାପୁରୁଦି ଝାଲେ ପାଣିକିଜିନାପ୍; ମିର୍ ମାପୁରୁଦି  
କିଡିଇ ମାରି ମାପୁରୁଦି ଇଲୁ ।

୧୧ ନାଙ୍ଗ୍ ସିତିମାନି ମାପୁରୁଦି ଦୟା ଇସାବ୍ତାନ୍ ନାନ୍ ଅରେନ୍  
ବୁଦିଦି ଇଲୁକୁତିଆରକିନିମେସ୍ତି ଝାଜା ମୁଲୁକାଲୁ ପୋକ୍ତାମାନା,  
ଆଇକାନ୍ ଅରେନ୍ ଇୟା ମୁଲୁକାଲୁ ମୁସ୍କୁ ତିଆର୍ କିଜିନାନ୍ । ମାତର୍  
ଝିଲୁ ଲୋକା ଆୟା ମୁସ୍କୁ ଏଣ୍ଡେସ୍ ତିଆର୍ କିଜିନାନ୍ ଆୟା ବିସୟ୍ତାନ୍  
ଜାଗରାଡ୍ ଆନିକା ମାନାଡ୍ ।

୧୨ ଇରିଙ୍ଗ ମାପୁରୁ ଜିସୁ କ୍ରିସ୍ଟା ଉନ୍ତେନେମାତର୍ କୁନାନ୍ଦିକାଲୁ  
କିଜି ତିଆର୍ କିତାମାନାନ୍; ଆୟାତାନିଙ୍ଗ୍ ଡିସ୍ସି ଆଇ ଇନି  
କୁନାନ୍ଦିକାଲୁ ତିଆର୍ ଆଦେଙ୍ଗ୍ ଆର୍ଏଡ୍ ।

୧୩ ଜଦି ଏନ୍ ଆୟା କୁନାନ୍ଦିକାଲୁ ମୁସ୍କୁ ବାଙ୍ଗାଁରାମ୍, ଝେଣ୍ଡି,  
ନାଣ୍ଡଦାରାଦି କାଲୁଦି ମୁସ୍କୁ ତିଆର୍ କିନାନ୍ ମାରି ଏନ୍ ଏନ୍ ମାରାକ୍,  
ଲାଟା ମାରି ପିରି ଦାନ୍ ତିଆର୍ କିନାନ୍,

୧୪ ଆର୍ଡିଙ୍ଗ୍ “କ୍ରିସ୍ଟଦି ଡେସିଝାନି ଦିନ୍ତୁ” ଝିଲୁ ଲୋକାଦି ପାଣି  
ଏଣ୍ଡେସ୍ନାନିକା, ଆକା ଝେଙ୍ଗ୍ ନାଡ୍, ଇରିଙ୍ଗ୍ ଆୟାନାଣ୍ଡିଙ୍ଗ୍ ସିସୁଦି  
ଝାଲେ ଝେଙ୍ଗ୍ ନାଡ୍, ମାରି ଝିଲୁ ଲୋକାଦି ପାଣି ଏଣ୍ଡେସ୍ନାନିକା,  
ଆୟା ସିସୁ ପରିକା କିନାଡ୍ ।

୧୫ କୁନାନ୍ଦିକାଲୁ ମୁସ୍କୁ ଆମାଝାନି ତିଆରକିତିମାନି ପାଣି ସିସୁଦି  
ପରିକାଦୁ ଆର୍ଏଣ୍ଡାଗା ତେବାନାନ୍, ଆର୍ଡିଙ୍ଗ୍ ଝାନ୍ ପୁରସ୍କାର  
ପୟନାନ୍ ।



୧୫ ଜଦି ଆମାଞ୍ଜାନି ପାଣି ଦ୍ରୁସ ଆନାଡ଼, ଖାନିନ୍ଦିନେ ନାସ୍ଥୁ ଆନାଡ଼, ମାରି ଖାନ ନିଜେ ରକିୟା ପୟନାନ୍, ମାତର୍ ଆକା ସିସୁ ଲୋଇ ମାଟ୍ସି ବୁଲାତି ଖାଜା ଆନାଡ଼ ।

୧୬ ☆ମିର୍ ସଡ଼ତାନ୍ ନେସ୍ତୁ ଜେ ମିର୍ ମାପୁରୁଦି ମନ୍ଦିର୍, ମାରି ମାପୁରୁଦି ଆମା ମି ଲୋଇ ତେବାନାଡ଼ ।

୧୭ ଜଦି ଏନ୍ ମାପୁରୁଦି ମନ୍ଦିରତିଙ୍ଗ ନାସ୍ଥୁ କିନାନ୍, ଆରତିଙ୍ଗ ମାପୁରୁ ଖାନିଙ୍ଗ ନାସ୍ଥୁ କିନାନ୍; ଇରିଙ୍ଗ ମାପୁରୁଦି ମନ୍ଦିର୍ ପବିତ୍ର, ଆୟା ମନ୍ଦିର୍ ମିର୍ ।

୧୮ ଏନ୍ ନିଜେଦିଙ୍ଗ ବାଣ୍ଡିସ୍ କିମାକିନ୍ । ଜଦି ଏନ୍ ଇୟା ଦୁନିଆଦୁ ମି ଲୋଇରାନ୍ ନିଜେଦିଙ୍ଗ ବୁଦି ଇଜି ଅଡ଼ବିନାନ୍, ଆରତିଙ୍ଗ ଖାନ ଏଣ୍ଡେସ୍ ବୁଦି ଆଦେଙ୍ଗ ଆଟ୍ଟନାନ୍, ଇୟାଉଣ୍ଡିଙ୍ଗ ଖାନ ମୁର୍କୁ ଆଦେଙ୍ଗ ପଡ଼ାନାଡ଼ ।

୧୯ ଇରିଙ୍ଗ ଇୟା ଜଗଡ଼ତି ଆଗଡ଼ି ଆମାକା ବୁଦି, ଆକା ମାପୁରୁଦି ଲାକ୍ତୁ ମୁର୍କୁଦିକା । ଦର୍ମସାସ୍ତ୍ରୁ ରାସ୍ତାମାନାଡ଼, “ମାପୁରୁ ବୁଦିଦିଲୋକାଙ୍ଗ ଖାରି ସାଲାକିଦିଙ୍ଗ ଆସ୍ତନାନ୍ ।”

୨୦ ମାରିତେସି ସାସ୍ତ୍ରୁ ରାସ୍ତାମାନାଡ଼ ଜେ, “ପ୍ରବୁ ନେସ୍ତନାନ୍ ଜେ ବୁଦିଦିଲୋକାରି ସିନ୍ତା ବେକାର୍ ।”

୨୧ ମାରି, ଏନ୍ ଲୋକ୍ତିମାନୁ ଗର୍ବ କିମାକିନ୍ । ସଡ଼ତାନ୍ ଝିଜୁ ବିସୟ ମିଦିନେ ।

୨୨ ପାଉଲ, ଆପୋଲୋ, ପିତର୍, ଇୟା ଜଗଡ଼, ଜିବନ୍ ମାରି ସାନିକା, ଇଲେଇ ମାରି ବବିସଡ଼ ଝିଜୁ ମିଦିନେ ।

୨୩ ମାତର୍ ମିର୍ କ୍ରିସ୍ତଦି ଲୋକୁ ମାରି କ୍ରିସ୍ତ ମାପୁରୁଦିକାନ୍ ।

## ୪

### କ୍ରିସ୍ତଦି ପ୍ରେରିତ ସିସୁ

୧ ଲୋକୁ ମାଙ୍ଗ୍ କ୍ରିସ୍ତଦି ସେବାକିନିକାର ଇଜି ଝେର୍ନିକା ମାନାଡ଼ । ମାପୁରୁ ମାଙ୍ଗ୍ ମାରଗିତି ସଡ଼ତି ବିସୟ ଗୁମୁସ୍ତା କିତାମାନାନ୍ ।

୨ ମାରି, ଇୟାଖାଜା ଦାଇଡ଼ ମାନାଡ଼ିମାନି ଲୋକୁ ନିଜେଦି ପ୍ରବୁଦି ଉଣ୍ଡିଙ୍ଗ ବିସ୍ତବାସ୍ ଆନିକା ଅରେନ୍ ଦରକାର୍ ।

୩ ମାତର ମି ମାଣକୁ ମାରି ଆମା ଇନି ବିଚାରକିନି ସବାଦି ମାଣକୁ ବିଚାର ଆନି ଉଣ୍ଡିଙ୍ଗ ନାନୁ ସିନ୍ତା ସିଲେ, ଇୟାଞ୍ଜାଜା ନେ ନାନୁ ନିଜେ ବା ନିଜେଦି ବିଚାର କିଏଜିନା ।

୪ ଇରିଙ୍ଗ ନାନୁ ନିଜେଦି ବିରୁଦ୍ଧତାନ୍ ମାନି ମାଟା ମୋନ୍‌ତୁ ନେସ୍‌ଏ । ମାରିବା ଇବେନ୍‌ ନାନୁ ଦସ୍‌ସିଲେଡ୍ ଇଜି ପାରାମାଣ୍ କିଆୟ୍‌ଆଏ । ମାତର ନା ବିଚାର ପ୍ରବୁ କିନାନ ।

୫ ଆଦେଙ୍ଗ, ବେଡାଦି ଆଗ୍‌ଡିନେ ପ୍ରବୁ ବିଚାର କିଦେଙ୍ଗ୍ ଝାନି ସାନ୍ଦି କାପକିଦୁ । ଇନି ବିସୟ୍ ବିଚାର କିମାଟ୍ । ଝାନ୍ ସିକାଟିଦୁ ମାରଗିତିମାନି ବିସୟ୍‌କୁଞ୍ଜି ଜାୟ୍‌ତୁ ତରନାନ୍, ମାରି ଲୋକା ମୋନ୍‌ତୁ ମାରଗିତିମାନି ମାଟେଙ୍ଗ୍‌ଞ୍ଜି ଝେକ୍‌ନାନ୍; ନାସ୍ତିଞ୍ଜାଲେ ଞ୍ଜି ଲୋକୁ ମାପୁରୁଦିମାଣୁକୁ ପ୍ରସଂସା ପୟ୍‌ନାର ।

୬ ଏ ତଡାନ୍‌କୁ ନି ତାଙ୍ଗ୍‌କି, ନାନୁ ମି ସିକିୟା ଉଣ୍ଡିଙ୍ଗ ଇୟାଞ୍ଜି ମାଟେଙ୍ଗ୍ ନା ନିଜେଦିଙ୍ଗ୍ ମାରି ଆପୋଲୋଙ୍ଗ୍ ସୁଡ଼ୁଟି କାତା ଝେରତା, ଏଣ୍ଡେସ୍ “ସାସ୍ତ୍ରୁ ଆମାକା ରାସାତା ମାନାଡ୍, ଆବେନ୍‌ ତାନିମାଣୁକୁ ଆଗ୍‌ଡି ସୋଲ୍‌ମାଟ୍ ।” ଇକା ମିର୍ ମା ମାଣକୁ ଅଜାଦୁ, ମାରି ଏଣ୍ଡେସ୍ ମି ଲୋଇରାନ୍ ଏନ୍ ଅରେନ୍‌ଝାନି ଅସି ଗର୍ବ କିମାକିନ୍ ମାରି ଅରେନ୍‌ଝାନିଙ୍ଗ୍ ଅସି ଡିସ୍‌ମାକିନ୍ ।

୭ ଇରିଙ୍ଗ୍ ଏନ୍ ମିଙ୍ଗ୍ ପେରିକାନ୍ କିତାମାନାନ୍ ? ମାରି, ଆମାକା ମିର୍ ଦାନ୍ ଝାଜା ମାପୁରୁଦିମାଣୁକୁ ପୟ୍‌ଇଦେର୍, ଇୟାଞ୍ଜାଜା ମିଦି ଇନିକା ମାନାଡ୍ ? ମାତର ଜଦି ମିର୍ ଆକା ଦାନ୍‌ଡିଞ୍ଜାଜା ପୟ୍‌ଡିମାନିଦେର୍, ଆରଡିଙ୍ଗ୍ ଆକା ଦାନ୍‌ଡି ଝାଜା ପୟ୍‌ଇଡିଞ୍ଜାଜା ଏନ୍ ଗର୍ବ କିଜିନିଦେର୍ ?

୮ ମି ଦରକାରତି ଞ୍ଜି ବିସୟ୍ ପୟ୍‌ଡି ଶ୍ବେତିଦେରନି ? ମିର୍ ଇନିକା ମାଜନ୍ ଆତିଦେରନି ? ମାଙ୍ଗ୍ ଡିସ୍‌ସି ମିର୍ ଇନିକା ଅରେନ୍ ଅରେନ୍ ରାଜା ଆତିମାନିଦେର୍ ? ସଡ଼ତାନ୍, ମିର୍ ରାଜା ଆତିମାରିଙ୍ଗ୍ ନେଗେନ୍ ଆତାଡ଼ମାନ୍ଦି, ଏଣ୍ଡେସ୍ ମାପ୍ ବା ମି ଝାଲେ ରାଜା ଆଦେଙ୍ଗ୍ ଆଡ଼ତାପମାନ୍ଦି ।

୯ ଇରିଙ୍ଗ୍ ନାଙ୍ଗ୍ ଏଡ଼ ଝାନାଡ୍, ମା ଝାଜା ପ୍ରେରିଡ୍ ସିସୁରିଙ୍ଗ୍ ମାପୁରୁ ଞ୍ଜିଜେରି ସାରାସାରିଞ୍ଜେନ୍‌କାରିବାଗଡୁ ଇଡ଼ତାମାନାନ୍ । ନେସ୍‌ନିଞ୍ଜାଜା ସାନି ଦଣ୍ଡବଗେ କିଜି ଞ୍ଜି ଜଗଡ଼ତି ଲୋକୁ

ମାରି ଦୁତକା ଲାକଡ଼ୁ ସେମାରୁଆନି ଲୋକା ଖାଜା ମାଙ୍ଗୁଁ ଖାନ୍  
ଇଟ୍‌ତାମାନାନ୍ ।

୧୦ ମାପୁ କ୍ରିସ୍ତଦି ଉଣ୍ଡିଙ୍ଗ ମୁକୁଁ ଇଜି ଜାଣାଆତାମାନାପ୍ । ମାତର୍  
ମିର୍ କ୍ରିସ୍ତଦିମାନୁ ବୁଦିମାନିକିଦେରା; ମାପୁ ସାକିସିଲିଲୋକୁ, ମାତର୍  
ମିର୍ ସାକ୍ତିମାନିକିଦେରା । ମିର୍ ସନ୍‌ମାନ୍, ମାତର୍ ମାପୁ ସନ୍‌ମାନ୍  
ଆଏପ୍ ।

୧୧ ମାପୁ ଇଲେଇବା ବାଙ୍ଗା ମାରି ଏରିକି, କିଜିତି ଆଙ୍ଗୁ  
ଆରାତାପ୍ ମାରି ଇନିଆଁଆନିଆଁ ବୁଲାଜିନାପ୍ ମାଡ଼ତିନ୍‌ଜିନାପ୍ ମାରି  
ତେବାନି ଇଲୁ ସିଲେଡ଼ ।

୧୨ ନାଣ୍ଡ କାସ୍‌ପାଣି କିଜି ମାପୁ ଦିନ୍‌ତିଙ୍ଗ ଦିନ୍ ଜିରାଜି ସଲ୍‌ସିନାପ୍  
। ଏନ୍ ମାଙ୍ଗୁଁ ଆନାଦୁରିଆ ଇଟ୍‌ତିଙ୍ଗ, ମାପୁ ଖାନିଙ୍ଗ ଆସିର୍ବାଦ୍  
କିନାପ୍ । କାସ୍‌ପାୟଜି, ସାସ୍ କିଜିନାପ୍ ।

୧୩ ଅପମାନ୍ ଆଜି ମିସାନି ମାଟା ଖେର୍‌ସିନାପ୍, ଇୟାସାନ୍‌ଦିବା ମାପୁ  
ଦୁନିଆଦି କାସ୍‌ରା ଖାଜା ଆତାମାନାପ୍, ଝିଜେରି ଉଣ୍ଡିଙ୍ଗ କିଟିଙ୍ଗ୍‌ତିରି  
ଖାଜା ଆତାମାନାପ୍ ।

୧୪ ନାନ୍ ମିଙ୍ଗୁଁ ସେମାରୁ କିନି ଉଣ୍ଡିଙ୍ଗ ଇୟାଝିଜୁ ବିସୟକୁ ରାସ୍‌ଏ,  
ମାତର୍ ମିର୍ ନା ଲାଡ଼ତି କଡ଼ର୍ ଆତି ମାନିଙ୍ଗ ନେସ୍‌ତେଙ୍ଗ ମାରି  
ସେଡ଼ନା ଆନି ଉଣ୍ଡିଙ୍ଗ ଇୟାଝିଜୁ ବିସୟକୁ ରାସ୍‌ସିନା ।

୧୫ ଇରିଙ୍ଗ କ୍ରିସ୍ତଦି ଜିବନ୍‌ଡୁ ମି ଗାଦିଲୋକ୍ ଦାମ୍‌ଗୁରୁରୁ ତେବାନାର୍  
। ମାତର୍ ମି ବୁବା ଅରେନ୍ । ମି ଲାକଡ଼ୁ ସୁସମାଚାର ପ୍ରଚାର କିନି  
ମାଣ୍‌କୁ କ୍ରିସ୍ତ ଜିସୁଦିମାନୁ ନାନ୍ ମି ବୁବା ଖାଜା ଆତାମାନା ।

୧୬ ଆଦେଙ୍ଗ ନାନ୍ ମିଙ୍ଗୁଁ ଅନୁରଦ୍ କିଜିନା, ମିର୍ ନା ଖେନ୍‌କା  
ରାଦୁ ।

୧୭ କ୍ରିସ୍ତଦି ଜିବନ୍‌ଡୁ ନା ଲାଡ଼ତି ନି ବିସ୍‌ବାସ୍‌ତି ମାରିନ୍ ତିମତିଙ୍ଗ  
ମି ଲାକଡ଼ୁ ପୋକ୍‌ତାଜିନା । ଏଣ୍‌ସ୍‌ ନାନ୍ ଜିସୁ କ୍ରିସ୍ତଦିମାନୁ ତେବାଜି  
ଆମା ପୁନି ଜିବନ୍‌ଜାପନ୍ କିଜିନା ମାରି ଝିଜୁତରିନ୍ ଝିଜୁ ମଣ୍ଡୁଲିଆଙ୍ଗା  
ଆମା ଝିଜୁ ସିକିୟା ଖେର୍‌ସିମାରୁଆ, ଆକା ଖାନ୍ ମିଙ୍ଗୁଁ ଏଡ଼  
କିବିସ୍‌କିନା ସିନାନ୍ ।

୧୮ ନାନ୍ ମି ଲାକ୍ଷ୍ମୀ ସଲ୍ ଏ ଇତି ଅଡ଼ବିଜି ଏନ୍ ଏନ୍ ମୋହଲ୍‌ତୁ  
 ଝେଡ଼ିକା ଆତାମାନାରୁ ।

୧୯ ମାତର ଜଦି ମାପୁରୁ ବଦା କିତିଙ୍ଗ, ନାନ୍ ମି ଲାକ୍ଷ୍ମୀ ଦାପ୍ତେ  
 ଖାନା; ମାରି, ଆକାର ଗର୍ବ କିଜିନାରୁ, ଖାରି ମାଟା ସିଲେ, ମାତର  
 ସତ୍ତାନ୍ ଖାରି ଏସ ସାକ୍ତିମାନାଡ଼, ଆକା ନାନ୍ ସୁଡ଼ନ୍ତୁ ।

୨୦ ଇରିଙ୍ଗ ମାପୁରୁଦି ରାଜି କେବଲ ମାଟାଦି ବିସ୍ମୟ ସିଲେ, ମାତର  
 ସାକ୍ତିଦି ବିସ୍ମୟ ।

୨୧ ମି ଇଚ୍ଛା ଇନିକା ? ନାନ୍ ଇନିକା ମିଙ୍ଗ୍ ସାସନ୍ କିନି ଉଣ୍ଡିଙ୍ଗ  
 କରତା ଆସ୍‌ସି ଖାନା ? ନୋ, ଜିବନ୍‌ନୋନିକା ମାରି ସାକ୍ତିଦି ମୋନ୍  
 ଆସ୍‌ସି ଖାନା ।

## ୫

### ମଣ୍ଡଲିଦୁ ଦାରିପାଣି

୧ ସତ୍ତାନ୍ ଝେଙ୍ଗ୍ ଜିନାଡ଼ ଜେ, ମି ଲୋଇ ବୟାଙ୍ଗାଡ଼ି ଦାରିପାଣି  
 ମାନାଡ଼, ମାରି ଇୟାଞ୍ଜାଦି ଦାରିପାଣି, ଆମାକାକି ଅଣଜିହ୍ୱଦି  
 ଲୋକାମାନୁ ବା ଆସଡ଼ । ନାନ୍ ଝେରାଆମାନା, ମି ଲୋଇରାନ୍  
 ଅରେନ୍ ନିଜେଦି ବୁବାଦି ଆଡ଼ସିଙ୍ଗ୍ ଇଟ୍‌ତାମାନାନ୍ ।

୨ ମାରି, ଏନ୍ ଇୟା ପାଣି କିତାମାନାନ୍, ମିର୍ ଏଣ୍ଡେସ୍ ନିଜେଦି  
 ବିସୟତାନ୍ ଗର୍ବ କିଦେଙ୍ଗ୍ ଆଟ୍‌ସିନିଦେର୍ ? ସତ୍ତାନ୍ ତରିଟାନ୍ ମିର୍  
 ସେମାର ଆଜି ଆୟାଞ୍ଜାଦି ଲୋକ୍‌ତିଙ୍ଗ୍ ମି ମାଣ୍‌କୁ ପେରନିକା  
 ନେଗେଡ଼ ।

୩ ମାତର ନାନ୍ ଆବେନ୍ ମୋହଲ୍‌ତାନ୍ ସିଲିତିଙ୍ଗ୍ ବା, ଆମ୍‌ଦାନ୍  
 ତେବାତାମାନା, ଏନ୍ ଇୟାଞ୍ଜା ପାଣି କିତାମାନାନ୍, ଆବେନ୍‌ତେବାତି  
 ଞ୍ଜାଜା ଖାନି ବିଚାର କିତାଞ୍ଜିସତାମାନାନ୍ ।

୪ ପ୍ରବୁ ଜିସୁଦି ଦରତାନ୍ ମିର୍ ଉନ୍‌ଡ୍ରେମାନୁ ଆନି ଖାଲେ ନାନ୍ ବା  
 ଆବେନ୍ ଆମ୍‌ଦାନ୍ ତେବାତାମାନା ଇଜି ନେସ୍‌ସି ମାରି ପ୍ରବୁ ଜିସୁଦି  
 ସାକ୍ତି ମାମାନୁ ତେବାତାମାନାଡ଼ ।

୫ ଇୟାଞ୍ଜା ଲୋକ୍‌ତିଙ୍ଗ୍ ମୋହଲ୍‌ତି ସାନି ଉଣ୍ଡିଙ୍ଗ୍ ସୟତାନ୍‌ତି  
 କିୟୁଦୁ ସରପେ କିଜସିଦୁ, ଏଣ୍ଡେସ୍ ପ୍ରବୁ ଜିସୁଦି ଖାନିଦିନ୍‌ତୁ ଖାନି ଆମ୍‌  
 ରକ୍‌ୟା ପୟଦେଙ୍ଗ୍ ଆଟ୍‌ନାଡ଼ ।

୬ ☆ ମିର ଇୟାଞ୍ଜା ଗର୍ବ କିନିକା ନେଗେଡ଼ ସିଲେ । ମିର ଇନିକା ନେସ୍‌ଇଦେର୍ ଜେ, କାଣ୍ଡେକ୍‌ନେ କମିର୍ ଝିନ୍ତୁ ଅଟାଗୁଣ୍ଡୁତିଙ୍ଗ୍ ସଇସ୍ କିନାଡ଼ ?

୭ ମି ଲୋଇରାନ୍ ପାଡ଼ିଇ ପାପ୍‌କମିରତିଙ୍ଗ୍ ସୋପ୍‌ସ ପୋକ୍‌ତୁ । ଆରତିଙ୍ଗ୍, ମିର କମିରସିଲି ପୁନି ନେଗିଅଟାଗୁଣ୍ଡୁ ଞାଜା ଆନିଦେର୍ ମାରିବା ନାନ୍ ନେସ୍‌ନା, ମିର ଇଲେଇ ଆୟାଞ୍ଜା ମାନିଦେର୍ । ନିସ୍ତାର ପଣ୍ଡୟତି ତିଆରକିନିକା ଝିଜିତାମାନାଡ଼ । ମା ନିସ୍ତାର ପଣ୍ଡୟତି ମେଣ୍ଡାପିଲା ଞାଜା ନିଜେ କ୍ରିସ୍ତ ପୁଜାସିନି ଞାଜା ସର୍ବପେ ଆତାମାନାନ୍ ।

୮ ଆରତିଙ୍ଗ୍ ରାଦୁ, ମାଡୁ ପାଡ଼ିଇ କମିର ମାରି ପାପ୍ ମାରି ତାଗୁଇପାଣି ଞାଜାଦି କମିରତାନ୍ ପଣ୍ଡୟ କିଏଣ୍‌ଗା ନେଗେନ୍‌ତାନ୍ ମାରି ସଡ଼ତାନ୍ କମିରସିଲି ରୁଟିଦାନ୍ ଇୟା ପଣ୍ଡୟ କିନାଡ଼ ।

୯ ଦାରିପାଣିକିନିଞ୍ଜାରି ଞାଲେ ସଙ୍ଗ୍ କିଇ ଉଣ୍ଡିଙ୍ଗ୍ ନାନ୍ ମିଙ୍ଗ୍ ନା ଆଗଡ଼ିରି ଆକୁଦୁ ରାସ୍‌ତାମାରଆ;

୧୦ ତାନି ଅର୍ତ୍ତ ଆଏଡ଼ ଜେ ଇୟା ଦୁନିଆଦାନ୍ ଦାରିପାଣି, ଦନ୍‌ଆସା, ତଙ୍ଗାକିନିକା ମାରି ବମା ପୁଜାକିନିଞ୍ଜାରି ଞାଲେ ମୁଡ଼ଟୁକ ସଙ୍ଗ୍ କିମାଡ଼ । ଆୟାଞ୍ଜା ଆତିଙ୍ଗ୍, ମିଙ୍ଗ୍ ଦୁନିଆଦାନ୍ ସୋସ ସନ୍‌ଡ୍ରେଙ୍ଗ୍ ପଡ଼ାନାଡ଼ ।

୧୧ ମାତର୍ ନାନ୍ ଆକୁଦୁ ଇକା ରାସ୍‌ତା ମାର୍ହା ଜେ, ଜଦି ଆମା ଲୋକ୍ ସଙ୍ଗ୍ ଇଜି ଜାଣାସିନା କିଜି ଦାରିପାଣି, ଦନ୍‌ଆସା, ବମା ପୁଜାକିନିକାନ୍, ଆକାର୍, ମଦୁଆ ମାରି ତଙ୍ଗାବ୍‌ସନ୍ ଆନାନ୍, ଆରତିଙ୍ଗ୍ ଇୟାଞ୍ଜାଦି ଲୋକ୍‌ତି ଞାଲେ ତଡ଼୍ କିମାଡ଼, ମାରି ଇୟାନାନି ଲୋକ୍‌ତି ଞାଲେ ଉଣ୍ଡୁମାଡ଼ ।

୧୨ ଇରିଙ୍ଗ୍ ଆଡ୍ରେରି ଲୋକାଙ୍ଗ୍ ବିଚାର୍ କିଦେଙ୍ଗ୍ ନାନୁ ଏନ୍ ? ମାତର୍ ମା ମଣ୍ଡଲିଦୁ ମିସାତିମାନି ଲୋକାଙ୍ଗ୍ ବିଚାର୍ କିନି ଦାଇଡ଼ ଇନିକା ମାଦି ସିଲେ ?

୧୩ ମାପୁରୁ ଞାରି ବିଚାର୍ କିନାନ୍, ଦର୍ମସାସ୍ତ୍ରଦୁ ରାସ୍‌ତାମାନାଡ଼, “ଆୟା ତାଗୁଇ ଲୋକାଙ୍ଗ୍ ମି ଲୋଇରାନ୍ ସୋପ୍‌ତୁ ।”



## କ୍ରିଷ୍ଣାନ୍ ତତ୍ତ୍ବାନକା ବିରୁଦ୍ଧତାନ୍ ତାଗ୍ଭପାଣି

୧ ମି ଲୋଇରାନ୍ ଆମାଞ୍ଜାନି ବିରୁଦ୍ଧତାନ୍ ମାଟା ମାରିଙ୍ଗ୍, ଆର୍ତ୍ତିଙ୍ଗ୍ ଖାନ୍ କ୍ରିଷ୍ଣାନ୍ତି ବିସ୍ବାସ୍ତରି ଲାକ୍ତୁ ସଲ୍‌ଏଣ୍ଟା ଅବିସ୍ବାସ୍ତରି ବିଚାରକିନିଞ୍ଜାରି ଲାକ୍ତୁ ସନି ଉଣ୍ଡିଙ୍ଗ୍ ଏଣ୍ଡେସ୍ ସାସ୍ କିଜିନାନ୍ ?

୨ ମାପୁରୁଦି ଲୋକ୍ତୁ ଦୁନିଆଦି ବିଚାର କିନାର ଇଜି ଇୟା ମାଟା ଇନିକା ମିର୍ ନେସ୍‌ଇଦେର୍ ? ମିର୍ ଜଦି ଦୁନିଆଦି ବିଚାର କିଦେଙ୍ଗ୍ ଆର୍ତ୍ତିଦେର୍, ଆର୍ତ୍ତିଙ୍ଗ୍ ମିର୍ ଇନିକା ଇୟା ଇସ୍ତ୍ର ବିସ୍ତ୍ରତିଙ୍ଗ୍ ବିଚାର କିଦେଙ୍ଗ୍ ଆର୍ତ୍ତିଦେର୍ ?

୩ ମାଡ୍ ଜେ ମୁସ୍‌କୁପୁରତି ଦୁଡ୍‌କା ବିଚାର କିନାପ୍, ଇକା ଇନିକା ମିର୍ ନେସ୍‌ଇଦେର୍ ? ଆର୍ତ୍ତିଙ୍ଗ୍ ଦୁନିଆଦି ମାଟେଙ୍ଗ୍‌ଞ୍ଜି ବିଚାର କିନିକା, ମା ଉଣ୍ଡିଙ୍ଗ୍ ନାଣ୍ଡ ଉସାସ୍ ଆନାଡ୍ ସିଲେ ?

୪ ଇୟାଞ୍ଜି ଇସ୍ତ୍ର ବିସ୍ତ୍ରତିଙ୍ଗ୍ ମାଟାଞ୍ଜାରିଗି ଉଣ୍ଡିଙ୍ଗ୍ ଏନ୍ଦା ମଣ୍ଡଲିଦୁ ଆମାକାର ସନ୍‌ମାନ୍ ଆଏର୍, ଆୟାଞ୍ଜା ବିଚାର ଲୋକା ଲାକ୍ତୁ ସୋଲ୍‌ସିନିଦେର୍ ?

୫ ଇୟାଞ୍ଜି ମିର୍ ସେମାର୍ ଆନିକା ମାନାଡ୍ । କ୍ରିଷ୍ଣବିସ୍ବାସ୍ତ୍ର ତତ୍ତ୍ବାନତିମାନ୍ ସୋସିମାନି ଜଗତାଦିଙ୍ଗ୍ ତିର୍ କିଦେଙ୍ଗ୍ ସତ୍ତ୍ବାନ୍ ମି ମଣ୍ଡଲିଦୁ ଏନ୍ ସିଲିତିଙ୍ଗ୍ ଏନ୍ ଅରେନ୍ ବୁଦିଦି ଲୋକ୍ ମାନାନ୍ ।

୬ ମାତର୍ ତତ୍ତ୍ବାନ୍ ମାରି ଅରେନ୍ ତତ୍ତ୍ବାନତି ବିରୁଦ୍ଧତାନ୍ ନିୟାୟ୍ କିନିବାଡିଦୁ ଝେର୍‌ନାନ୍, ଆକା ମାରି ଅବିସ୍ବାସ୍ତ୍ର ଆୟାତାନି ବିଚାର କିଜିନାର୍ ।

୭ ମି ଲୋଇ ସାଲାତିମାନି ଜାତିଜଗତା ଝେର୍‌ସିନାଡ୍ ଜେ । ମିର୍ ଜେ ନିଜେନିଜେଦି ବିରୁଦ୍ଧତାନ୍ ନିୟାୟ୍ କିନିବାଡିଦୁ ଝେର୍‌ସିନିଦେର୍, ଆବେନ୍ ମିର୍ ପୁରା ଦୋସି । ତାଗ୍ଭପାଣି କିନି ବାଦ୍‌ଲୁ ବର୍ ଅନ୍ୟାୟ୍ ସାସ୍ କିଜି ନାସ୍ ଆନିକା, ମି ଉଣ୍ଡିଙ୍ଗ୍ ନେଗେଡ୍ ସିଲେ ନୋ ?

୮ ଇକା କିନି ବାଦ୍‌ଲୁ ନିଜେ ନିଜେଦି ଉଣ୍ଡିଙ୍ଗ୍ ଇୟାଞ୍ଜା ନିଜେଦି ତତ୍ତ୍ବାନକା ଉଣ୍ଡିଙ୍ଗ୍ ଅନ୍ୟାୟ୍ କିଜି ଖାରିଙ୍ଗ୍ ସେମାର୍ କିଜିନିଦେର୍ ।

୯ ଅଦାମ୍ବୁଦିକାର ଜେ ମାପୁରୁଦି ରାଜିଦି ଅଦିକାର୍ତିକାର୍ ଆଏର୍, ଇକା ଇନିକା ମିର୍ ନେସ୍‌ଇଦେର୍ ? ଇୟା ବିସ୍ତ୍ରତାନ୍ ମିର୍

ବାୟାବେବ୍‌ରି ଆମାଟ୍, ତାଗ୍‌ଲପାଣି, ବମା ପୁଜାକିନିକାନ୍, ଦାରିପାଣି,  
ବେସ୍ୟା, ତାଗ୍‌ଲପାଣିଦୁ ତେବାତିମାନି ଲୋକୁ

୧୦ ମାରି ଡଙ୍ଗାଋଏନ୍, ଦନ୍‌ଆସା, ମଦୁଆ, ସୁରିଝାର୍‌ଗିନିକା ମାରି  
ଆଇ ଲୋକା ଜିନିଷକୁ ଡଙ୍ଗାକିନିକାର୍, ଇୟାକାର୍ ମାପୁରୁଦି ରାଜିଦୁ  
ବାଗ୍ ପୟ୍‌ଏର୍ ।

୧୧ ମାରି, ମି ମାଣକୁ ଏନ୍ ଏନ୍ ଆୟାଝାଜା ମାରିଇଦେର୍, ମାତର୍  
ଇଲେଇ ମିର୍ ପାପ୍‌ତାନ୍ ନରାଆୟ୍ ଆଜି ମାପୁରୁଦି ଉଦେସ୍‌ତାନ୍  
ମାନିଦେର୍ । ମାରି ପ୍ରବୁ ଜିସୁ କ୍ରିସ୍ଟ ମାରି ପବିତ୍ରଆତ୍ମାଦାନ୍ ମିର୍  
ଦାର୍ମୁଦିକାନ୍ ଇଜି ଲେକିସ୍‌କିଆତିମାନିଦେର୍ ।

ନିଜେଦି ମେନ୍‌ଲତିଙ୍ଗ୍ ମାପୁରୁଦି ଗୌରବ୍‌ତି ଉଣ୍ଡିଙ୍ଗ୍ ବ୍ୟବ୍‌ହାର୍  
କିଦୁ

୧୨ ☆ଏନ୍ ଝେର୍‌ତେଙ୍ଗ୍ ଆଟ୍‌ନାନ୍, “ଝିଜୁ ବିସୟ୍ କିନି ଉଣ୍ଡିଙ୍ଗ୍  
ନାଙ୍ଗ୍ ଅଦିକାର୍ ସିଆୟ୍‌ଆତାମାନାଡ୍ ।” ସଡ୍‌ମାଟା, ମାତର୍ ଝିଜୁ  
ବିସୟ୍ ମି ଉଣ୍ଡିଙ୍ଗ୍ ନେଗେଡ୍ ସିଲେ । ଝିଜୁ ବିସୟ୍ ପୁରା କିଦେଙ୍ଗ୍  
ନା ଅଦିକାର୍ ମାନାଡ୍ ଇଜି ନାଙ୍ଗ୍ ଆଡ୍‌ଗି କିନି ଉଣ୍ଡିଙ୍ଗ୍ ନାନ୍ ଏଙ୍ଗ୍  
ଏସ୍‌କାଙ୍ଗ୍ ସୁଜୋଗ୍ ସିଏ ।

୧୩ ଆଇକାନ୍ ଏନ୍ ଝେର୍‌ତେଙ୍ଗ୍ ଆଟ୍‌ନାନ୍, “କାଦି ପଟାଦି ଉଣ୍ଡିଙ୍ଗ୍,  
ମାରି ପଟା କାଦିଦି ଉଣ୍ଡିଙ୍ଗ୍ ଟିକ୍ ।” ସଡ୍‌ମାଟା, ମାତର୍ ମାପୁରୁ  
ରୁଣ୍ଡିଝାନିକାଙ୍ଗ୍‌ବା ନାସ୍‌କିନାନ୍ । ମେନ୍‌ଲ୍ ଦାରିପାଣିଦି ଉଣ୍ଡିଙ୍ଗ୍ ସିଲେ,  
ମାତର୍ ପ୍ରବୁଦି ସେବାପାଣିଦି ଉଣ୍ଡିଙ୍ଗ୍ ବ୍ୟବ୍‌ହାର୍ ଆପିଡ୍, ଇରିଙ୍ଗ୍ ପ୍ରବୁ  
ମେନ୍‌ଲତି ଉଣ୍ଡିଙ୍ଗ୍ ଦରକାର୍‌ମାନିକା ପୁରା କିନାନ୍ ।

୧୪ ମାପୁରୁ ପ୍ରବୁଙ୍ଗ୍ ସାତିମାଣାନ୍ ମାରିଡେସି ଜିବନ୍‌କିଜି  
ନିକ୍‌ତାମାନାନ୍, ମାରି, ନିଜେଦି ସାକ୍ତିଦାନ୍ ଝାନ୍ ମାଙ୍ଗ୍ ବା  
ମାରିଡେସି ଜିବନ୍‌କିଜି ନିକ୍‌ନାନ୍ ।

୧୫ ମି ମେନ୍‌ଲ୍ ଜେ କ୍ରିସ୍ଟଦି ମେନ୍‌ଲତି ଉନ୍‌ଡ୍ରି ବାଗ୍ ଝାଜା, ଇକା  
ଇନିକା ନେସ୍‌ଇଦେର୍ ? ଆରତିଙ୍ଗ୍ ନାନ୍ ଇନିକା କ୍ରିସ୍ଟଦି ମେନ୍‌ଲତିଙ୍ଗ୍  
ଆସ୍‌ସିସୋଲ୍‌ସି ବେସ୍ୟାଦି ମେନ୍‌ଲ୍ କିନା ? ଆକା ଏସ୍‌କାଙ୍ଗ୍‌ବା  
ଆମାକିଡ୍ ।

୧୭ ମାରି ଏନ୍ ବେସ୍ୟାଦି ଖାଲେ ମିସାନାର, ଖାନ୍ ଖାନି ଖାଲେ ଉନ୍ତେ ମୋହଲ୍‌ନେ ଆନାର, ଇକା ଜନିକା ମିର୍ ନେସ୍‌ଜଦେର୍ ? ଇରିଙ୍ଗ ସାସ୍ତୁ ନେଗେନ୍‌ତାନ୍ ରାସ୍‌ତା ମାନାଡ଼, “ଆୟା ରିଏର୍ ଅରେନ୍‌ନେ ଆନାର ।”

୧୮ ମାତର୍ ଏନ୍ ପ୍ରବୁଦି ଖାଲେ ମିସାନାନ୍, ଖାନ୍ ଖାନି ଖାଲେ ଆମ୍‌ଦୁ ଉନ୍ତେ ଆନାଡ଼ ।

୧୯ ଦାରିପାଣିଦାନ୍ ଆକ ମାନ୍‌ହୁ । ଆଇ ଜନି ପାପ୍ ଲୋକ୍‌ତି ମୋହଲ୍‌ତିଙ୍ଗ୍ କାରାପ୍ କିଏଡ଼ । ମାତର୍ ଏନ୍ ଦାରିପାଣି କିନାନ୍, ଖାନ୍ ନିଜେଦି ମୋହଲ୍‌ତି ବିରୁଦ୍‌ତାନ୍ ପାପ୍ କିନାନ୍ ।

୨୦ ☆ ଇକା ଜନିକା ମିର୍ ନେସ୍‌ଜଦେର୍ ? ମାରି ମି ମୋହଲ୍ ଜେ ମାପୁରୁଦିମାଣାନ୍ ପୟ୍‌ତି ମି ଜିବନ୍‌ତୁବାସାନି ପବିତ୍ରଆମ୍‌ଦି ମନ୍ଦିର୍, ମାରି ମିର୍ ନିଜେ ନିଜେଦି ଆଇଦେର୍, ମାତର୍ ମାପୁରୁଦିକାର୍ ।

୨୧ ଖାନ୍ ମିଙ୍ଗ୍ ନାଣ୍ଟ ଦାରା ସିଜି କଟାମାନାନ୍; ଆଦେଙ୍ଗ୍ ମି ମୋହଲ୍‌ତାନ୍ ମାପୁରୁଦି ଦନ୍‌ସବାଦ କିଦୁ ।



### ପେଡ଼ିଆନି ବିସୟତାନ୍ ନିୟମ୍

୧ ମିର୍ ଆମାଞ୍ଜିଲ୍ ବିସୟ ରାସ୍‌ତିମାନିଦେର୍, ଇଲେଇ ନାନ୍ ଆୟାଞ୍ଜିଲ୍‌ଦି ଉତର୍ ଖେର୍‌ନା । ପେଡ଼ି ଆଇକା ନେଗେଡ଼ ।

୨ ମାତର୍ ଦାରିପାଣିଦି କିନି ଆସାଦି ଉଣ୍ଡିଙ୍ଗ୍ ଝିଜେରେ ମେମାର୍‌ଜୁଁ ନିଜେଦି ଆଡ଼ସିକ୍ ମାନିକା, ମାରି ଝିଜୁଲୋକ୍ ଆଇମେକା ନିଜେଦି କନ୍‌ଲିର୍ ମାନିକା ଦରକାର୍ ।

୩ କନ୍‌ଲି, ଆଡ଼ସି ଉଣ୍ଡିଙ୍ଗ୍ ନିଜେଦି ମୋହଲ୍ ପୁରା କିନିକା ମାରି ଆଡ଼ସି କନ୍‌ଲି ଉଣ୍ଡିଙ୍ଗ୍ ନିଜେଦି ମୋହଲ୍‌ତି ପୁରା କିନିକା ମାନାଡ଼ । ମାରି ରିଏର୍ ରିଏରି ଦରକାର୍ ପୁରା କିନି ନିୟମ୍ ।

୪ ନିଜେଦି ମୋହଲ୍‌ତି ମୁସ୍‌କୁ ଆଡ଼ସିଦି ଅଦିକାର୍ ସିଲେଡ଼, ମାତର୍ କନ୍‌ଲିଦି ଅଦିକାର୍ ମାନାଡ଼; ଆୟାଞ୍ଜାବା କନ୍‌ଲିଦି ନିଜେଦି ମୋହଲ୍‌ତି ମୁସ୍‌କୁ ଅଦିକାର୍ ସିଲେଡ଼, ମାତର୍ ଆଡ଼ସିଦି ଅଦିକାର୍ ମାନାଡ଼ ।



୫ ନିଜେନିଜେଦିଙ୍କୁ ଖାର ଆକ ତେବାମାକିର୍ । ମାତର ରିଏର୍ ମତାମ୍ ଆଜି ପାରତାନାଦୁ ସମୟସିନି ଉଣ୍ଡିଙ୍କୁ ଏସ ସମୟ ଝେରଏ ତେବାଦେଙ୍କୁ ଆଟ୍ଟନାର । ମାରି, ମି ଜିବନ୍ତୁମିସାନି ଉଣା ଉଣ୍ଡିଙ୍କୁ ସୟତାନ୍ ଏଣ୍ଡେସ୍ ଖାରିଙ୍କୁ ପରିକା କିଏଡ୍, ଆୟାଉଣ୍ଡିଙ୍କୁ ଖାର ମାରିଡେସି ଉନ୍ତେମାନୁ ଆପିର୍ ।

୬ ମାତର ନାନ୍ ଆଦେସ୍ ସିତି ଖାଜା ଝେରଏଣ୍ଡା ବୁଜାକିତିଖାଜା ଝେରସିନା ।

୭ ମାରି, ମିର୍ ଝିନ୍ତୁ ଲୋକୁ ନା ଖାଜା ଆପିର୍ ଇଜି ଇକା ନା ଇଛା । ମାତର ଏନ୍ ଇୟାଖାଜାଦିକା, ମାରି ଏନ୍ ଆୟାଖାଜାଦିକା, ଝିନ୍ତୁଲୋକୁ ମାପୁରୁଦିମାଣାନ୍ ଦାନ୍ ପୟତାମାନାର ।

୮ ମାତର ନାନ୍ ପେଡିଆଇଖାରିଙ୍କୁ ନି ରାଣ୍ଡିଆଇମେକାଙ୍କୁ ଇଜିନା, ଖାର ନା ଖାଜା ଅରେନ୍ନେ ତେବାତିଙ୍କୁ ନେଗେନ୍ ଆତାଡମାଦି ।

୯ ମାତର ଜଦି ଖାର ମୋନ୍ତିଙ୍କୁ ତିର୍ କିଦେଙ୍କୁ ଆଟ୍ଟିଙ୍କୁ, ଆଟ୍ଟିଙ୍କୁ ପେଡି ଆପିର୍ । ଇରିଙ୍କୁ ଆସା ଆଜି କାରାପ୍ ଆନି ବାଦ୍ଲୁ ପେଡି ଆନିକା ନେଗେଡ୍ ।

୧୦ ☆ ମାତର ପେଡିଆତିଖାରିଙ୍କୁ ନାନ୍ ଆଦେସ୍ ସିଜିନା, ନାନ୍ ସିଲେ, ମାତର ପ୍ରବୁ ଆଦେସ୍ ସିନାନ୍, ଆଡ୍ସି ନିଜେଦି କନ୍ଲିମାଣୁକୁ ଝେରଏ ଆମାକିଡ୍;

୧୧ ଜଦି ଖାଦ୍ ଝେରଏ ଆନାଡ୍, ଆଟ୍ଟିଙ୍କୁ ଖାଦ୍ ମାରି ପେଡି ଆମାକିଡ୍, ମାରି ନିଜେଦି କନ୍ଲି ଖାଲେ ମାରିଡେସି ମିସାପିର୍, ମାରି କନ୍ଲି ନିଜେଦି ଆଡ୍ସିଙ୍କୁ ଡିସ୍ମାକିନ୍ ।

୧୨ ମାତର ଆଇ ଝିଜେରିଙ୍କୁ ନାନ୍ ଝେରନା, ପ୍ରବୁ ଇନ୍ଏନ୍, ଜଦି ଏ ତଡାନ୍ତି ଅବିସ୍ବାସ୍ତି ଆଡ୍ସି ମାନାଡ୍, ମାରି ଖାଦ୍ ଖାନି କନ୍ଲି ଖାଲେ ତେବାଦେଙ୍କୁ ବଦା କିନାଡ୍, ଆଟ୍ଟିଙ୍କୁ ଖାନ୍ ତାନିଙ୍କୁ ଡିସ୍ମାକିନ୍ ।

୧୩ ମାରି, ଆମା ଆଡ୍ସିଦି ଅବିସ୍ବାସ୍ କନ୍ଲି ମାନାନ୍, ମାରି ଖାନ୍ ତାନି ଆଡ୍ସି ଖାଲେ ତେବାଦେଙ୍କୁ ଇଛା କିନାନ୍, ଖାଦ୍ ନିଜେଦି କନ୍ଲିଙ୍କୁ ଡିସ୍ମାକିଡ୍ ।

☆ ୭:୧୦ ମାତିଉ ୫:୩୨; ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮.

୧୪ ଇରିଙ୍ଗ ଅବିସ୍ବାସ କନ୍‌ଲି ଆଡ଼ସି ଉଣ୍ଡିଙ୍ଗ ନେଗେନ୍ କିଆତାମାନାନ୍, ମାରି ଅବିସ୍ବାସତି ଆଡ଼ସି କନ୍‌ଲି ଉଣ୍ଡିଙ୍ଗ ନେଗେନ୍ କିଆତାମାନାଡ଼; ପ୍ରବୁ ଜିସୁ କ୍ରିସ୍ତଙ୍ଗ ମାନାଦେଙ୍ଗ ଆଟ୍‌ନାର । ଆକା ଆଏତିଙ୍ଗ ଝାରି କଡ଼ର୍ ପାପ୍ ଆନାର, ମାତର୍ ସତ୍‌ତାନ୍ ଝାର ମାପୁରୁଦି ମାଣ୍‌କୁ ମାନେଆତାମାନାର ।

୧୫ ଆକାଏଣ୍ଡେସଆପିଡ଼, ଜଦି ଅରେନ୍ ଅବିସ୍ବାସସି, ଝାନି କ୍ରିସ୍ତ ବିସ୍ବାସତି କନ୍‌ଲି ମାରି ଆଡ଼ସିମାଣ୍ଡୁ ଝେର୍‌ଏ ତେବାଦେଙ୍ଗ ବଦା କିନାନ୍, ଆରତିଙ୍ଗ ଝାନ୍ ଆକା କିପିନ୍; ଇୟା ପାଣିଦୁ କ୍ରିସ୍ତବିସ୍ବାସସି କନ୍‌ଲି ମାରି ଆଡ଼ସି ଆମା ନିୟମତାନ୍ ମିସାଏର୍ । ଇରିଙ୍ଗ ମାପୁରୁ ମିଙ୍ଗ୍ ସାନ୍ତିବାନ୍ ଜିନିମାଡ଼ିନି ଉଣ୍ଡିଙ୍ଗ କୁକ୍‌ତାମାନାନ୍ ।

୧୬ କ୍ରିସ୍ତ ବିସ୍ବାସତି ଆଡ଼ସି, ନିନ୍ନୁ ନିଜେଦି କନ୍‌ଲିଙ୍ଗ ରକିୟା କିଦେଙ୍ଗ ଆଟ୍‌ନି ଇଜି ଇନିକା ସତ୍‌ତାନ୍ ନେସ୍‌ତିମାନି ? ବିସ୍ବାସତି କନ୍‌ଲି, ନିନ୍ନୁ ନିଜେଦି ଆଡ଼ସିଙ୍ଗ କ୍ରିସ୍ତବିସ୍ବାସତିକା କିଦେଙ୍ଗ ଆଟ୍‌ନି ଇଜି ଇନିକା ପୁରା ଝେର୍‌ତେଙ୍ଗ ଆଟ୍‌ନି ?

### ମାପୁରୁଦି କୁକ୍‌ନି ଇସାବ୍‌ତାନ୍ ଜିଦୁ

୧୭ କେବଲ ପ୍ରବୁ ଆମାଝାନିଙ୍ଗ ଏଣ୍ଡେସ୍ ନାନି ଦୟା ସିତାମାନାନ୍, ମାପୁରୁ ଝିଜେରିଙ୍ଗ ଆମା ଅବସ୍ଥାଦାନ୍ କୁକ୍‌ତାମାନାନ୍, ଝାନ୍ ଆୟାଝାଜା ଜିପିନ୍ । ନାନ୍ ଝିଜୁ ମଣ୍ଡୁଲିଆଙ୍ଗ ଇୟାଝାଜାଦି ଆଦେସ୍ ସିନା ।

୧୮ ଏନ୍ କି ସୁନ୍ନତ୍ ଅବସ୍ଥାଦାନ୍ ମାପୁରୁ କୁକ୍‌ତାମାନାନ୍, ଝାନ୍ ଅସୁନ୍ନତି ଝାଜା ତରାଦେଙ୍ଗ ସେସ୍ କିମାକିନ୍ । ଏନ୍ କି ଅସୁନ୍ନତ୍ ଅବସ୍ଥାଦାନ୍ ମାପୁରୁ କୁକ୍‌ତାମାନାନ୍, ଝାନ୍ ସୁନ୍ନତ୍ ଆମାକିନ୍ ।

୧୯ ସୁନ୍ନତ୍ ଇନିକା ସିଲେ, ମାରି ଅସୁନ୍ନତ୍ ଇନିକା ପେରି ବିସୟ୍ ସିଲେ, ମାତର୍ ମାପୁରୁଦି ଆଦେସ୍‌କୁ ମାନାନିକା ପେରି ବିସୟ୍ ।

୨୦ ମାପୁରୁଦି ମାଟା ମାନାତିଝାଲେ ଏନ୍ ଏଣ୍ଡେସ୍ ନାନି ଅବସ୍ଥାଦାନ୍ ମାର୍‌ହାନ୍, ଝାନ୍ ଆୟା ଅବସ୍ଥାଦାନ୍ ମାନିନ୍ ।

୨୧ ମାପୁରୁ କୁକ୍‌ତିଝାଲେ ନିନ୍ନୁ ଇନିକା ଗତିମୁରୁଲି ମାର୍‌ଇ ? ଆୟାଉଣ୍ଡିଙ୍ଗ ସିନ୍ତା କିମା, ମାତର୍ ଏସକାଙ୍ଗ ମୁକୁଡ଼ାଦେଙ୍ଗ ଆଟ୍‌ନି, ଆରତିଙ୍ଗ ଆୟା ସୁଜୋଗ୍ ନେଗେନ୍‌ତାନ୍ ମାନାଦୁ ।

୨୨ ଇରିଙ୍ଗ ପ୍ରବୁଦିମାଣୁକୁ କୁକ୍କାୟ ଆତିମାନି କଟିସାକର୍, ଝାନ୍ ପ୍ରବୁଦି ମୁକୁଡ଼ାତି ଲୋକ୍; ଆୟାଝାଜା ଏନ୍ ମୁକୁଡ଼ା ଆଜି କୁକ୍କାୟଆତାମାନାନ୍, ଝାନ୍ କ୍ରିସ୍ତଦି କଟିସାକର୍ ।

୨୩ ମାପୁରୁ ମିଙ୍ଗ ନାଣ୍ଡ ଦାରା ସିଜି କଟାମାନାନ୍, ଲୋକା ସାକର୍ ଆମାଟ୍ ।

୨୪ ଏ ତଡ଼ାନ୍କୁ ନି ତାଙ୍ଗି, ମାପୁରୁ ମିଙ୍ଗ କୁକ୍ତିଝାଲେ ଆମା ଅବସ୍ଥାଦାନ୍ ମାରଇଦେର୍, ଆୟାଝାଜା ମାପୁରୁଦି ଝାଲେ ଅର୍ସେ ଜିନିକା ମାନାଡ଼ ।

### ପେଡ଼ିଆଇକାର ମାରି ରାଣ୍ଡିଆଇମେକା ବିସୟତାନ୍ ମାଟା

୨୫ ମିର୍ ପେଡ଼ିଆଇଝାରି ବିସୟତାନ୍ ନେସତେଙ୍ଗ ଅଡ଼ବିଜିନିଦେର୍ । ଇୟା ବିସୟତାନ୍ ନାନ୍ ପ୍ରବୁଦିମାଣୁକୁ ଇନି ମାଟା ପୟଏ । ମାତର୍ ପ୍ରବୁଦି ସାକାଦାନ୍ ଅରେନ୍ ବିସ୍ବାସତି ଜଗ୍ ଲୋକ୍ ଝାଜା ନା ମୋନ୍ତି ବଦା ଝେରସିନାଡ଼ ।

୨୬ ନାନ୍ ଏଡ଼କିନା ଜେ, ଲୋକୁ ଏଣ୍ଡେସ୍ ମାନାର୍, ଇଲେଇତି ବାଦାଦି ଉଣ୍ଡିଙ୍ଗ ଆୟାଝାଜା ତେବାନିକା ନେଗେଡ଼ ।

୨୭ ନିନ୍ ଇନିକା ଆଡ଼ସି ଝାଲେ ତେବାତିମାନି ? ଆର୍ଡିଙ୍ଗ ଇୟା ଗାଟିଦାନ୍ କୁଦାଦେଙ୍ଗ ସେସ୍ କିମା । ନିନ୍ ଇନିକା ଆଡ଼ସିମାଣୁକୁ ମୁକୁଡ଼ାତିମାନି ? ଆର୍ଡିଙ୍ଗ ଆଡ଼ସିଙ୍ଗ ପୟଦେଙ୍ଗ ସେସ୍ କିମା ।

୨୮ ଜଦି ମିର୍ ପେଡ଼ି ଆତିମାନିଦେର୍, ଆର୍ଡିଙ୍ଗ ପାପ୍ କିଇଦେର୍; ମାରି ଜଦି ପେଡ଼ିଆଇ ଆଇଲି ପେଡ଼ି ଆତିଙ୍ଗ, ଆର୍ଡିଙ୍ଗ ଝାଦ୍ ପାପ୍ କିଏଡ଼ । ମାତର୍ ପେଡ଼ିଆତି ଲୋକ୍ତିଙ୍ଗ ଦୁନିଆଦି ବେସି ଦୁଃକ୍ କାସ୍ ସାସ୍ କିଦେଙ୍ଗ ପଡ଼ାନାଡ଼ । ମାରି ମିର୍ ଏଣ୍ଡେସ୍ ଆବେଟ୍କୁ ରକ୍ୟା ପୟନିଦେର୍, ଇକା ନା ବଦା ।

୨୯ ମାତର୍ ଏ ତଡ଼ାନ୍କୁ, ନାନ୍ ଇୟା ମାଟା ଝେରତେଙ୍ଗ ବଦା କିଜିନା, ଦିନ୍ ଲାକ୍ତୁ ଝାତାଡ଼ନି, ଆଦେଙ୍ଗ ଆମାଝାରିଙ୍ଗ ଆଡ଼ସିକ୍ ମାନେ, ଝାଡ଼ ଆଡ଼ସିକ୍ ସିଲି ଝାଜା ଆପିର୍ ।

୩୦ ମାରି, ଆମାକାର୍ ଆଡ଼ବାନାର୍, ଝାଡ଼ ଆଡ଼ବାଇ ଲୋକା ଝାଜା ଆପିର୍, ମାରି, ଆମାକାର୍ ଝେଡ଼ିକା କିନାର୍, ଝାଡ଼ ଝେଡ଼ିକାକିଇ ଲୋକା ଝାଜା ଆପିର୍; ଆମାକାର୍ କଣାର୍, ଝାଡ଼ ନିଜେଦି ସିଲି ଲୋକା ଝାଜା ଆପିର୍ ।

୩୧ ମାରି, ଆମାକାର ଜଗତ୍ ବିସୟତାନ୍ ଖେଡ଼ିକା ପୟନାର,  
 ଖାର ଖେଡ଼ିକା ପୟଇ ଲୋକା ଖାଜା ଆପିର । ଇରିଙ୍ଗ ଇୟା ଦୁନିଆଦି  
 ଖେଡ଼ିକା ନାଶ୍ବିଦିନ ତେବାଏଡ଼ ।

୩୨ ମାତର୍ ମିର୍ ଏଣ୍ଡେସ୍ ସିନ୍ତା ଆମାଟ୍, ଇକା ନା ବଦା ।  
 ଏନ୍ ପେଡ଼ିଆଏନ୍, ଖାନ୍ ଏଣ୍ଡେସ୍ ପ୍ରବୁଦି ଖେଡ଼ିକାଦିକାନ୍ ଆନାନ୍,  
 ଇୟାଉଣ୍ଡିଙ୍ଗ୍ ପ୍ରବୁଦି ବିସୟ ଅସି ସିନ୍ତା ଆନାନ୍ ।

୩୩ ମାତର୍ ଏନ୍ ପେଡ଼ିଆତିକାନ୍, ଖାନ୍ ଏଣ୍ଡେସ୍ ନିଜେଦି ଆଡ଼ସିଙ୍ଗ୍  
 ଖେଡ଼ିକାଦିକାନ୍ ଆନାନ୍, ଆୟାଉଣ୍ଡିଙ୍ଗ୍ ଖାନ୍ ଇଲୁଦି ବିସୟ ଅସି ସିନ୍ତା  
 ଆନାନ୍ ।

୩୪ ମାରି ଖାନି ମୋନ୍ ଇନିଙ୍ଗ୍ ଆନିଙ୍ଗ୍ ଆନାଡ଼ । ପେଡ଼ିଆଇ  
 ଆଇ ମାନି ରିପାଆଇଲି, ପ୍ରବୁଦି ପାଣିଦୁ ମୋନ୍ଦିୟାନ୍ ସିନେ, ଇରିଙ୍ଗ୍  
 ମେନ୍ଦଲ୍ ମାରି ଆମ୍ବାଦାନ୍ ଖାଦ୍ ନିଜେଦିଙ୍ଗ୍ ମାପୁରୁଦି ମାନ୍ ସିଦେଙ୍ଗ୍  
 ବଦା କିନାଡ଼; ମାତର୍ ଏଦ୍ ପେଡ଼ିଆତାମାନାଡ଼, ଖାଦ୍ ଏଣ୍ଡେସ୍ ନିଜେଦି  
 କନ୍ଲିଙ୍ଗ୍ ଖେଡ଼ିକା କିନି ତାନି ବଦା, ଆୟାଉଣ୍ଡିଙ୍ଗ୍ ଦୁନିଆଦି ବିସୟ  
 ଅସି ସିନ୍ତା ଆନାଡ଼ ।

୩୫ ଇୟା ମାଟା ନାନ୍ ମି ନିଜେଦି ନେଗି ଉଣ୍ଡିଙ୍ଗ୍ ଖେରସିନା, ମିଙ୍ଗ୍  
 ଉରିଦୁ ଆରପେତେଙ୍ଗ୍ ଇନ୍ଏ, ମାତର୍ ମିର୍ ଏଣ୍ଡେସ୍ ନେଗି ବ୍ୟବହାର  
 କିଜି ଉନ୍ତେ ମୋନ୍ତାନ୍ ପ୍ରବୁଦି ସେବାଦୁ ସରପେ କିଦୁ, ଇୟାଉଣ୍ଡିଙ୍ଗ୍  
 ଖେରସିନା ।

୩୬ ପେଡ଼ି ଆଦେଙ୍ଗ୍ ଲସ୍ତି ଖେନ୍କା, ମେମାରଏନ୍ ଜଦି ଅଡ଼ବିନାନ୍  
 ଜେ ଖାନି ଲସ୍ତିମାନି ଆଇଲି ଉଣ୍ଡିଙ୍ଗ୍ ଖାନ୍ ନେଗେନ୍ ବ୍ୟବହାର  
 କିଦେଙ୍ଗ୍ ଆଟ୍ଏଜିନାନ୍, ଜଦି ଖାନି ଲାଲାୟ ନାଶ୍ବି ଆନାଡ଼ ମାରି ଖାନି  
 ଉଣ୍ଡିଙ୍ଗ୍ ପେଡ଼ି ଆନିକା ନେଗେଡ଼, ଆରତିଙ୍ଗ୍ ଖାନି ବଦା ଇସାବତାନ୍  
 ଖାର ପେଡ଼ି ଆପିର । ଇବେନ୍ ଇନି ପାପ୍ ସିଲେଡ଼ ।

୩୭ ମାତର୍ ଆମା ଲୋକ୍ ଜାସାପେଲା ଆଜି ତାନି ଗାଡ଼ସିଙ୍ଗ୍ ପେଡ଼ି  
 ଆଦେଙ୍ଗ୍ କେଏଣ୍ଗା ଡାଟ୍ ଆନାନ୍ ମାରି ନିଜେଦି ଇନ୍ଦ୍ରିୟ ଆସା  
 ପୁରା ତେବା କିଦେଙ୍ଗ୍ ଆଟ୍ତାମାନାନ୍ ମାରି ଗାଡ଼ସିଙ୍ଗ୍ ଆୟାଖାଜା  
 ରିପାଆଇଲିଦି ଅବସ୍ଥାଦାନ୍ ଇଡ଼ଦେଙ୍ଗ୍ ବଦା କିତାଞ୍ଜିସ୍ତାମାନାନ୍,  
 ଆରତିଙ୍ଗ୍ ଖାନ୍ ଟିକ୍ କିତାମାନାନ୍ ।

୩୮ ଆଦେଙ୍ଗ୍ ଏନ୍ ତାନି ଆଇମାଦିଙ୍ଗ୍ ପେଡ଼ି କିନାନ୍, ଖାନ୍ ନେଗେନ୍  
 କିନାନ୍, ମାରି ଏନ୍ ପେଡ଼ି କିଏନ୍, ଖାନ୍ ମାରି ନାଶ୍ବି ନେଗେନ୍ କିନାନ୍

୧୯ କନ୍‌ଲି ଜିବନ୍‌ମାନି ସାନ୍ତି ଆଡ଼ସି ମିସାନା ମାନାତା; ମାତର୍ କନ୍‌ଲି ସାତି ଖେନ୍‌କା ତାନି ବଦାଦାନ୍ ମାରିଡେସିପେଡି ଆଦେଙ୍ଗ୍ ଆଟ୍‌ନାଡ଼; ମାତର୍ ଆମାଞ୍ଜାନିଙ୍ଗ୍ ପେଡି ଆନାଡ଼, ଝାନ୍ କ୍ରିସ୍ତ ବିସ୍‌ବାସି ଆନି ମାନିକାମାନାଡ଼ ।

୪୦ ମାତର୍ ଝାଡ଼ ଆମା ପେଡି ଆଏଣ୍ଡା ମାନାଡ଼, ଆୟା ଅବସ୍ଥାଦାନ୍ ତେବାତିଙ୍ଗ୍ ନାଣ୍ଡ ସୁକ୍ ଆନାଡ଼, ଇକା ନା ବଦା, ମାରି ଇକାବା ମାପୁରୁଦି ପବିତ୍ରଆମ୍‌ଦି ବଦା ଇଜି ନାନ୍ ଅଡ଼ବିଜିନା ।

## ୮

### ଦିୟାମ୍‌କାଙ୍ଗ୍ ବଗ୍ ସିନି ବିସୟତି ପ୍ରସ୍ନ

୧ ଦିୟାମ୍‌କାଙ୍ଗ୍ ସିନି ବଗ୍ ବିସୟତାନ୍ ନା ମାଟା ଇକା, ମା ଓଜେରିଙ୍ଗ୍ ବୁଦି ମାନାଡ଼ ଇଜି ମିର୍ ଆମାକା ଖେର୍‌ସିନିଦେର୍, ଆକା ମାପ୍ ନେସ୍‌ନାପ୍ । ବୁଦି ଲୋକ୍‌ତିଙ୍ଗ୍ ଆକାର୍ କିନାଡ଼, ମାତର୍ ଜିବନ୍‌ନୋନିମାଣ୍ଡକୁ ଲୋକ୍‌ତିଙ୍ଗ୍ ମିସାକିନାଡ଼ ।

୨ ଜଦି ଏନ୍ ଇନିକା ନେସ୍‌ତାମାନା ଇଜି ଏଡ଼ କିନାନ୍, ଆର୍‌ତିଙ୍ଗ୍ ଝାନିନ୍ତି ଏଣ୍ଡେସ୍ ନେସ୍‌ନିକା ମାନାଡ଼, ଝାନ୍ ଇୟାସାନ୍ତି ଆୟାଞ୍ଜା ନେସ୍‌ଏନ୍ ।

୩ ଜଦି ଏନ୍ ମାପୁରୁଙ୍ଗ୍ ଜିବନ୍‌ନୋନାନ୍, ଝାନିଙ୍ଗ୍ ମାପୁରୁ ନେସ୍‌ନାନ୍ ।

୪ ଆଦେଙ୍ଗ୍ ବମେଆଙ୍ଗ୍ ସିନି ବଗ୍ ଉଣି ବିସୟତାନ୍ ମାପ୍ ନେସ୍‌ନାପ୍ ଜେ, ଦୁନିଆଦୁ ଦିୟାମ୍ ଇଜି ଇନିକା ସିଲେଡ଼, ମାରି ଅରେନ୍ ମାପୁରୁଙ୍ଗ୍ ଡିସ୍‌ତିଙ୍ଗ୍ ଏନ୍ ସିଲେନ୍ ।

୫ ଇରିଙ୍ଗ୍ ମୁସ୍‌କୁପୁରଡ଼ୁ ଆପିଡ଼ ମାରି ଦୁନିଆଦୁ ଆପିଡ଼, ଆମାଞ୍ଜାନିକାଙ୍ଗ୍ ଦିୟାମ୍ ଇଜି ଇନାର୍, ଜଦି ଝାକ୍ ତେବାଦେଙ୍ଗ୍ ଆଟ୍‌ନେମାନେ, ଇୟାଞ୍ଜା ଗାଦି “ଦିୟାମ୍‌କୁ” ମାରି ଗାଦି “ପ୍ରବୁରୁ” ତେବାନାଡ଼ ।

୬ ମାତର୍ ମା ଅରେନ୍‌ମାତର୍ ମାପୁରୁ, ଆମା ବୁବାଦିମାଣ୍ଡକୁ ଓଜୁ ବିସୟ ତିଆର୍ ଆତାମାନାଡ଼, ମାରି ମାଡୁ ଝାନି ଉଣ୍ଡିଙ୍ଗ୍ ଜିତିମାନିକା, ମାରି ଅରେନ୍‌ମାତର୍ ପ୍ରବୁ, ଜିସୁ କ୍ରିସ୍ତ, ଝାନି ମାଣ୍ଡକୁ ଓଜୁ ବିସୟ ତିଆର୍ ଆତାମାନାଡ଼ ମାରି ଝାନିମାଣ୍ଡକୁ ମାଡୁ ଜିତିମାନିକା ।

୭ ମାତର ଓଜେରେ ଇୟା ସତ୍ ନେସ୍‌ଏର; ଏସ ଲୋକ୍ ଇୟାସାନ୍ଦିବା ଦିୟାମ୍ ମାନାତ୍ ଇଜି ଅଡ୍‌ବିଜି ଦିୟାମ୍‌କାଜ୍ ସିନି ବଗ୍ ତିନାର୍, ମାରି ଖାରି ବୁଦି ଦୁର୍ବଲ୍, ଆଦେଙ୍ଗ୍ ଆୟା କାଦି ଉଣି ମାଣକୁ ଖାର୍ କାରାପ୍ ଆନାର୍ ।

୮ ମାତର କାଦିଦାନ ମାପୁରୁଦି ଖାଲେ ମା ଜାଣାସିନା ଇନିକା ବାଦେଲେ ଆଏଡ୍; ଉଣୁଇତିଙ୍ଗ୍ ମାଙ୍ଗ୍ ଇନିକା ଆଏଡ୍, ମାରି ଉତିଆଙ୍ଗ୍ ମାଙ୍ଗ୍ ଇନିକା ପୁର୍‌ଏଡ୍ ।

୯ ମାତର ଜାଗାର୍‌ତା, ଏସ୍ତିଖାଲେ ମି ଇୟା ଅଦିକାର୍ ଏଣ୍ଡେସ୍ ଦୁର୍ବଲ୍‌ଦିକାର୍ ତାକାନି କାରଣ୍ ଆଏଡ୍ ।

୧୦ ଇରିଙ୍ଗ୍ ବୁଦି ଜେ ମିର୍, ମିଙ୍ଗ୍ ଜଦି ଏନ୍ ମନ୍ଦିରୁତୁ ଉଣିମାନୁ ବାସ୍‌ନିକା ସୁଣାନ୍, ଆରତିଙ୍ଗ୍ ଖାନ୍ ମୋନ୍‌ତୁ ଦୁର୍ବଲ୍ ବିସ୍‌ବାସି ଆତିମାରିଙ୍ଗ୍‌ବା ଇନିକା ବଗ୍ ତିନତ୍ରେଙ୍ଗ୍ ଖେଡିକା ଆଏନ୍ ?

୧୧ ଆରତିଙ୍ଗ୍ ଆମା ଦୁର୍ବଲ୍ ବିସ୍‌ବାସ୍‌ତି ତଡାନ୍ ଉଣିଙ୍ଗ୍ କ୍ରିସ୍ତ ସାତା ମାର୍‌ହାନ୍, ଖାନ୍ ମି “ବୁଦିଦାନ” ନାସ୍ତୁ ଆଜିନାତ୍ ।

୧୨ ଇୟାପ୍ରକାର୍‌ତାନ୍ ତଡାନ୍‌କା ବିରୁଦ୍‌ତାନ୍ ପାପ୍ କିଜି ମାରି ଖାରି ସାସ୍‌ସିଲି ବୁଦିଦିଙ୍ଗ୍ ତାକ୍‌ସି ମିର୍ କ୍ରିସ୍ତଦି ବିରୁଦ୍‌ତାନ୍ ପାପ୍ କିଜିନିଦେର୍ ।

୧୩ ମାରି ଜଦି ଆମା କାଦି ନା ତଡାନ୍‌ତି ଖେର୍‌ଏ ଆଜି ଖାନିଙ୍ଗ୍ ପାପ୍ ସାରିଦାନ୍ ତର୍‌ସି ଅନାତ୍, ଇୟାଉଣ୍ଡିଙ୍ଗ୍ ନାନ୍ ଏସ୍‌କାଙ୍ଗ୍‌ବା କାଣ୍ଡା ତିନ୍‌ଏ ।



### ପ୍ରେରିତ ସିସୁଦି ବ୍ୟବ୍‌ହାର୍‌ତି ନିୟମ୍

୧ ନାନ୍ ଇନିକା ଅରେନ୍ ଅଦିକାର୍‌ତି ଲୋକ୍ ଆଏ ? ନାନ୍ ଇନିକା ଅରେନ୍ ପ୍ରେରିତ ସିସୁ ଆଏ ? ନାନ୍ ଇନିକା ମା ପ୍ରବୁ ଜିସୁଙ୍ଗ୍ ସୁଡ୍‌ସୁ ? ମିର୍ ଇନିକା ପ୍ରବୁଦିମାନୁ ନା କିତିମାନି ପାଣିଦି ପଲ୍ ଆଏଡ୍ ?

୨ ଆଇକାର୍ ନାଙ୍ଗ୍ ପେରିତ ସିସୁ ଇଜି ମାନାଏତିଙ୍ଗ୍ ବା ମିର୍ ମାନାତି ମାନିଦେର୍, ଇରିଙ୍ଗ୍ ପ୍ରବୁଦି ଖାଲେ ମି ଜିବନ୍‌ତି ମିସାନି ଉଣିଙ୍ଗ୍ ନା ପ୍ରେରିତ ପାରମାଣ୍ ମିର୍ ପୟ୍‌ତିମାନିଦେର୍ ।

୩ ନ୍ୟାୟ୍‌କିନିଖାରିଙ୍ଗ୍ ନାନ୍ ଖେର୍‌ନିକା ଇକା ।

୪ ନା ପାଣିଦି ଉଣ୍ଡିଙ୍ଗ କାଦି ମାରି ଏରୁରୁ ଉଣି ଅଦିକାର୍ ଇନିକା ସିଲେଡ଼ ?

୫ ଆଇ ଝିଜେରେ ପ୍ରେରିତ ସିସୁ, ପିତର୍ ମାରି ପ୍ରବୁଦି ତଡ଼ାନକା ଖାଜା ବିସବାସ୍ତି କୁଟୁମ୍ବି ଅରେଡ଼ ଆଡ଼ିଦିଙ୍ଗ ପେଡ଼ି ଆଜ ତାନି ଖାଲେ ବୁଲାନି ଉଣ୍ଡିଙ୍ଗ ନାଙ୍ଗ ଇନିକା ଅଦିକାର୍ ସିଲେଡ଼ ?

୬ ଜିନି ଉଣ୍ଡିଙ୍ଗ କେବଲ ନାଙ୍ଗ ମାରି ବର୍ଣ୍ଣବାବେଙ୍ଗ ଇନିକା କାସୁପାଣି କିଦେଙ୍ଗ ଆନାଡ଼ ?

୭ ଅରେନ୍ ସୌନ୍ୟ ନିଜେଦି କାର୍ସୁ ନିଜେ ସାଲା କିନାନ୍ ନ ? ଏନ୍ ଅଙ୍ଗୁର୍ କିଡ଼ିଇ କିଜି ଆବେଣି ପଲ୍ ତିନ୍ଏନ୍ ? ମାରି ଏନ୍ ମେଣ୍ଡେଙ୍ଗମାୟା ପୋସା କିଜ ତାନତି ପାଲୁ ଉଣ୍ଡିଏନ୍ ?

୮ ନାନ୍ ଲୋକ୍ ଇସାବ୍ତାନ ଇନିକା ଇୟାଝିଜୁ ମାଟା ଝେର୍ସିନା ? ମୋସାଦି ନିୟମ୍ ବା ଇନିକା ଇୟାଝିଜୁ ମାଟା ଇନ୍ଏଡ଼ ?

୯ ☆ଇରିଙ୍ଗ ମୋସାଦି ନିୟମ୍ତୁ ଇକା ରାସାତାମାନାଡ଼, “ଆଡେରେ ବୁଲାଇମାନି କଡ଼ିଦି ମକମ୍ତୁ ତୁଣ୍ଡି ତର୍ମାଟ୍ ।” ମାପୁରୁ ଇନିକା କଡ଼ିଦି ବିସୟତାନ୍ ସିନ୍ତା କିଜିନାନ୍ ?

୧୦ ଖାନ୍ ଇନିକା କେବଲ ମା ଉଣ୍ଡିଙ୍ଗ ଇକା ଇନ୍ଏନ୍ ? ହୁଁ ମା ଉଣ୍ଡିଙ୍ଗ ଇକା ରାସାତାମାନାଡ଼, ଏଣ୍ଡେସ୍ ଚାସ୍ପାଣିକିନିକାନ୍ ମାରି ପାସି ଉଣ୍ଡାକିଜତାନିକାନ୍, ପାସିଦାନ୍ ବାଗ୍ ପୟ୍ନି ଉଣ୍ଡିଙ୍ଗ ଆସା ଇଡ଼ଜି ପାଣି କିନାର୍ ।

୧୧ ☆ଜଦି ମାପ୍ ମି ଉଣ୍ଡିଙ୍ଗ ଆମ୍ବାଦି ଝିତୁ ଝିଡ଼ତାମାନାପ୍, ଆରଡିଙ୍ଗ ମିମାଣୁକୁ ଏସ୍ ଦୁନିଆଦି ପାସି ପୟ୍ନିଦେଙ୍ଗ୍ ବଦା କିନିକା ଇନିକା ଉନ୍ଡି ଆସା ସିଲେ ?

୧୨ ଜଦି ମିମାଣୁକୁ ଇୟାଖାଜା ଆସା କିନି ଉଣ୍ଡିଙ୍ଗ ଆଇଝାରିଙ୍ଗ୍ ଅଦିକାର୍ ମାନାଡ଼, ଆରଡିଙ୍ଗ ମା ଅଦିକାର୍ ଇନିକା ଝାରିମାଣୁକୁ ମାରି ନାଣ୍ଡ ସିଲେ ? ମାରିବା ମାପ୍ ଆୟା ଅଦିକାର୍ ବ୍ୟବହାର୍ କିଏପ୍; ମାତର୍ ଏଣ୍ଡେସ୍ କ୍ରିସ୍ତଦି ସୁସମାଚାର୍ ପ୍ରଚାର୍ତୁ ଇନି ବାଦା ସମାକିଡ଼, ଇୟାଉଣ୍ଡିଙ୍ଗ ମାପ୍ ଝିଜୁ ସାସ୍ କିଜିନାପ୍ ।

୧୩ ଆମାକାର୍ ମନ୍ଦିରତୁ ସେବା କିନାର୍, ଖାର୍ ଜେ ମନ୍ଦିରତି କାଦି ପୟ୍ନିନାର୍, ମାରି ଆମାକାର୍ ବେଦିଦୁ ପୁଜା କିଦେଙ୍ଗ୍ ତେବାନାର୍,

ଝାର ଜେ ବେଦିଦି ଝାଲେ ମିସାଜି ମାନାର, ଇକା ଇନିକା ମିର୍ ନେସ୍‌ଇଦେର୍ ?

୧୪ ✱ଆୟାଝାଜା ଆମାକାର ସୁସମାଚାର ପ୍ରଚାର କିନିକାର, ଝାର ଜେ ସୁସମାଚାରଦାନ ପଟା ପସା କିନାର, ଇକା ପ୍ରବୁ ଆଦେସ୍ ସିତାମାନାନ୍ ।

୧୫ ମାତର୍ ନାନ୍ ଇୟାଝିଜୁ ବିସୟ ଇନିକା ବ୍ୟବହାର କିଏ, ମାରି ନା ଉଣ୍ଡିଙ୍ଗ୍ ଜେ ଇୟାଝାଜା କିଆନାଡ୍, ଇୟାଉଣ୍ଡିଙ୍ଗ୍ ନାନ୍ ଇୟାଝିଜୁ ରାସ୍‌ଏ; ଇରିଙ୍ଗ୍ ଏନ୍ ନା ଇୟା ଗର୍ବଦିଙ୍ଗ୍ ବେକାର୍‌ତିକା ପାରମାଣ୍ କିନି ବାଦ୍‌ଲୁ ସାନିକା ନା ଉଣ୍ଡିଙ୍ଗ୍ ନେଗେଡ୍ ।

୧୬ ଇରିଙ୍ଗ୍ ଜଦି ସୁସମାଚାର ପ୍ରଚାର କିଜିନା, ଆବେନ୍ ନାନ୍ ଗର୍ବ କିନିକା ଇନିକା ସିଲେ, ଇୟା ଦାଇଡ୍ କିନି ଉଣ୍ଡିଙ୍ଗ୍ ନାନ୍ ଆଦେସ୍ ପୟ୍‌ତାମାନା; ମାରି ଜଦି ସୁସମାଚାର ପ୍ରଚାର କିଏ, ଆର୍‌ତିଙ୍ଗ୍ ହାୟ୍, ନାନ୍ ଦଣ୍ଡ ପୟ୍‌ନିକିୟା ।

୧୭ ଜଦି ନାନ୍ ନିଜେଦି ଇଚ୍ଛାଦାନ ଇୟା ପାଣି କିତିଙ୍ଗ୍, ଆର୍‌ତିଙ୍ଗ୍ ନାଙ୍ଗ୍ ପୁରସ୍ସାର ମାନାଡ୍; ମାତର୍ ମାପୁରୁ ନା ମୁସ୍‌କୁ ଇୟା ଦାଇଡ୍ ସିତି ମାନିଙ୍ଗ୍ ଇକା କିଦେଙ୍ଗ୍ ନା ପାଣି ।

୧୮ ଆର୍‌ତିଙ୍ଗ୍ ନାନ୍ ଇନି ପୁରସ୍ସାର ପୟ୍‌ଜିନା ? ଝିଜେରି ଲାକ୍‌ତୁ ଆରେଏ ସୁସମାଚାର ପ୍ରଚାର କିଜିନା, ଇକା ନା ପୁରସ୍ସାର, ଆୟାଉଣ୍ଡିଙ୍ଗ୍ ସୁସମାଚାର ପ୍ରଚାର ଉଣ୍ଡିଙ୍ଗ୍ ନାନ୍ ଇନି ସୁଜୋଗ୍ ସୁବିଦା ଝେଡିକା କିନି ଉଣ୍ଡିଙ୍ଗ୍ ଅଦିକାର ବ୍ୟବହାର ଆଏଡ୍ ।

୧୯ ନାନ୍ ଅରେନ୍ ଜିବନ୍‌ତି ଲୋକ୍, ଏମେଝାନି ପାଣିକିନିସାକର୍ ଆଏ, ଏଣ୍ଡେସ୍ ନାନ୍ କ୍ରିସ୍‌ତି ଉଣ୍ଡିଙ୍ଗ୍ ନାଣ୍ ଲୋକାଙ୍ଗ୍ ପୟ୍‌ନି ଉଣ୍ଡିଙ୍ଗ୍ ଝିଜେରି ଦାସ୍ ଆତାମାନା ।

୨୦ ଏଣ୍ଡେସ୍ ନାନ୍ ଜିହୁଦିରିଙ୍ଗ୍ ପୟ୍‌ଦେଙ୍ଗ୍ ଆଟ୍‌ନା, ଇୟାଉଣ୍ଡିଙ୍ଗ୍ ନାନ୍ ଝାରି ଲାକ୍‌ତୁ ଜିହୁଦିରି ଝାଜା ବ୍ୟବହାର କିଜିନା; ଏଣ୍ଡେସ୍ ମୋସାଦି ନିୟମ୍ ମାନାନିଝାରିଙ୍ଗ୍ କ୍ରିସ୍‌ତିମାନ୍ ପୟ୍‌ଦେଙ୍ଗ୍ ଆଟ୍‌ନା, ଇୟାଉଣ୍ଡିଙ୍ଗ୍ ନାନ୍ ନିୟମ୍‌ତିଙ୍ଗ୍ ମାନାଇଡିଙ୍ଗ୍ ବା ନିୟମ୍‌ତି ଇସାବ୍‌ତି ଲୋକା ଲାକ୍‌ତୁ ନିୟମ୍‌ତି ଇସାବ୍‌ତାନ୍ ମାନି ଝାଜା ବ୍ୟବହାର କିଜିନା ।



୨୧ ଆୟାଞ୍ଜାଳା ଅଣଜିହ୍ୱଦିରିଙ୍ଗ ପୟନି ଉଣ୍ଡିଙ୍ଗ ନାନ ଝାରି ମାନୁ ପାଣି କିନିଞ୍ଜାଲେ ଅଣଜିହ୍ୱଦିରି ଞ୍ଜାଳା ନିୟମ୍ ସିଲି ବ୍ୟବହାର କିଜିନା । ଇୟାତାନି ଅର୍ଥ ସିଲେ ଜେ, ନାନ ମାପୁରୁଦି ବିଦିବିଦାନ ବ୍ୟବହାର କିଏ, ସତ୍ତାନ ନାନ କ୍ରିସ୍ତଦି ନିୟମ୍ତି ଆଡ଼ଗିମାନା ।

୨୨ ଏଣ୍ଡେସ୍ ନାନ ବିସ୍ତବାସତୁ ସାସ୍ତସିଲିଞ୍ଜାରିଙ୍ଗ ପୟଦେଙ୍ଗ ଆଟନା, ଇୟାଉଣ୍ଡିଙ୍ଗ ନାନ ସାସ୍ତସିଲିଞ୍ଜାରି ଲାକ୍ତୁ ଝାରି ଞ୍ଜାଳା ଆତାମାନା; ଏଣ୍ଡେସ୍ ନାନ ଆମାଲନି ଉପାୟତାନ ଝିଜୁ ଲୋକାଙ୍ଗ ରକିୟା କିଦେଙ୍ଗ ଆଟନା, ଇୟାଉଣ୍ଡିଙ୍ଗ ନାନ ଝିଜେରି ଲାକ୍ତୁ ଝିଜୁ ରକମ୍ତି ବ୍ୟବହାର କିତାମାନା ।

୨୩ ନାନ ଏଣ୍ଡେସ୍ ସୁସମାଚାରତି ଆସିର୍ବାଦତିମାନୁ ମିସାନା, ଇୟାଉଣ୍ଡିଙ୍ଗ ଇୟାଝିଜୁ କିନା ।

୨୪ ଆମାକାର ଉରକୁତେଙ୍ଗ ବାଗ ଅନାର, ଝାର ଝିଜେରେ ଉରକୁନାର ସତ୍, ମାତର କେବଲ ଅରେନ୍ ଜେ ପୁରସ୍ତାର ପୟନାନ, ଇକା ଇନିକା ମିର୍ ନେସ୍ଲଦେର୍ ? ମିର୍ ଏଣ୍ଡେସ୍ ପୁରସ୍ତାର ପୟନିଦେର୍, ଇୟାଉଣ୍ଡିଙ୍ଗ ଆୟାଞ୍ଜାଳା ଉରକୁତୁ ।

୨୫ କାରଜିନିକାର ଅଜା କିନିଞ୍ଜାଲେ ଝିଜୁ ବିସୟତାନ ଜାଗାରତା ବ୍ୟବହାର କିବିସ୍ତକିନାର; ଝାର ନାସ୍ତୁଆନି ପୁଙ୍ଗୁସରା ପୟନି ଉଣ୍ଡିଙ୍ଗ ଆକା କିନାର; ମାତର ମାତୁ ନାସ୍ତୁଆଲ ପୁରସ୍ତାର ପୟନି ଉଣ୍ଡିଙ୍ଗ ଆକା କିନିକା ।

୨୬ ଆୟାଉଣ୍ଡିଙ୍ଗ ନାନ ସିଦାଦାନ ଇତି ବାତି ଲାକ୍ତୁ ଉରକୁନା, ଅରେନ୍ ମୁଷ୍ଟିଜୁଞ୍ଜ ଞ୍ଜାଳା ନାନ ନିଜେଦି ମୁଟିଦି ତାକ୍ନି ଞ୍ଜାଳା ଝାରଇକା ଡିସ୍ତସୋ ସିଦେଙ୍ଗ ଅଡ଼ବିନା ।

୨୭ ଆଇ ଲୋକା ଲାକ୍ତୁ ସୁସମାଚାର ପ୍ରଚାର କିତିମାରିଙ୍ଗ ବା ନାନ ନିଜେ ଏଣ୍ଡେସ୍ ସପାୟ ଆନା, ଇୟାଉଣ୍ଡିଙ୍ଗ ନା ନିଜେଦି ମେନ୍ଦଲତିଙ୍ଗ କାସ୍ତୁ ସାସ୍ କିଜି ମାରି ନିଜେଦି ଆଡ଼ଗି କିଜି ଇତାୟଆତାମାନା ।

## ୧୦

### ଦିୟାମ୍ବକା ବିରୁଦ୍ଧତାନ ଜାଗରାତା

୧ ଏ ତତ୍ତାନକୁ ନି ତାଙ୍ଗୁକି, ମୋସାଦି ଝେନ୍ଦକା ସୋଲ୍ସି ମା ପୁର୍ବେଦିତକ୍ତରାଦାଦାରି ଉଣ୍ଡିଙ୍ଗ ଇନିକା ଗଟେ ଆତାମାହାଡ଼, ମିର୍

ଏଡ଼ କିନ୍ତୁ, ଇକା ନା ଅରେନ୍‌ଝାନି ଇଚ୍ଛା । ଖାର ଝିଜେରେ ବାଦଡ଼ତାନ୍  
ସୁରକ୍ୟାଦାନ୍ ମାର୍ହାର୍, ନିଡ଼ି ସାମ୍ବୁରତାନ୍ କାସ୍ତୁଲେଏଶ୍‌ଗା ନାତାର୍

୨ ମାରି ମୋସାଦି ଝେନ୍‌କାସନିଝାରି ଝାଜା ଝାର୍ ଝିଜେରେ ବାଦଡ଼  
ମାରି ସାମ୍ବୁରତୁ ହୁବନ୍ ଅତାର୍,

୩ ମାରି ଝିଜେରେ ଉନ୍‌ଡେ ଆମ୍ବିକ କାଦି ମାରି ଏରୁରୁ ଉଟା ମାର୍ହାର୍,

୪ ଇରିଙ୍ଗ୍ ଝାରି ଝାଲେ ବୁଲାଇମାନି ଜିବନ୍‌ତି ପିଡ଼ପିକାଲୁଦାନ୍  
ଝାର୍ ଆମ୍ବିକ ଏରୁରୁ ଉଣିଜି ମାର୍ହାର୍, ମାରି ଆୟା ପିଡ଼ପିକାଲୁ କ୍ରିସ୍ତ  
।

୫ ମାରିବା ଝାରି ମାଣ୍‌କୁ ଏସଲୋକାମାନୁ ମାପୁରୁଦି ଝେଡ଼ିକା  
ସିଲେତାଡ଼, ଆଦେଙ୍ଗ୍ ଝାରି ସାତି ମେନ୍‌ଲ୍ ମରୁବୁମିଦି ଝିଜୁତରିନ୍  
ଇନିଙ୍ଗ୍ ଆନିଙ୍ଗ୍ ଆଜି ମାର୍‌ଏ ।

୬ ଝାର୍ ଏଶ୍‌ସ୍ ନାନି ତାର୍‌ଇ ବିସୟତାନ୍ ଲାଲାୟ୍ ଆଜିମାର୍ହାର୍,  
ମାଡୁ ଏଶ୍‌ସ୍ ଆୟାଝାଜା ଲାଲାୟ୍ ଆଇକା, ଇୟାଉଣ୍ଡିଙ୍ ଇୟାଝିଜୁ  
ବିସୟ ମା ଉଣ୍ଡିଙ୍ କାତାଦି ଝାଜା ଆତାମାନାଡ଼ ମାରି ସେଡ଼ନା  
ସିଜିନାଡ଼ ।

୭ ଏଶ୍‌ସ୍ ଝାରି ମାଣ୍‌କୁ ଏସଲୋକ୍ ବମା ପୁଜାକିନିକାର୍ ଆତାର୍,  
ଆୟାଝାଜା ମିର୍ ଦିୟାମ୍ ପୁଜାରୀରି ଆମାର୍; ଏଶ୍‌ସ୍ ଦର୍ମସାସ୍ତ୍ରୁ  
ରାସାତାମାନାଡ଼, “ଲୋକୁ ଉନ୍‌ଡେଙ୍ଗ୍ ବାସ୍‌ତାର୍, ମାରି ତାନେଝେନ୍‌କା  
ନିଙ୍ଗ୍ ଜି ରଙ୍ଗ୍‌ରସ୍‌ତାନ୍ କିତାର୍ ।”

୮ ଏଶ୍‌ସ୍ ଝାରି ମାଣ୍‌କୁ ଏସଲୋକ୍ ଦାରିପାଣି କିଜି ଉନ୍‌ଡେ  
ନାଣ୍ଡିଙ୍ କଡେ ତିନି ହାଜାର୍ ଲୋକୁ ସାତାର୍, ଆୟାଝାଜା ପାପ୍ ମାଡୁ  
କିଏଟ୍ ।

୯ ଏଶ୍‌ସ୍ ଝାରି ମାଣ୍‌କୁ ଏସଲୋକ୍ ପ୍ରବୁଙ୍ଗ୍ ପରିକା କିଜି  
ସାରାସ୍‌ତାନ୍ ନାସ୍‌ଆତାର୍, ଆୟାଝାଜା ମାଡୁ ପ୍ରବୁଙ୍ଗ୍ ପରିକା କିଏଟ୍ ।

୧୦ ଏଶ୍‌ସ୍ ଝାରି ମାଣ୍‌କୁ ଏସଲୋକ୍ ମାପୁରୁଦି ବିରୁଦ୍ ମାଟା ଇଜି  
ଜୁଦକିନି ଦୁଡ଼ତାନ୍ ନାସ୍‌ଆତାର୍, ଆୟାଝାଜା ମିର୍ ବିରୁଦ୍‌ତି ମାଟେଙ୍ଗ୍  
ଇନ୍‌ମାର୍ ।

୧୧ ଇୟାଝିଜୁ କାତାଦି ଝାଜା ଝାରି ଉଣ୍ଡିଙ୍ ଗଟାତା ମାର୍ହାର୍,  
ମାରି ଆମାଝାରି ବେଡ଼ାଦୁ ଦୁନିଆ ସେସ୍‌ଆନି ଦିନ୍ ବାସା କିଜିନିକା,

ଇୟାଞ୍ଜାଜା ଜେ ମାତୁ, ମା ସେତନା ଉଣ୍ଡିଙ୍ଗ ଆୟାଞ୍ଜିନ୍ନୁ ରାସାତାମାନାତ୍

୧୭ ଏନ୍ ନିଜେଦିଙ୍ଗ ତାଟ୍‌ମାନା ଇଜି ଅଡ଼ବିନାନ୍, ଝାନ୍ ଏଣ୍ଡେସ୍ ମେଡେଏନ୍, ଇୟାଉଣ୍ଡିଙ୍ଗ ଝାନ୍ ଜାଗରାତା ଆପିନ୍ ।

୧୮ ଲୋକତି ଉଣ୍ଡିଙ୍ଗ ଆମା ଏଣ୍ଡେସ୍ ନାନି ପରିକା ପଡ଼ାତାମାନାତ୍, ଆକା ଡିସ୍‌ତିଙ୍ଗ ଆଇପ୍ରକାରତି ପରିକା ମି ଉଣ୍ଡିଙ୍ଗ ଗଟେ ଆଏଡ୍; ମାତର୍ ମାପୁରୁ ଝାନି ପାର୍‌ମାଣ୍ଡି ରକ୍‌ୟାଦାନ୍ ବିସ୍‌ବାସ୍, ଝାନ୍ ମିଙ୍ଗ୍ ଇନି ସାସ୍‌ସିଲି ପରିକାତୁ ପରିକା ଆଦେଙ୍ଗ୍ ସିଏନ୍, ମାତର୍ ଏଣ୍ଡେସ୍ ମିର୍ ସାସ୍ କିଦେଙ୍ଗ୍ ଆଟ୍‌ନିଦେର୍, ଇୟାଉଣ୍ଡିଙ୍ଗ ପରିକା ଆନି ଦାପ୍ରେ ଦାପ୍ରେ ଝାନ୍ ମିଙ୍ଗ୍ ସାକ୍ତି ସିନାନ୍ ମାରି ଉଦାରତି ସାରି ବା ତିଆର୍ କିନାନ୍ ।

୧୯ ମାରି, ଏ ନା ତଡ଼କୁ, ବମା ପୁଜାଦାନ୍ ଆକ ମାନ୍‌ତୁ ।

୨୦ ନାନ୍ ବୁଦିଦି ଲୋକାଙ୍ଗ୍ ଝେର୍‌ତି ଝାଜା ଝେର୍‌ସିନା; ନାନ୍ ଆମାକା ଝେର୍‌ସିନା, ଆକା ମିର୍ ନିଜେ ବିଚାର କିଦୁ ।

୨୧ ପ୍ରବୁବୋଜତୁ ମାତୁ ଆମା ଉଣ୍ଡିତୁବାୟ୍ ବ୍ୟବ୍‌ହାର୍ କିନିକା, ତାନି ଉଣ୍ଡିଙ୍ଗ ମାତୁ ମାପୁରୁଙ୍ଗ୍ ଦନ୍‌ସବାଦ୍ ସିନିକା । ଇୟା ଉଣ୍ଡିତୁବାୟ୍‌ତାନ୍ ଉଣ୍ଡିଞ୍ଜାଲେ ମାତୁ କ୍ରିସ୍‌ତି ନେଡେର୍‌ତୁ ମିସାନିକା । ମାରି ରୁଟି ରୁକ୍‌ସୋ ତିନି ମାଣ୍‌କୁ ମାତୁ କ୍ରିସ୍‌ତି ମେନ୍‌ଲ୍‌ତୁ ମିସାନିକା ।

୨୨ ଇରିଙ୍ଗ୍ ରୁଟି ଉନ୍‌ଡେ ଆଡିଙ୍ଗ୍‌ବା ମାତୁ ଗାଦିଲୋକ୍ ଆଡିଙ୍ଗ୍ ବା ମାତୁ ଉନ୍‌ଡେ ମେନ୍‌ଲ୍, ଇରିଙ୍ଗ୍ ମାତୁ ଝିଜେରେ ଆୟା ଉନ୍‌ଡେ ରୁଟିଦୁ ମିସାତିମାନିକା ।

୨୩ କେବଲ ଇସ୍ରାଏଲ ଲୋକା ବିସୟ୍‌ତାନ୍ ଏଡକିଦୁ, ଝାରି ମାଣ୍‌କୁ ଆମାକାର୍ ପୁଜାକିତିକାଣ୍ଡା ତିନାର୍, ଝାର୍ ଇନିକା ବେଦିଦି ଉପାସ୍‌ତି ଝାଲେ ମିସାଏର୍ ।

୨୪ ଆର୍‌ଡିଙ୍ଗ୍ ଦିୟାମ୍‌କାଙ୍ଗ୍ ସିନି ବଗ୍ ଇଜି ଜେ ଇନିକା ମାନାତ୍ ମାରି ଦିୟାମ୍ ଇଜି ଜେ ଇନିକା ମାନାତ୍, ଇକା ଇନିକା ନାନ୍ ଝେର୍‌ସିନା ?

୨୫ ସିଲେ, ମାତର୍ ନାନ୍ ଝେର୍‌ସିନା ଜେ, ଆମା ଆମାକା ଝାର୍ ପୁଜା ଝାଜା ସର୍‌ପେ କିନାର୍, ଆୟାଞ୍ଜିନ୍ନୁ ଝାର୍ ମାପୁରୁଦି ଉଦେସ୍‌ତାନ୍ ସିଲେ, ଆକା ଦୁବେଙ୍ଗ୍ ଉଦେସ୍‌ତାନ୍ କିନାର୍ । ମାରି, ମିର୍ ଜେ ଦୁବେଙ୍ଗ୍ ଝାଲେ ମିସାଦୁ, ଇକା ନା ଇଞ୍ଜା ସିଲେ ।

୨୧ ମିର ପ୍ରବୁଦି ଉଣିତୁବାୟ ମାରି ଦୁବେଙ୍ଗା ଉଣିତୁବାୟତୁ ରୁଣ୍ଡିଞ୍ଜାନିକାଙ୍ଗ ଉଣ୍ଡେଙ୍ଗ ଆଟ୍‌ଇଦେର୍; ମିର ପ୍ରବୁଦି ମେଜ ମାରି ଦୁବେଙ୍ଗା ମେଜ ରୁଣ୍ଡିଞ୍ଜାନିକାଙ୍ଗ ମିସାଦେଙ୍ଗ ଆଟ୍‌ଇଦେର୍ ।

୨୨ ମାରିବା ମାତୁ ଇନିକା ପ୍ରବୁଙ୍ଗୁ ଗିଦିରି କିନିକା ? ମାତୁ ଇନିକା ମାପୁରୁମାଣୁକୁ ନାଣ୍ଡ ସାକ୍ତି ?

୨୩ ☆ ଝାଡ଼ ଝେରସିନାର୍, “ଝିଜୁ ବିସୟ ପୁରା କିନି ଉଣ୍ଡିଙ୍ଗ ମାଙ୍ଗ୍ ଅଦିକାର୍ ମାନାଡ଼,” ମାତର୍ ଝିଜୁ ବିସୟ ନେଗିକା ସିଲେ । ମାପ୍ ଝିଜୁ ବିସୟ କିଦେଙ୍ଗ ଆଟ୍‌ନାପ୍, ମାତର୍ ଝିଜୁ ବିସୟତାନ୍ ମିର୍ ମାଟା ସଏଡ଼ ।

୨୪ ଏନ୍ ନିଜେଦି ନେଗିକା ସେସ୍ କିମାକିନ୍, ମାତର୍ ଝିଜୁ ଲୋକା ଆଇଞ୍ଜାନିଙ୍ଗ ନେଗିକା ସେସ୍ କିପିନ୍ ।

୨୫ ବୁଦିଦିଙ୍ଗ ସପା ଇଡିନି ଉଣ୍ଡିଙ୍ଗ ଇନିକା ଝେନ୍‌ବାଏଣ୍‌ଗା ସାତାଦୁ ପରଜିମାନି କାଣ୍ଡା ମିର୍ ନିଜେଦିଇଚ୍ଛାଦାନ୍ ତିନ୍‌ଡେଙ୍ଗ ଆଟ୍‌ନିଦେର୍,

୨୬ ଇରିଙ୍ଗ ସାସ୍ତ୍ରୁ ରାସ୍ତିମାନି ବାକ୍ୟ ଇସାବ୍‌ତାନ୍, ଦୁନିଆ ମାରି ଆବେନ୍ ମାନି ଝିଜୁ ବିସୟ ପ୍ରବୁଦି ।

୨୭ ଅବିସ୍‌ବାସ୍‌ରି ମାଣ୍‌କୁ ଏନ୍ ଜଦି ମିଙ୍ଗ୍ ଉଣି ଉଣ୍ଡିଙ୍ଗ କୁକ୍‌ନାନ୍, ମାରି ମିର୍ ସନ୍‌ଡେଙ୍ଗ ଇଚ୍ଛା କିନିଦେର୍, ଆଟ୍‌ତିଙ୍ଗ ମି ବୁଦିଦି ଉଣ୍ଡିଙ୍ଗ ଇନିକା ଝେନ୍‌ବାଏଣ୍‌ଗା, ଆମାକା ସିତାମାନାର୍, ଆକା ଉଣ୍ଡୁ ।

୨୮ ମାତର୍ ଏନ୍ ଜଦି ମିଙ୍ଗ୍ ଝେରନାନ୍, ଇକା ପୁଜାଦି ଝାଜା ସରପେ ଆତାମାନାଡ଼, ଆଟ୍‌ତିଙ୍ଗ ଜେ ଇକା ଝେରତାନ୍, ତାନି ଉଣ୍ଡିଙ୍ଗ ମାରି ବୁଦିଦି ଉଣ୍ଡିଙ୍ଗ ଆକା ଉଣ୍ଡୁମାଟ୍ ।

୨୯ ମି ନିଜେଦି ବୁଦିଦି ଉଣ୍ଡିଙ୍ଗ ଇଜି ନାନ୍ ଇନ୍‌ଏ, ମାତର୍ ଝାନି ବୁଦିଦି ଉଣ୍ଡିଙ୍ଗ ଝେରସିନା ।

ମିର ଏଣ୍ଡେସାତିଙ୍ଗ ପ୍ରସ୍ନ କିନିଦେର୍, “ମା ଅଦିକାର୍ ଏନ୍‌ଆ ଆଇଞ୍ଜାନି ବୁଦି\* ଦାନ୍ ବିସାର୍ ଆନାଡ଼ ।”

୩୦ ନାନ୍ ମାପୁରୁଙ୍ଗୁ ଦନ୍‌ସବାଦ୍ ସିଜି କାଦି ଉଣ୍ଡିଜିନା, ଆଟ୍‌ତିଙ୍ଗ ଆମାଞ୍ଜାନି ଉଣ୍ଡିଙ୍ଗ ଦନ୍‌ସବାଦ୍ ସିନା, ଝାନି ଉଣ୍ଡିଙ୍ଗ ନିନ୍‌ଆ ଇନିତାନିଙ୍ଗ ଆନା ?

☆ ୧୦:୨୩ ୧ କବିତ୍ୱିୟ ୬:୧୨.

\* ୧୦:୨୯ ନେଗି ତାଗ୍‌ଇ ବିସୟତିଙ୍ଗ ବିଚାର୍ କିନି ଖାନ

୩୧ ଆୟାଉଣ୍ଡିଙ୍କ ମିର ଉଣ୍ଡୁ ସିଲିତିଙ୍କ ତିନୁ ମାରି ଆମାକା ଇନିକା କିଦୁ, ମାପୁରୁଦି ଗୌରବତି ଉଣ୍ଡିଙ୍କ ଝିକୁ କିଦୁ ।

୩୨ ଜିହୁଦି ମାରି ଗ୍ରିକ୍ ମାରି ମାପୁରୁଦି ମଣ୍ଡୁଲି, ଏଙ୍ଗବା ତାକାନି ପାଣି ଆମାଟ୍ ।

୩୩ ମିର୍ ନା ଝାଜା ବେବ୍‌ହାର୍ କିଦୁ । ଏଣ୍ଡେସ୍ ନାନ୍ ବା ନା ସିନ୍ତା କିଏଶଗା ନାଣ୍ଡଲୋକା ରକିୟାଦି ଉଣ୍ଡିଙ୍କ ଝାରି ନେଗିତାନିଙ୍କ ସିନ୍ତା କିନା, ମାରି ଝିକୁ ବିସୟତାନ୍ ଝିଜେରିଙ୍କ ଝେଡିକା କିଦେଙ୍ଗ ଜାତୁନ୍ କିନା ।

## ୧୧

୧ ☆ନାନ୍ ଏଣ୍ଡେସ୍ କ୍ରିସ୍ତୁଦି ଝେନ୍‌କାସୋରଇ ଝାଜା ମିର୍ ବା ଆୟାଝାଜା ନା ଝେନ୍‌କା ରାଦୁ ।

ଉନ୍‌ଡ୍ରେମାନୁ ଉଣ୍ଡାନି ଉପାସନା ମାରି ତାଲାଦୁପିଡ଼୍‌କାନିକା

୨ ମିର୍ ଜେ ଝିକୁ ବିସୟତୁ ନାଙ୍ଗ୍ ଏଡ଼ କିନିଦେର ମାରି ନାନ୍ ମିଙ୍ଗ୍ ଜେ ଝିକୁ ସିକିୟା ସିତାମାନା, ଆୟାଝିକୁ ମାନାଜିନିଦେର, ଇୟାଉଣ୍ଡିଙ୍କ ନାନ୍ ମିଙ୍ଗ୍ ପ୍ରସଂସା କିଜିନା ।

୩ ମାତର୍ କ୍ରିସ୍ତ ଜେ ଝିଜେରି ମେମାରଙ୍ଗା ତାଲାଦି ଝାଜା ମାରି ମେମାରଏନ୍ ଜେ ଆଡ଼ସିଦି ତାଲାଦି ଝାଜା ମାରି ମାପୁରୁ ଜେ କ୍ରିସ୍ତୁଦି ତାଲାଦି ଝାଜା, ଇକା ମିର୍ ନେସ୍‌ତିମାନିଦେର ଇଜିନା ଇଚ୍ଛା ।

୪ ଆମା ମେମାରଏନ୍ ନିଜେଦି ତାଲାଦୁ ପିଡ଼ିକାଜି ପାର୍‌ତାନା କିନାନ୍ ମାରି ମାପୁରୁଦି ବାକ୍ୟ ଝେରନାନ୍, ଝାନ୍ କ୍ରିସ୍ତୁଙ୍କ ଅପମାନ୍ କିନାନ୍ ।

୫ ମାତର୍ ଆମା ଆଇମା ନିଜେଦି ତାଲାଦୁ ପିଡ଼ିକାଏଶଗା ପାର୍‌ତାନା କିନାଡ଼ ମାରି ମାପୁରୁଦି ବାକ୍ୟ ଝେରନାଡ଼, ଝାଦ୍ ଝାନି କନ୍‌ଲିଙ୍ଗ୍ ଅପମାନ୍ କିନାଡ଼ । ଆୟାନାନି ଆଇମା ତାନି ତାଲା ଟାଙ୍ଗ୍‌ରି ଆନି ସାମାନ୍ ।

୬ ଜଦି ଏମେ ଆଇମା ତାଲାଦୁ ପିଡ଼ିକାଏଡ଼, ଆଡ଼ତିଙ୍ଗ୍ ତାନି ତାଲାଦି କୁକୁଟି ବା କୟ୍‌ଜପୋକ୍ତି; ମାତର୍ ଆଇମାଦି ଉଣ୍ଡିଙ୍କ କୁକୁଟି

☆ ୧୧:୧ ୧ କରକ୍ତିୟ ୪:୧୭; ପିଲିପିୟ ୩:୧୭.

କନ୍ୟାନିକା ମାରି ତାଲା ଟାଙ୍ଗିର ଆନିକା ସେମାର, ଆରତିଙ୍ଗ ଖାନ୍  
ତାଲା ପିଡ଼ିକାପିଡ଼ ।

୭ ମେମାର୍‌ଏନ୍ ମାପୁରୁଦି ମୁତ୍‌ଝାଜା ମାରି ଗୌରବ୍‌ଦି ଝାଜା  
ଆତିଙ୍ଗ ସତ୍‌ତାନ୍ ଝାନି ତାଲା ପାଡ଼ାକ୍‌ନିକା ଦରକାର୍‌ ସିଲେ, ମାତର୍  
ଆଇମା ମେମାର୍‌ଏନ୍‌ତି ଗୌରବ୍‌ତି ଝାଜା ।

୮ ଇରିଙ୍ଗ ମେମାର୍‌ଏନ୍ ଆଇମାଦିମାଣୁକୁ ତିଆର୍ ଆଏନ୍, ମାତର୍  
ଆଇମା ମେମାର୍‌ଏନ୍‌ତିମାଣୁକୁ ତିଆର୍ ଆତାମାନାଡ଼ ।

୯ ମାରି ମେମାର୍‌ଏନ୍‌ତି ତିଆର୍‌କିନିକା ଆଇମାଦି ଉଣ୍ଡିଙ୍ଗ  
ଆଏତାଡ଼; ମାତର୍ ମେମାର୍‌ଏନ୍‌ତି ଉଣ୍ଡିଙ୍ଗ ଆଇମାଦି ତିଆର୍ ଆତାଡ଼  
।

୧୦ ଇୟାଉଣ୍ଡିଙ୍ଗ ମେମାର୍‌ଏନ୍‌ତି ଅଦିକାର୍ ଆଇମାଦି ମୁସ୍‌କୁ  
ମାନାଡ଼, ଇୟାତାନି ନେଗେନ୍‌ତାନ୍ ସୁଡ଼ନ୍ତି ଝାଜା, ଦୁଡ଼କା ଉଣ୍ଡିଙ୍ଗ  
ଆଇମା ତାଲାଦୁ ପିଡ଼ିକାନିକା ଟିକ୍ ।

୧୧ ମାରିବା ପ୍ରବୁଦିମାନୁ ମେମାର୍‌ଏନ୍‌ତିମାଣୁକୁ ଆଇମା ଝେରଏ  
ସିଲେ ମାରି ଆଇମାଦିମାଣୁକୁ ମେମାର୍‌ଏନ୍ ଝେରଏ ସିଲେ ।

୧୨ ଇରିଙ୍ଗ ଆଇମା ଏଣ୍ଡେସ୍ ମେମାର୍‌ଏନ୍‌ତିମାଣୁକୁ ତିଆର୍  
ଆତାଡ଼, ମେମାର୍‌ଏନ୍ ଆଇମାଦିମାଣୁକୁ ଜନମ୍ ଆତାମାନାନ୍ ।  
ମାତର୍ ଝିଜୁ ବିସୟ ମାପୁରୁଦିମାଣୁକୁ ତିଆର୍ ଆତାଡ଼ ।

୧୩ ମିର୍ ନିଜେନିଜେ ବିସାର୍ କିଦୁ, ତାଲାଦୁ ପିଡ଼ିକାଏଣ୍ଡା  
ମାପୁରୁଦି ଲାକଡ଼ ପାର୍‌ତାନା କିନିକା ଆଇମାଦି ଉଣ୍ଡିଙ୍ଗ ଇନିକା  
ନେଗେଡ଼ ?

୧୪ ଦୁନିଆଦି ଗୁଣ୍ଡ ଇନିକା ମିଙ୍ଗ୍ ସିକିୟା ସିଏଡ଼ ଜେ,  
ମେମାର୍‌ଏନ୍‌ତିଙ୍ଗ ନିର୍‌ଇ କୁକୁଟି ଡିସ୍‌ତିଙ୍ଗ ଝାନି ଉଣ୍ଡିଙ୍ଗ  
ସେମାର୍‌ତିମାଟା,

୧୫ ମାତର୍ ଆଇମାଦିଙ୍ଗ ନିର୍‌ଇ କୁକୁଟି ଡିସ୍‌ତିଙ୍ଗ ତାନି ଉଣ୍ଡିଙ୍ଗ  
ଆକା ନେଗିମାଟା ? ଇୟା ନିର୍‌ଇ କୁକୁଟି ତାନି ତାଲାଦି ସୁନ୍‌ବର୍‌ତି  
ଉଣ୍ଡିଙ୍ଗ ସିଆୟ୍‌ଆତାମାନାଡ଼ ।

୧୬ ମାତର୍ ଏନ୍ ଜାଟିଜଗଡ଼ା କିଦେଙ୍ଗ ଇଛା କିତିଙ୍ଗ ଝାନ୍ ନେସ୍‌ନି  
ଜେ, ମାମାନୁ ଇୟାଝାଜାଦି ରିତିନିୟମ୍ ସିଲେଡ଼, ମାରି ମାପୁରୁଦି  
ଉପାସନା ମଣ୍ଡୁଲିଆଙ୍ଗ୍ ସିଲେଡ଼ ।

## ପ୍ରବୁବୋଜ

(ମାତିତ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ମାତର ମିର୍ ଉପାସନା ଉଣ୍ଡିଙ୍ଗ ଉନ୍ତେମାନୁ ଆନିଝାଲେ ଜେ, ଇକା ମି ଉଣ୍ଡିଙ୍ଗ ନେଗିକା ଆଏଣ୍ଟା ତାଗ୍‌ଇକା ଆଜିନାଡ଼, ଇବେନ୍‌ ନାନ୍ ମିଙ୍ଗ୍ ପ୍ରସଂସା କିଦେଙ୍ଗ୍ ଆର୍‌ଏଣ୍ଟା ଇୟା ଆଦେସ୍ ସିଜିନା ।

୧୮ ଇରିଙ୍ଗ୍ ଆଗ୍‌ଡିନେ ନାନ୍ ଝେନ୍‌ଜିନା ଜେ, ମଣ୍ଡଲିଦୁ ମିର୍ ଉନ୍ତେମାନୁ ଆନିଝାଲେ ମିମାନୁ ଦଲ୍ ଏର୍‌ପିସିସାନିକା ଗଟାଜିନାଡ଼, ମାରି ନାନ୍ ଏସ ଇସାବ୍‌ତାନ୍ ଇକା ବିସ୍‌ବାସ୍ କିଜିନା ।

୧୯ ଏଣ୍ଡେସ୍ ମିମାନୁ ପରିକାଦୁ ଜିଣାତି ଲୋକୁ ଝେଙ୍ଗ୍‌ନାର୍, ଇୟାଉଣ୍ଡିଙ୍ଗ୍ ମିମାନୁ ଦଲ୍ ଏର୍‌ପିସିସାନିକା ପୁରା ଗଟାନାଡ଼ ।

୨୦ ମିର୍ ଉନ୍ତେ ଦଲ୍ ଝାଜା ଉଣ୍ଡାଜି ଆମା ଉଣିମାନୁ ମିସାଜିନିଦେର୍, ଆକା “ପ୍ରବୁବୋଜ ଆଏଡ଼,”

୨୧ ଇରିଙ୍ଗ୍ ନାସ୍ତିଝାଲେ ମିର୍ ଉଣି ବେଡ଼ାଦୁ ଝିଜିଦେର୍ ଆଇଝାନିଙ୍ଗ୍ କାପୁକିଏଣ୍ଟା ନିଜେ ନିଜେଦି କାଦି ଉଣିଦେର୍, ଆୟାଉଣ୍ଡିଙ୍ଗ୍ ଅରେନ୍ ବାଙ୍ଗାଦୁ ତେବାନାନ୍ ମାରି ଆଇକାନ୍ ଅରେନ୍ ସୋସ୍‌ନା ତେବାନାନ୍ ।

୨୨ ମିଙ୍ଗ୍ ଇନିକା ଉଣିତିନି ଉଣ୍ଡିଙ୍ଗ୍ ନିଜେଦି ଇଲୁ ସିଲେଡ଼ ? ମାରି ମିର୍ ଇନିକା ମାପୁରୁଦି ମଣ୍ଡଲିଦିଙ୍ଗ୍ ସେମାର୍ କିଜିନିଦେର୍, ମାରି ଆମାଝାରିଙ୍ଗ୍ ଇନିକା ବା ସିଲେଡ଼, ଝାରିଙ୍ଗ୍ ସେମାର୍ କିଜିନିଦେର୍ ? ନାନ୍ ମିଙ୍ଗ୍ ଇୟା ବିସ୍‌ୟତାନ୍ ଇନିକା ଝେର୍‌ନା ? ଇନିକା ମିଙ୍ଗ୍ ପ୍ରସଂସା କିନା ? ଇୟା ବିସ୍‌ୟତାନ୍ ନାନ୍ ମିଙ୍ଗ୍ ପ୍ରସଂସା କିଦେଙ୍ଗ୍ ଆର୍‌ଏ ।

୨୩ ଇରିଙ୍ଗ୍ ନାନ୍ ପ୍ରବୁଦିମାଣୁକୁ ପୟତିମାନି ଆମା ସିକିୟା ଆକା ମିଙ୍ଗ୍ ଝେର୍‌ସିନା, ଆକା ସାଡୁରି କିୟୁସୁ ସର୍‌ପେ ଆନି ନାଡ଼ା ପ୍ରବୁ ଜିସୁ ରୁଟି ଅସି

୨୪ ମାପୁରୁଙ୍ଗ୍ ଦନ୍‌ସବାଦ୍ ସିଜି ଆକା ରୁକୁସି ଇର୍‌ହାନ୍, “ଇକା ମି ଉଣ୍ଡିଙ୍ଗ୍ ନା ମେନ୍‌ଲ୍; ନାଙ୍ଗ୍ ଏଡ଼କିନି ଉଣ୍ଡିଙ୍ଗ୍ ଇକା କିଦୁ ।”

୨୫ ଆୟାଝାଜା ତିର୍‌ଇ ଝେନ୍‌କା ଝାନ୍ ଉଣି ହୁବାଇ ବା ଆସ୍‌ସି ଇର୍‌ହାନ୍, ଇୟା ଅଙ୍ଗୁର୍‌ରସ ନା ନେତେର୍‌ତାନ୍ ତିଆର୍‌ଆତିମାନି ମାପୁରୁଦି ପୁନି ନିୟମ୍; ମିର୍ ଏସ ଦେବେଙ୍ଗ୍ ଇବେଣ୍‌କୁ ଉଣିଦେର୍, ନାସ ଦେବେଙ୍ଗ୍ ନାଙ୍ଗ୍ ଏଡ଼କିନି ଉଣ୍ଡିଙ୍ଗ୍ ଇକା କିଦୁ ।

୨୭ ଇରିଙ୍ଗ ଏସ ଦେବେଙ୍ଗ ମିର ଇୟା ରୁଟି ତିନିଦେର୍ ମାରି ଇୟା ଅଙ୍ଗୁରରସତିଙ୍ଗ ଉଣିଦେର୍, ନାସ ଦେବେଙ୍ଗ ମିର ପ୍ରବୁଦି ଖାନିଦିନ୍ ସାନ୍ଦି ଖାନି ସାତି ମାଟା ଖେରସି ମାନିଦେର୍ ।

୨୮ ମାରି, ଏନ୍‌ଆପିନ୍ ଜଗସିଲି ଖାଜାଦାନ୍ ପ୍ରବୁଦି ଇୟା ରୁଟି ତିନାନ୍ ମାରି ଇୟା ହୁବାୟତିଅଙ୍ଗୁରରସ ଉଣାନ୍, ଖାନ୍ ପ୍ରବୁଦି ମୋନ୍‌ଲତିଙ୍ଗ ନି ନେତେରତି ବିରୁଦ୍‌ତାନ୍ ପାପ୍ କିନାନ୍ ।

୨୯ ମାତର୍ ଲୋକ୍ ନିଜେଦିଙ୍ଗ ପରିକା କିପିନ୍, ମାରି ଆୟାଖାଜା ଦାନ୍ ଇୟା ରୁଟି ତିନିନ୍ ମାରି ଇୟା ହୁବାୟତିଅଙ୍ଗୁରରସ ଉଣିନ୍ ।

୩୦ ଇରିଙ୍ଗ ଆମା ଲୋକ୍ ପ୍ରବୁଦି ମୋନ୍‌ଲତିଙ୍ଗ ସତ୍ତି ଅର୍ତ୍ତ ବୁଜାଏଣ୍‌ଗା ତିନାନ୍ ମାରି ଉଣାନ୍, ଖାନ୍ ପୁରା ଦଣ୍ଡ ପୟନାନ୍ ।

୩୧ ଆୟାଉଣ୍ଡିଙ୍ଗ ମି ମାଣ୍‌କୁ ନେରୁର ଗାଦିଲୋକ୍ ସାକିସିଲିକାର୍, ରୋଗତିକାର୍ ମାରି ଗାଦିଲୋକ୍ ସାତାମାନାର୍ ।

୩୨ ଜଦି ଆଗଡିରାନ୍ ମାପୁ ନିଜେ ନିଜେଦି ବିଚାର୍ କିତିଙ୍ଗ, ଆର୍ତିଙ୍ଗ ମାଡୁ ମାପୁରୁଦି ଦଣ୍ଡ ବୋଗାଇତିକା ମାନ୍ଧି ।

୩୩ ମାତର୍ ଦୁନିଆଦି ଖିଜୁଦିନ୍‌ତି ଦଣ୍ଡତାନ୍ ମାଙ୍ଗୁ ରକ୍‌ୟା କିନି ଉଣ୍ଡିଙ୍ଗ ପ୍ରବୁ ମାଙ୍ଗୁ କାସୁ ସିଜି ବିସାର୍ କିଜିନାନ୍ ।

୩୪ ମାରି, ଏ ନା ତଡାନ୍‌କୁ, ମିର ପ୍ରବୁବୋଜ ଉଣି ଉଣ୍ଡିଙ୍ଗ ଉନ୍‌ଡେମାନ୍ ଉଣ୍ଡାନି ଖାଲେ ନିଜେନିଜେଦି ଉଣ୍ଡିଙ୍ଗ କାପକିଦୁ ।

୩୫ ମି ଉଣ୍ଡାନିକା ଏଣ୍ଡେସ୍ ମାପୁରୁଦି ଦଣ୍ଡତି ଉଣ୍ଡିଙ୍ଗ ଆଏଡ୍, ଆୟାଉଣ୍ଡିଙ୍ଗ ଜଦି ଏନ୍ ବାଙ୍ଗା, ଆର୍ତିଙ୍ଗ ଖାନ୍ ଇନ୍‌ଡୁ ଉଣ୍ଡୁ ରାପିନ୍, ତେବାତିମାନି ବିସୟକୁ ଖିଜୁ ନାନ୍ ସରିଙ୍ଗ ବୁଜାନା ।

## ୧୨

### ପବିତ୍ରଆତ୍ମାଦିମାଣ୍ଡୁକୁ ଦାନ୍

୧ ଏ ତଡାନ୍‌କୁ ନି ତାଙ୍ଗୁକି, ପବିତ୍ରଆତ୍ମାଦି ଦାନ୍‌ତି ବିସୟତାନ୍ ନାନ୍ ମିଙ୍ଗୁ ପୁରା ସତ୍ତ ଖେରତେଙ୍ଗ ଅଡବିଜିନା ।

୨ ମିର ନେସନିଦେର୍ ଜେ, ଏସ୍ତିଖାଲେ ମିର ଅଣଜିହୁଦି ମାରୁଖାଲେ, ନାସ୍ତିଖାଲେ ଜିବନ୍‌ସିଲି ଦିୟାମ୍‌କାଙ୍ଗା ପୁଜା କିଜି ମିର ଅଲଗାସାରି ଆତିମାରୁଇଦେର୍ ।



୩ ଆୟାଉଣ୍ଡିଙ୍କ ନାନ୍ ମିଙ୍ଗ୍ ଜାଣେକିଜିନା, ମାପୁରୁଦି ଆମ୍ବାଦାନ ସାଲାନି ଲୋକ୍ “ଜିସୁ ଅବିସାପ୍” ଇଜି ଇନ୍‌ଏନ୍, ମାରି ଏମେ ଲୋକ୍ ପବିତ୍ର ଆମ୍ବା ପୟଏଣ୍‌ଗା “ଜିସୁ ପ୍ରବୁ” ଇଜି ୱେରଡେଙ୍ଗ୍ ଆବ୍‌ଏନ୍ ।

୪ ✱ଆମ୍ବାଦି ଦାନ ଗାଦି ଜାତିଙ୍ଗ୍, ମାତର୍ ଆୟା ଉନ୍‌ଡେ ପବିତ୍ରଆମ୍ବା ଆୟାଞ୍ଜିକୁ ସିନାଡ୍ ।

୫ ସେବା ଗାଦି ରକମ୍‌ତିକେଙ୍ଗ୍ କିଜିନାର୍, ମାରି, ଉନ୍‌ଡେ ପ୍ରବୁଦି ସେବା ଆନାଡ୍ ।

୬ ପାଣି କିନି ୱାରିଙ୍ଗ୍ ଗାଦି ରକମ୍‌ତି ସାକ୍ତି ସିନାନ୍, ମାତର୍ ମାପୁରୁ ଅରେନ୍, ୱାନ୍ ଓଜେରିମାନ୍ ଆୟାଞ୍ଜିକୁ ସିନାନ୍ ।

୭ ଓଜେରି ନେଗି ଉଣ୍ଡିଙ୍ଗ୍ ଓଜେରେ ଲୋକାମାନ୍ ପବିତ୍ରଆମ୍ବାଦି ସାକ୍ତି ଗାଦି ରକମ୍‌ତିକେଙ୍ଗ୍ ତରାନାଡ୍ ।

୮ ଇରିଙ୍ଗ୍ ଅରେନ୍‌ଞ୍ଜାନିଙ୍ଗ୍ ଆମ୍ବାଦି ମାଣ୍‌କୁ ବୁଦିଦି ବାକ୍ୟ, ମାରି ଅରେନ୍‌ଞ୍ଜାନିଙ୍ଗ୍ ଆୟା ଆମ୍ବାଦି ସିକିୟା ଇସାବ୍‌ତାନ୍ ବୁଦିଦି ମାଟା ଇନାନ୍,

୯ ମାରି ଅରେନ୍‌ଞ୍ଜାନିଙ୍ଗ୍ ଆୟା ଆମ୍ବାଦି ମାଣ୍‌କୁ ବିସ୍‌ବାସ୍ ସିନାଡ୍, ମାରି ଅରେନ୍‌ଞ୍ଜାନିଙ୍ଗ୍ ଆୟା ଉନ୍‌ଡେ ଆମ୍ବାଦି ମାଣ୍‌କୁ ନେଗେନ୍ କିନି ସାକ୍ତି,

୧୦ ଆଇଞ୍ଜାନିଙ୍ଗ୍ ଗାଦି ରକମ୍‌ତି ସାକ୍ତିଦି ପାଣି କିଦେଙ୍ଗ୍ ଅଦିକାର୍, ମାରି ଅରେନ୍‌ଞ୍ଜାନିଙ୍ଗ୍ ମାପୁରୁଦି ବାକ୍ୟ ୱେରନ୍ ସାକ୍ତି, ଆଇଞ୍ଜାନିଙ୍ଗ୍ ଆଇ ଆଇ ରକମ୍‌ତି ଆମ୍ବା ସିନିସ୍‌ଡେଙ୍ଗ୍ ସାସ୍, ମାରି ଅରେନ୍‌ଞ୍ଜାନିଙ୍ଗ୍ ଗାଦି ଜାତିଦି ପୁନି ବାସାଦାନ୍ ୱାରିଗିନି ସାକ୍ତି, ମାରି ଅରେନ୍‌ଞ୍ଜାନିଙ୍ଗ୍ ବାସାଦି ଅର୍ଡ କିଦେଙ୍ଗ୍ ସାକ୍ତି ସିଆୟ୍‌ଆତାମାନାଡ୍ ।

୧୧ ମାତର୍ ଆୟା ଉନ୍‌ଡେ ପବିତ୍ରଆମ୍ବା ନିଜେଦି ଇଚ୍ଛାଦାନ୍ ଓଜୁ ଲୋକାଙ୍ଗ୍ ଗାଦିରକମ୍‌ତି ଦାନ୍ ସିଜି ଇୟାଞ୍ଜିକୁ ପାଣି ପୁରା କିନାଡ୍ ।

### ଗାଦି ବାଗ୍‌ତି ତିଆରତି ଉନ୍‌ଡେ ମେନ୍‌ଲ୍

୧୨ ✱କ୍ରିସ୍ ଗାଦିଜାତିଦି ଉନ୍‌ଡେ ମେନ୍‌ଲ୍, ମାରି ଆବେଣି ବାଗ୍‌ତି ଗାଦି, ମାତର୍ ମେନ୍‌ଲ୍‌ତି ଓଜୁ ବାଗ୍‌ତି ଗାଦି ଆତିଙ୍ଗ୍‌ବା ଉନ୍‌ଡେ ମେନ୍‌ଲ୍ ।

୧୩ ଆୟାଞ୍ଜାଜା ଜିହୁଦି, ଅଣଜିହୁଦି, କଟିସାକର ମାରି ଅଦିକାରରି ଲୋକୁ ଆପିନ୍, ଝିଜେରେ ଉନ୍ତୁ ଆମ୍ବାଦି ମାଣକୁ ଉନ୍ତେ ମେନ୍ଦଲ୍ ଆନି ଉଦେସ୍ତାନ ହୁବନ୍ ଅତିମାନିକା, ମାରି ଝିଜେରେ ଉନ୍ତେ ଆମ୍ବାଦାନ ଉଟି ମାନିକା ।

୧୪ ଇରିଙ୍ଗ୍ ମେନ୍ଦଲ୍ ଉନ୍ତେ ବାଗ୍ ଆଏଡ୍, ମାତର୍ ଗାଦି ବାଗ୍ତାନ୍ ତିଆର୍ ।

୧୫ ପାଦାମ୍ ଜଦି ଇନାଡ୍, “ନାନ୍ କିୟୁ ସିଲେ, ଆଦେଙ୍ଗ୍ ମେନ୍ଦଲ୍ତି ବାଗ୍ ଆଏ,” ଆର୍ତିଙ୍ଗ୍ ଇୟାଉଣ୍ଡିଙ୍ଗ୍ ଆକା ଜେ ମେନ୍ଦଲ୍ତି ବାଗ୍ ଆଏ, ଆର୍ତିଙ୍ଗ୍ ଇୟା କାରଣତାନ୍ ଆକା ମେନ୍ଦଲ୍ତୁ ମିସାଏଶ୍‌ଗା ମାଡ୍ରେଙ୍ଗ୍ ଆର୍ଏଡ୍ ।

୧୬ ମାରି ଗିତଣି ଜଦି ଇନାଡ୍, “ନାନ୍ କାଶ୍‌ଗା ସିଲେ, ଆଦେଙ୍ଗ୍ ମେନ୍ଦଲ୍ତି ବାଗ୍ ଆଏ,” ଆର୍ତିଙ୍ଗ୍ ଇୟାଉଣ୍ଡିଙ୍ଗ୍ ଝାଡ୍ ବା ମେନ୍ଦଲ୍ତାନ୍ ଆକ ଆଜି ତେବାଦେଙ୍ଗ୍ ଆର୍ଏଡ୍ ।

୧୭ ଝିନ୍ତୁ ମେନ୍ଦଲ୍ ଜଦି କାଶ୍‌ଗା ଆନାଡ୍, ଆର୍ତିଙ୍ଗ୍ ଝେନ୍ତେଙ୍ଗ୍ ଆର୍ନିକା ଏଣ୍ଡେସ୍ ? ମାରି ଆକା ଜଦି କେବଲ୍ ଗିତଣି ଆନାଡ୍, ଆର୍ତିଙ୍ଗ୍ ମୂଜିନିକା ଏମେମାନ୍ ?

୧୮ ମାତର୍ ମାପୁରୁ ବାଗ୍‌ବାଗ୍ତିଙ୍ଗ୍ ଉନ୍ତେ ଉନ୍ତେ କିଜି ମେନ୍ଦଲ୍ତୁ ନିଜେଦି ଇଚ୍ଛାଦାନ୍ ତିଆର୍‌କିତାମାନାନ୍ ।

୧୯ ମାରି, ଆୟାଞ୍ଜିନ୍ତୁ କେବଲ୍ ଉନ୍ତେ ବାଗ୍ ଆତିମାରିଙ୍ଗ୍, ମେନ୍ଦଲ୍ ଆତାଡ୍‌ମାନ୍ଦି ଏଣ୍ଡେସ୍ ?

୨୦ ମାତର୍ ସଡ୍‌ତାନ୍ ଗାଦି ବାଗ୍‌କୁ ଆତିଙ୍ଗ୍‌ବା ମେନ୍ଦଲ୍ ଉନ୍ତେ ।

୨୧ ଆୟାଞ୍ଜାଜା “ନି ମାନ୍ ନାଙ୍ଗ୍ ଦରକାର୍ ସିଲେଡ୍ ଇଜି କାଶ୍‌ଗା କିୟୁଦିଙ୍ଗ୍ ଇନ୍ତେଙ୍ଗ୍ ଆର୍ଏଡ୍,” ମାରି “ନି ମାନ୍ ନା ପାଣି ସିଲେଡ୍ ଇଜି ତାଲା ପାଦାମ୍ତିଙ୍ଗ୍ ଇନ୍ତେଙ୍ଗ୍ ଆର୍ଏଡ୍ ।”

୨୨ ଆଇତରିନ୍ ମେନ୍ଦଲ୍ତି ଆମାଞ୍ଜିନ୍ତୁ ବାଗ୍‌କୁ\* ନାଶ୍ତୁ ଦୁର୍ବଲ୍ ଇଜି ଏଡ୍ ଝାନାଡ୍, ଆୟାଞ୍ଜିନ୍ତୁ ଦରକାର୍ ସିଲିକେଙ୍ଗ୍;

୨୩ ମାରି, ମେନ୍ଦଲ୍ତି ଆମାଞ୍ଜିନ୍ତୁ ଅଙ୍ଗ୍ ନାଶ୍ତୁ ଦରକାର୍ ସିଲେଡ୍ ଇଜି ଏଡ୍‌କିଇକା, ଆୟାଞ୍ଜିନ୍ତୁ ଅଙ୍ଗ୍‌ଆଙ୍ଗ୍ ନାଶ୍ତୁ ଜାତୁନ୍ ଅନିକା; ମାରି ମା ନେଗେନ୍‌ତାନ୍ ତରଇ ଅଙ୍ଗ୍‌ଆଙ୍ଗ୍ ନାଶ୍ତୁ ମୋନ୍‌ସିନିକା ।

\*

୧୭:୨୨ ମେନ୍ଦଲ୍ତି ଅଙ୍ଗ୍‌ପ୍ରତ୍ୟଙ୍ଗ୍ ମାନେ ଇୟାଞ୍ଜାନିକାଙ୍ଗ୍ ବାଗ୍ ଇଜି ରାସ୍ତା ମାନାପ୍ ।

୨୪ ମାରିବା ମା ମୋହଲ୍‌ତି ଅଙ୍ଗପ୍ରତ୍ୟଙ୍ଗ ଉଣ୍ଡିଙ୍ଗ ମାତୁ ନାସ ମୋନ୍‌ଦିୟାନ୍ ସିଇକା ।

୨୫ ମାତର୍ ଏଣ୍ଡେସ୍ ମୋହଲ୍ ଲୋଇ ଇନି ମାଟା ଗଟାଏଡ଼, ମାରି ଗାଦିଜାତିଦି ଅଙ୍ଗପ୍ରତ୍ୟଙ୍ଗ ସାମାନ୍‌ତାନ୍ ନିଜେନିଜେଦିଙ୍ଗ ନେଗି ସିନ୍ତା କିନେ ।

୨୬ ମାରି, ମୋହଲ୍‌ତି ଉନ୍‌ଡ୍ରୁ ଅଙ୍ଗଦିଙ୍ଗ କାସ୍‌ ଆତିଙ୍ଗ, ଆୟାଞ୍ଜିନ୍ତୁ ଅଙ୍ଗପ୍ରତ୍ୟଙ୍ଗ ତାନି ଝାଲେ କାସ୍‌ ଏଡ଼ କିନେ, ମାରି ଉନ୍‌ଡ୍ରୁ ଅଙ୍ଗ ଦନ୍‌ୟବାଦ ଆତିଙ୍ଗ ଞ୍ଜିନ୍ତୁ ଅଙ୍ଗପ୍ରତ୍ୟଙ୍ଗ ତାନି ଝାଲେ ଝେଡ଼ିକା କିନେ ।

୨୭ ମିର୍ କ୍ରିସ୍‌ଦି ମୋହଲ୍, ମାରି ମିର୍ ଞ୍ଜିନ୍ତୁଲୋକୁ ଆୟା ମୋହଲ୍‌ତି ଉନ୍‌ଡ୍ରୁ ଉନ୍‌ଡ୍ରୁ ଅଙ୍ଗ ।

୨୮ ☆ମାରି, ମାପୁରୁ ମଣ୍ଡଲିନ୍ତୁ ପାର୍‌ଡୁମ୍ ପ୍ରେରିତ ସିସୁରିଙ୍ଗ, ତାନିଞ୍ଜେନ୍‌କା ବାବବାଦିରିଙ୍ଗ, ଆୟାତାନିଞ୍ଜେନ୍‌କା ସିକିୟାଗୁରୁରିଙ୍ଗ; ତାନିଞ୍ଜେନ୍‌କା ସାକ୍ତିଦି ପାଣି, ତାନିଞ୍ଜେନ୍‌କା ରଗତିଙ୍ଗ ନେଗେନ୍ କିନି ଦାନ୍‌ତି ସାକ୍ତି, ସାହାଜ୍ୟକିନିକା, ସାଲାବୁଲାକିନି ପାଣିଦି ଅଦିକାର୍ ମାରି ଜାତିଜାତିଦି ବାସାଦାନ୍ ଝାର୍‌ଗିନି ଲୋକାଙ୍ଗ ଆସ୍‌କିତାମାନାନ୍ ।

୨୯ ଝାର୍ ଞ୍ଜିଜେରେ ପ୍ରେରିତ ସିସୁ, ବାବବାଦିରି, ସିକିୟାଗୁରୁ, ମାରି କାବାଆନି ସାକ୍ତିଦି ପାଣିକିନିକା ସିଆୟାଆତାମାନାଡ଼ ।

୩୦ ଞ୍ଜିଜେରେ ରୋଗତିଙ୍ଗ ନେଗେନ୍ କିଦେଙ୍ଗ ଆର୍‌ନାର୍, ଜାତିଜାତିଦି ବାସାଦାନ୍ ଝାର୍‌ଗିଦେଙ୍ଗ ଆର୍‌ନାର୍, ମାରି ଆୟାଞ୍ଜିନ୍ତୁ ବାସାଦି ଅର୍ଡ କିଦେଙ୍ଗ ଆର୍‌ନାର୍ ।

୩୧ ମାତର୍ ମିର୍ ପେରି ଦାନ୍ ଞ୍ଜିନ୍ତୁ ପୟ୍‌ନି ଉଣ୍ଡିଙ୍ଗ ଝେଡ଼ିକା ଆଦୁ । ନାନ୍ ମିଙ୍ଗ ଉନ୍‌ଡ୍ରୁ ନେଗି ସାରି ତର୍‌ସିନା ।

## ୧୩

### ଜିବନ୍‌ନୋନିକା

୧ ଜଦି ନାନ୍ ଲୋକୁ ମାରି ଦୁଡ଼କା ବାସାଦାନ୍ ଝାର୍‌ଗିନା, ମାତର୍ ନା ଜିବନ୍‌ନୋନିକା ତେବାଏଡ଼, ଆର୍‌ତିଙ୍ଗ ନାନ୍ ଆଉଲିଆଜିମାନି ଗଣ୍ଡା ମାରି ଜମ୍ ଜମ୍ ଆଉଲିଆଜିମାନି ଉନ୍‌ଡ୍ରୁ ପାପୁଡ଼ିତାକିନି ଝାଜା ଆତାମାନା ।

୨ ☆ ଜଦି ନାନ୍ ବାବବାଣି ଖେରତେଙ୍ଗ ସାକ୍ତି ମାନାତ୍ ମାରି ନାନ୍ ଝିଜୁ ମାରଗିତିମାନି ମାଟା ବୁଜାଦେଙ୍ଗ ସାକ୍ତି ମାନାତ୍ ମାରି ଝିଜୁ ବିସୟତ ଜ୍ଞାନ ମାନାତ୍, ମାରି ଗରନ୍ତିଙ୍ଗ ଗୁସାକିନି ଉଣ୍ଡିଙ୍ଗ ନାଙ୍ଗ ପୁରା ବିସ୍ବାସ ମାନାତ୍, ମାତର୍ ନା ଜିବନ୍ନୋନିକା ସିଲେତିଙ୍ଗ, ଆର୍ଡିଙ୍ଗ ନାନ୍ ଇନିକା ସିଲେ ।

୩ ଜଦି ନାନ୍ ସିଲିସାତିଝାରିଙ୍ଗ ଉଟ୍ପିସକିନି ଉଣ୍ଡିଙ୍ଗ ନା ଝିଜୁ ଦାନ୍ ସିନା, ମାରି ନାନ୍ ନା ମୋହଲ୍ଲତିଙ୍ଗ ସିସୁଦୁ ଦଂସ ଆନି ଉଣ୍ଡିଙ୍ଗ ସରପେ କିନା, ମାତର୍ ନା ଜିବନ୍ତୁ ଜିବନ୍ନୋନିକା ସିଲେଡ୍, ଆର୍ଡିଙ୍ଗ ଆୟାଝିଜୁ ନା ଉଣ୍ଡିଙ୍ଗ ଇନି ଲାବ୍ ଆସଡ୍ ।

୪ ଜିବନ୍ନୋନିକା ସାହାସ୍, ଦୟାକିନିକା । ଜିବନ୍ନୋନିକା ରିସା କିଏଡ୍, ଜିବନ୍ନୋନିକା ଗର୍ବ କିଏଡ୍, ଆକାର୍ ସିଲେ ।

୫ ଜିବନ୍ନୋନିକା ତାଗ୍ଗ ବ୍ୟବହାର୍ କିଏଡ୍, ସ୍ୱାର୍ଥପର ସେଷ୍ଟା କିଏଡ୍, ରିସା ଆସଡ୍, ଜିବନ୍ନୋନିକା ତାନି ଉଣ୍ଡିଙ୍ଗ କିଆୟାଆତିମାନି ଅନ୍ୟାୟ୍ ଏଡ୍ ଇଡ୍ଏଡ୍ ।

୬ ଜିବନ୍ନୋନିକା ଅଦାର୍ମୁଦୁ ଖେଡିକା କିଏଡ୍, ମାତର୍ ସଡ୍ତାନ୍ ଖେଡିକା କିନାତ୍ ।

୭ ଜିବନ୍ନୋନିକା ଝିଜୁ ଇନିକା ସାସ୍ କିନାତ୍, ଝିଜୁ ବିସ୍ବାସ କିନାତ୍, ଝିଜୁ ଆସା କିନାତ୍, ଝିଜୁ ବିସୟତୁ ସାସ୍ ଆସ୍ସି ତେବାନାତ୍ ।

୮ ଜିବନ୍ନୋନିକା ଏସ୍କାଙ୍ଗ୍ବା ଝିଜ୍ଏଡ୍; ଜଦି ମାପୁରୁଦି ମାଣ୍ଟୁ ପ୍ରଚାର୍ଆନି ମାଟା ମାନାତ୍, ଆକା ମାରାଗ୍ନାତ୍; ଜଦି ଆଇବାସା ମାନାତ୍, ଆୟାଝିଜୁ ବେକାର୍ ଆନାତ୍; ଜଦି ବୁଦି ମାନାତ୍, ଆକାବା ମାରାଗ୍ନାତ୍ ।

୯ ଇରିଙ୍ଗ୍ ମାପ୍ ନେଗେନ୍ତାନ୍ ନେସ୍ନାପ୍ ମାରି ନେଗେନ୍ତାନ୍ ବାବବାଦି ଇନାପ୍ ।

୧୦ ମାତର୍ ପୁରାଝିଜୁ ବିସୟ ଇଗା ଖାତିଙ୍ଗ୍ ଇୟା ଇସ୍ସି ବିସୟକୁ ମାରେଗ୍ନେ ।

୧୧ ଇସ୍ସି କଡ୍ ମାର୍ଇ ବେଡାଦୁ ନାନ୍ ଇସ୍ସି କଡ୍ଦି ଖାଜା ଖାରଗିନିକା, ଏଡ୍କିନିକା, ବିଚାର୍ ଇସ୍ସି କଡ୍ଦି ଖାଜା କିଜିମାର୍ଆ; ମାତର୍

ନାଶ୍ଟବୟସ୍ ଆତି ଖେନକା ଇଲେଇ ନାନ୍ ମାରି ଇସ୍ତି କଡ଼ି ଖାଜା ବ୍ୟବହାର କିଏ ।

୧୭ ଇରିଙ୍ଗ୍ ଇଲେଇ ମାତୁ ସଡ଼ ବାକ୍ୟଦି ରୁପ୍ ଦାପାଣ୍ଡି ଯାହାଜ୍ୟଦାନ୍ ସୁଡ଼ୁନିକା, ମାତର୍ ନାସ୍ତିଖାଲେ ମାତୁ ସାମ୍ନାସାମ୍ନି ଆଜି ସୁଡ଼ୁସାନିକା; ଇଲେଇ ନାନ୍ ଇସ୍ତି ଇସାବତାନ୍ ନେସ୍ସିନା, ମାପୁରୁ ନାଙ୍ଗ୍ ପୁରା ନେସ୍ତି ଖାଜା ନାସ୍ତିଖାଲେ ନା ବୁଦି ବା ପୁରା ଆନାଡ଼ ।

୧୮ ମାରି ବିସ୍ବସ୍, ଆସା ମାରି ଜିବନ୍ନୋନିକା, ଇୟା ମୁନ୍ତ୍ରଦି ମାଟା ବିସ୍ବସ୍ ମାନେ, ମାରି ଇୟାଖାନିକା ଲୋଇ ଜିବନ୍ନୋନିକା ନେ ପେରିକା ।

## ୧୪

ଆମ୍ବାଦି ଦାନ୍ ବିସ୍ବସ୍ତାନ୍ ନାଶ୍ଟ ମାଟା

୧ ଜିବନ୍ନୋନି ଉଣ୍ଡିଙ୍ଗ୍ ମିର୍ ଖେଡ଼ିକା ଆଦୁ, ମାରି ଆମ୍ବିକ ଦାନ୍ ଝିନ୍ତୁ ପୟ୍ନି ଉଣ୍ଡିଙ୍ଗ୍, ବିସ୍ବସ୍କିଜି ବାବବାଣି ମାଟା ପ୍ରଚାର୍ କିନିକା, ମି ଜିବନ୍ତୁ ପୁରା ଆପିଡ଼ ।

୨ ଇରିଙ୍ଗ୍ ଏନ୍ ଆଇ ବାସାଦାନ୍ ମାଟା ଇନାନ୍, ଖାନ୍ ଲୋକ୍ତିଙ୍ଗ୍ ମାଟା ଇନ୍ଏନ୍, ମାତର୍ ମାପୁରୁଦି ଉଦେସ୍ତାନ୍ ଇନାନ୍, ଖାନି ମାଟା ଏନ୍ ବୁଜାଦେଙ୍ଗ୍ ଆଟ୍ଏର୍, ଖାନ୍ ଆମ୍ବାଦି ସାକ୍ତିଦାନ୍ ମାର୍ଗିତିମାନି ସଡ଼ ବିସ୍ବସ୍ତୁ ଝିନ୍ତୁ ଇନାନ୍ ।

୩ ମାତର୍ ଏନ୍ ମାପୁରୁଦି ବାକ୍ୟ ପ୍ରଚାର୍ କିନାନ୍, ଖାନ୍ ଆକା ଲୋକାଙ୍ଗ୍ ଇନାନ୍, ଆୟାମାଣୁକୁ ଖାରିଙ୍ଗ୍ ସାହାଜ୍ୟ, ଖେଡ଼ିକା ମାରି ସାକ୍ତି ସିନାଡ଼ ।

୪ ଏନ୍ ଆଇ ବାସାଦାନ୍ ମାଟା ଇନାନ୍, ଖାନ୍ କେବଲ ନିଜେଦି ଉଣ୍ଡିଙ୍ଗ୍ ସାହାଜ୍ୟ କିନାନ୍; ମାତର୍ ଏନ୍ ମାପୁରୁଦି ବାକ୍ୟ ପ୍ରଚାର୍ କିନାନ୍, ଖାନ୍ ଝିନ୍ତୁ ମଣ୍ଡଲିଦିଙ୍ଗ୍ ସାହାଜ୍ୟ କିନାନ୍ ।

୫ ମିର୍ ଝିଜିଦେର୍ ଜେ ଆଇ ବାସାଦାନ୍ ମାଟା ଇନ୍ତୁ, ଇକା ନା ଇଛା, ମାତର୍ ମିର୍ ଜେ ମାପୁରୁଦି ବାକ୍ୟ ପ୍ରଚାର୍ କିନ୍ତୁ, ଇକା ନା ନାଶ୍ଟ ଇଛା । ଏନ୍ ଆଇ ବାସାଦାନ୍ ମାଟା ଇନିକା, ମଣ୍ଡଲିଦି ଉଣ୍ଡିଙ୍ଗ୍ ନେଗେଡ଼ ଆନାଡ଼; ଜଦି ଏନ୍ ଆୟାତାନି ଅର୍ଡ଼ ନେଗେନ୍ତାନ୍

ବୁଜାକିଜି ଝେରନାନ୍, ସିଲିତିଙ୍ଗ ଆଇ ବାସାଦାନ୍ ଝାରଗିନିମାଣୁକୁ ମାପୁରୁଦି ମାଟା ପ୍ରଚାର କିନିକା ନେଗେଡ଼ ।

୭ ଏ ତଡ଼ାନକୁ, ନାନ୍ ଜଦି ମି ଲାକଡୁ ସୋଲସି ମାପୁରୁଦିମାଣୁକୁ ଝେରଆୟଏତି ବାକ୍ୟ, ମାରି ବୁଦି, ମାରି କାବୁର୍ ମାରି ସିକିୟାଦି ମାଟା ଝେରଏଣ୍ଗା କେବଲ ଆଇ ବାସାଦାନ୍ ଝାରଗିନା, ଆରତିଙ୍ଗ ଆବେନ୍ ନାନ୍ ମିଙ୍ଗ ଇନି ସୁବିଦା କିନା ।

୮ ପିରତି ଆପିଡ଼ ସିଲିତିଙ୍ଗ ଟଇଲା ଆପିଡ଼, ଜିବନ୍ସିଲି ଅଡ଼ନିକା ଜଦି ନେଗି ସର୍ତ୍ତାନ୍ ଅଡ଼ଏଡେ, ଆରତିଙ୍ଗ ପିରତିଦୁ ଇନିକା ଅଡ଼ଜିନାଡ଼ ମାରି ଟଇଲାଦୁ ଇନିକା ଅଡ଼ଜିନାଡ଼, ଆକା ଏନ୍ ଇନିକା ନେସ୍ତେଙ୍ଗ ଆବ୍ନାନ୍ ?

୯ ମାରି, ମରି ଆଉଲିଦି ସ୍ୱର୍ ଟିକ୍ତାନ୍ ଆଏତିଙ୍ଗ, ଆରତିଙ୍ଗ ଏନ୍ ଦୁଦଦି ଉଣ୍ଡିଙ୍ଗ ତିଆର୍ ଆନାନ୍ ?

୧୦ ଆୟାଞ୍ଜା ମିର୍ ବା ଜଦି ଆଇ ବାସାଦାନ୍ ନେସ୍ନିନାନି ମାଟା ଇନ୍ଏତିଙ୍ଗ, ଆରତିଙ୍ଗ ଇନିକା ଇଜିନିଦେର୍, ଆକା ଏଣ୍ଡେସ୍ ଜଣାପଡ଼ାନାଡ଼ ? ଇରିଙ୍ଗ ମିର୍ ଗାଲିଦିଙ୍ଗ ଝେରତି ଝାଜା ଆନାଡ଼ ।

୧୧ ଦୁନିଆଦୁ ଗାଦି ଜାତିଦି ବାସେଙ୍ଗ ମାନେ, ମାରି ଆୟାଞ୍ଜିଦୁ ମାଣ୍ଡୁ ଉନ୍ଡି ଶବ୍ଦା ଅର୍ତ୍ତସିଲିକେଙ୍ଗ ଆଉ ।

୧୨ ଜଦି ନା ଝାଲେ ଝାରଗିସାଜି ମାନି ଲୋକତି ବାସା ନାନ୍ ବୁଜାଦେଙ୍ଗ ଆବ୍ଏ, ଆରତିଙ୍ଗ ଆୟା ଲୋକୁ ନା ଲାକଡୁ ନେସ୍ଇନାନି ଲୋକୁ ଝାଜା ଆନାନ୍, ନାନ୍ ବା ଝାନି ଲାକଡୁ ନେସ୍ଇନାନି ଲୋକୁ ଝାଜା ଆନା ।

୧୩ ମିର୍ ଆଇ ଆଇ ପବିତ୍ରଆମ୍ବାଦି ଦାନ ପୟ୍ଦେଙ୍ଗ ଝେଡ଼ିକାମାନିଙ୍ଗ, ତାନିମାଣୁକୁ ଏମେ ଝିଦୁ ମଣ୍ଡୁଲିଦି ନେଗି ଉଣ୍ଡିଙ୍ଗ ପୁରା କିଦେଙ୍ଗ ଆବ୍ନାଡ଼ ଆୟାଞ୍ଜିଦୁ ନାଣ୍ଡ଼ୟାବ୍ତାନ୍ ପୟ୍ଦେଙ୍ଗ ଚେଷ୍ଟାକିଦୁ ।

୧୪ ଏନ୍ ଆଇ ବାସାଦାନ୍ ଝାରଗିନାନ୍, ଝାନ୍ ଇୟାତାନି ଅର୍ତ୍ତ ଝେରଡେଙ୍ଗ ଦାନ୍ ପୟ୍ଦେଙ୍ଗ ପାର୍ତାନା କିପିନ୍ ।

୧୫ ଜଦି ନାନ୍ ଆଇ ବାସାଦାନ୍ ପାର୍ତାନା କିନା, କେବଲ ନା ମୋନତି ଆମ୍ବା ଆକା କିନାଡ଼, ନା ବୁଜାନି ସାକ୍ତି ଆବେନ୍ ତିର୍ ମୋନ୍ତାନ୍ ଡେବାଏଡ଼ ।

୧୫ ଆରତିଙ୍କ ନାନ୍ତୁ ଜନିକା କିନା ? ନାନ୍ତୁ ନା ଆତ୍ମାଦାନ ପାରତାନା କିନା, ମାରି ନାନ୍ତୁ ବୁଜାନିଝାଜା ପାରତାନା କିନା । ନାନ୍ତୁ ନା ଆତ୍ମାଦାନ ପାଟା ପାରନା, ମାତର ତାନି ଖାଲେ ମୋନ୍ ଦିୟାନ୍ ସିଜି ପାଟା ପାରନା ।

୧୬ ଆକା ଆଏତିଙ୍କ ମାପୁରୁକୁ କେବଳ ମି ଆତ୍ମାଦାନ ଦନ୍ୟବାଦ ସିଦ୍ଧ, ଆବେନ୍ ମାନି ଅରେନ୍ ସାମାନ୍ତି ଲୋକୁ ଏଣେସ୍ ମି ଖାଲେ ଆମେନ୍ ଜନାନ୍ । ଇରିଙ୍କ ମିର୍ ଜନିକା ଇଜିନିଦେର୍, ଆକା ଖାନ୍ ନେସ୍ତେଙ୍କ ଆଟ୍‌ଏନ୍ ।

୧୭ ମିର୍ ନେଗେନ୍‌ତାନ୍ ମାପୁରୁକୁ ଦନ୍ୟବାଦ ସିତିମାରିଙ୍କ ବା, ଖାନି ମାଣ୍‌କୁ ଆଇ ଲୋକ୍ତି ଜନି ରକମ୍ତି ପାଣି ଆଦେଙ୍କ୍ ଆଟ୍‌ଏନ୍ ।

୧୮ ନାନ୍ ମାପୁରୁକୁ ଦନ୍ୟବାଦ ସିଜିନା, ଇରିଙ୍କ ନାନ୍ ମି ଝିଜେରିମାନ୍ ନାଣ୍‌ଦାନ୍ ଆଇବାସା ମାଟା ଝେର୍‌ତେଙ୍କ୍ ଆଟ୍‌ନା ।

୧୯ ମାତର ମଣ୍ଡଲିଦି ଉପାସନାଦୁ ଆଇ ବାସାଦାନ୍ ହାଜାର୍ ହାଜାର୍ ବଲ୍‌କୁ ଝେର୍‌ଏଣ୍‌ଗା ମାରି ଝିଜେରି ବୁଦିଦି ଖାଲେ ପାସ୍‌ଗୋଟା ବଲ୍‌କୁ ଝେର୍‌ନିକା ନେଗିକା ।

୨୦ ଏ ତତାନ୍‌କୁ, ବୁଦିଦୁ ଇସ୍ତିକତ୍‌ରି ଖାଜା ଆମାଟ୍, ମାତର ତାଗ୍‌ଇ ବିସ୍‌ୟତିଙ୍କ ଇସ୍ତିକତ୍‌ରି ଖାଜା ଆଦୁ; ମାତର ବୁଦିଦୁ ମିର୍ ପୁରା ବୟସ୍‌ତି ଲୋକା ଖାଜା ଆନିକା ମାନାଡ୍ ।

୨୧ ଦାମ୍‌ସାସ୍ତ୍ରୁ ରାସାତା ମାନାଡ୍ :

“ପ୍ରବୁ ଜନାନ୍, ଆଇବାସା ଖାରଗିଜିମାନି

ଆଇଦେସ୍‌ତିଲୋକା ମକମ୍‌ତୁ

ନାନ୍ ଇୟା ଲୋକା ଖାଲେ ଖାରଗିନା,

ମାରିବା ଖାର ମା ମାଟା ଝେନ୍‌ଏର୍ ।”

୨୨ ଆଦେଙ୍କ୍ ଆଇ ବାସାଦାନ୍ ଖାରଗିନି ବିସ୍‌ବାସ୍‌ସିରି ଉଣ୍ଡିଙ୍କ୍ ସିନାଦି ଖାଜା ଆଏଡ୍, ମାତର ଅବିସ୍‌ବାସ୍‌ସିରି ଉଣ୍ଡିଙ୍କ୍ ସିନାଦି ଖାଜା ଆନାଡ୍; ଆଇତରିନ୍, ମାପୁରୁଦି ବାକ୍ୟ ପ୍ରଚାର୍ କିନି ଅବିସ୍‌ବାସ୍‌ସିରି ଉଣ୍ଡିଙ୍କ୍ ସିନାଦି ଖାଜା ଆଏଡ୍, ମାତର ବିସ୍‌ବାସ୍‌ସିରି ଉଣ୍ଡିଙ୍କ୍ ସିନାଦି ଖାଜା ଆନାଡ୍ ।

୨୩ ମାରିବା ମଣ୍ଡଲିଦି ଝିଜେରେ ଉନ୍‌ତ୍ରେମାନ୍ ଆନାର୍ ମାରି ଝିଜେରେ ଆଇ ବାସାଦାନ୍ ଖାରଗିନିନାର୍, ମାରି ସାମାନ୍ତି ଲୋକୁ

ମାରି ଅବିସ୍ବାସ୍ତ ଲୋକୁ ଖାନାର, ଆରତିଙ୍କ ମିର ବାୟା ଇତି  
ଇନିକା ଖାର ଇନ୍ଦର ?

୨୪ ମାତର ଖାର ଜଦି ମାପୁରୁଦି ବାକ୍ୟ ଖେରନାର, ମାରି ଅରେନ୍  
ଅବିସ୍ବାସି ମାରି ସାମାନ୍ତି ଲୋକୁ ଖାନାନ୍, ଆରତିଙ୍କ ଖାନ୍ ଖିଜେରି  
ମାଣାନ୍ ପାପତିକାନ୍ ଇତି ନେସ୍ତେଙ୍କ ଆବ୍ନାନ୍, ଖିଜେରି ମାଣାନ୍  
ବିଚାର ଆନାନ୍ ।

୨୫ ଖାନି ଜିବନ୍ତୁ ମାରଗିତିମାନି ବିସ୍ତୟକୁ ଖିଜୁ ତରାନାତ୍;  
ଆବେନ୍ ଖାନ୍ ମକମ୍ ପାଡ଼ିକ୍ସି ମାରି “ସତ୍ତାନ୍ ମାପୁରୁ ଜେ ପୁରା  
ମି ଲୋଇ ମାନାନ୍,” ଇକା ମାନାଜି ଖାନିଙ୍କ ମାଡ଼ିସ୍ କିନାନ୍ ।

### ମଣ୍ଡଳିଦି ନିୟମ

୨୬ ଏ ତତ୍ତାନ୍କୁ ନି ତାଙ୍ଗ୍, ମିଙ୍ଗ୍ ନାନ୍ ଖେରନି ମାଟା; ଉପାସନା  
କିନି ଉଣ୍ଡିଙ୍ଗ୍ ଉଣ୍ଡାନି ଖାଲେ ଏନ୍ ଅରେନ୍ ପାଟା ପାରିନ୍, ମାରି ଅରେନ୍  
ସିକିୟା ସିପିନ୍, ଏନ୍ ଅରେନ୍ ମାପୁରୁଦି ଖେରତି ବାକ୍ୟ ଖେରନି,  
ମାରି ଅରେନ୍ ଆଇ ବାସାଦାନ୍ ଖାରଗିପିନ୍ ମାରି ଏନ୍ ଇୟା ନେସ୍ତ  
ବାସାଦି ଅର୍ତ୍ତ ବୁଜା କିପିନ୍ । ଇୟାଖିଜୁ ମଣ୍ଡଳିଦି ନେଗି ଉଣ୍ଡିଙ୍ଗ୍ କିନିକା  
ଦରକାର ।

୨୭ ଜଦି ଏନ୍ ଆଇ ବାସାଦାନ୍ ଖାରଗିନାନ୍, ଆରତିଙ୍କ ଅରେନ୍  
ଖେନକା ମାରି ଅରେନ୍ ଇୟାଖାଜା ରିଏର୍ ସିଲିତିଙ୍କ ଅଦିକ୍ନାଣ୍ଡ  
ଆତିଙ୍କ, ମୁଏର୍ ଖେରରି ମାରି ଅରେନ୍ ତାନି ଅର୍ତ୍ତ ବୁଜାକିଜ ସିପିନ୍  
।

୨୮ ଜଦି ଅର୍ତ୍ତ ବୁଜା କିଦେଙ୍କ୍ ଏନ୍ ସିଲେତିଙ୍କ୍, ଆରତିଙ୍କ୍ ଖାନ୍  
ପାରତାନାଦି ମଣ୍ଡଳିଦୁ ଆଲେଜ ତେବାପିନ୍ ମାରି ସୁନ୍ସାନ୍ ବାଡ଼ିଦୁ  
ମାପୁରୁଙ୍କୁ ଇନିନ୍ ।

୨୯ ମାରି, ରିଏର୍ ସିଲିତିଙ୍କ୍ ମୁଏର୍ ମାପୁରୁଦି ବାକ୍ୟ ବାବବାଦି  
ଖେରରି, ମାରି ଆଇକାର ବିଚାର କିପିର୍ ।

୩୦ ମାତର ଉପାସନାଦୁ ତେବାତିମାନିକାନ୍ ଏନ୍ ଜଦି ଦାପ୍ରେନେ  
ମାପୁରୁଦିମାଣାନ୍ ଇନି ବାକ୍ୟ ଖାନାତ୍, ଆରତିଙ୍କ୍ ଆଗ୍ତି ଖେରସି  
ମାନିକାନ୍ ଆଲେପିନ୍ ।



୩୧ ଇରିଙ୍ଗ ଏଣ୍ଡେସ୍ ଝିଜେରେ ସିକିୟା ପୟନାର, ମାରି ଝିଜେରେ ସେତେନା ଆନାର, ଇୟାଉଣ୍ଡି ମିର୍ ଝିଜିଦେର୍ ଅରେନ୍ ଝେନ୍‌କା ଅରେନ୍ ମାପୁରୁଦି ବାକ୍ୟ ଝେରତେଙ୍ଗ୍ ଆର୍‌ନିଦେର୍ ।

୩୨ ମାତର୍ ବାବବାଦି ବାକ୍ୟ ପ୍ରଚାର କିନି ଦାନ୍ ପ୍ରଚାରକିନିଝାନି ଆଡ଼ଗି ଆନିକା ମାନାଡ଼ ।

୩୩ ଇରିଙ୍ଗ ମାପୁରୁ ସାନ୍ତିସିଲି ମାପୁରୁ ଆଏନ୍, ମାତର୍ ସାନ୍ତିଦି ମାପୁରୁ ।

ମାତର୍ ଝିଜୁ ମଣ୍ଡୁଲିଆଙ୍ଗ୍ ଏଣ୍ଡେସ୍ ଆନାମାନାଡ଼ ।

୩୪ ଆୟାଝାଜା ମି ମଣ୍ଡୁଲିଦି ଉପାସନାଦୁ ଆଇମେକ୍ ଆଲେଜ ମାନିଉ, ଆବେନ୍ ଝାରଗିନି ଉଣ୍ଡିଙ୍ଗ୍ ଝାକ୍ ଅନୁମତି ପୟଉ, ଜିହୁଦିରି ନିୟମତି ଇସାବତାନ୍ ଝାକ୍ ଆଡ଼ଗି ତେବାଜି ମାନିଝି ।

୩୫ ଝାକ୍ ଜଦି ଇନି ବିସୟ ବୁଜାଦେଙ୍ଗ୍ ଇଚ୍ଛା କିନେ, ଆରତିଙ୍ଗ୍ ଇନ୍‌ଡୁ ନିଜେ ନିଜେଦି କନ୍‌ଲିରିଙ୍ଗ୍ ଝେନ୍‌ବାପିଝି, ଇରିଙ୍ଗ୍ ମଣ୍ଡୁଲି ଲୋଇ ଝାରଗିନିକା ଆଇମେକା ଉଣ୍ଡିଙ୍ଗ୍ ସେମାରୁତିମାଟା ।

୩୬ ମାପୁରୁଦି ବାକ୍ୟ ଇନିକା ମିମାଣାନ୍‌କୁ ସତାମାନାଡ଼ ? ଇକା ଇନିକା କେବଲ ମି ଲାକ୍‌ତୁ ଝାତାମାନାଡ଼ ?

୩୭ ଏନ୍ ଜଦି ନିଜେଦିଙ୍ଗ୍ ଅରେନ୍ ବାବବାଦି ନି ଆମ୍ବିକ ଦାନ୍ ପୟତି ଲୋକ୍ ଇଜି ଅଡ଼ବିନାନ୍, ଆରତିଙ୍ଗ୍ ନାନ୍ ମିଙ୍ଗ୍ ଆମାକା ଆମାକା ରାସ୍‌ସିନା, ଆୟାଝିଜୁ ଜେ ପ୍ରୁଦି ଆଦେସ୍, ଇକା ଝାନ୍ ନେସିନ୍ ।

୩୮ ମାତର୍ ଝାନ୍ ଜଦି ମାନାଏନ୍, ଆରତିଙ୍ଗ୍ ଝାନିଙ୍ଗ୍ ମିର୍ ମାନାମାଟ୍ ।

୩୯ ଆଦେଙ୍ଗ୍ ଏ ନା ତଡ଼ାନକୁ ନି ତାଙ୍ଗ୍‌କି, ମାପୁରୁଦି ବାକ୍ୟ ପ୍ରଚାର କିନି ଉଣ୍ଡିଙ୍ଗ୍ ଝେଡ଼ିକା ଆଦୁ; ମାରି ଆଇ ବାସାଦାନ୍ ଝାରଗିନି ଉଣ୍ଡିଙ୍ଗ୍ ଏଙ୍ଗବା ମାନା କିମାଟ୍ ।

୪୦ ଝିଜୁ ପାଣି ନେଗେନ୍‌ତାନ୍ ମାରି ସାନ୍ତିଦାନ୍ କିଆନିକା ଦରକାର ।

## ୧୫

କ୍ରିସ୍ତଦି ମାରିଡେସି ଜିବନ୍‌ଆଜି ନିଙ୍ଗ୍‌ନିକା

୧ ଏ ତଡ଼ାନକୁ ନି ତାଙ୍ଗ୍‌କି, ନାନ୍ ମି ଲାକ୍‌ତୁ ଆମା ସୁସମାତାର ପ୍ରଚାର କିତାମାରୁଆ, ଆମାକା ମିର୍ ମାନାତି ମାନିଦେର୍, ଆବେନ୍ ବା

ତିର ଆଜି ତେବାତିମାନିଦେର, ନାନ ଏଣ୍ଡେସ୍‌ଝାଜା ମି ଲାକ୍‌ତୁ ପ୍ରଚାର  
କିତାମାରୁଆ, ଇକା ମିଙ୍ଗ୍ ଏଡ଼ କିବିସ୍‌କିଜିନା ।

୨ ନାନ ମି ଲାକ୍‌ତୁ ପ୍ରଚାର କିତିମାନି ଆୟା ସୁସମାଚାରୁଡ଼ୁ ତାଟ୍  
ଝାଜା ତେବାତିଙ୍ଗ୍, ଆରତିଙ୍ଗ୍ ତାନି ମାଣାନ୍ ରକିୟା ପୟ୍‌ଜିନିଦେର,  
ସିଲିତିଙ୍ଗ୍ ମି ବିସ୍‌ବାସ୍‌ ବେକାର୍ ।

୩ ଇରିଙ୍ଗ୍ ଆମା ଆମା ସିକିୟା ନାନ ପୟ୍‌ତାମାନା,  
ଆୟାତାନିମାଣୁକୁ ଇୟା ପେରି ସିକିୟା ମିଙ୍ଗ୍ ଝେରତାମାନା ।  
ଆକା ଆଜିନାଡ଼, ଦାର୍ମୁସାସ୍ତ୍ରୁ ରାସାତା ମାନାଡ଼, କ୍ରିସ୍ତ ମା ପାପ୍‌ତି  
ଉଣ୍ଡିଙ୍ଗ୍ ସାତାନ୍,

୪ ✧ ଦୁକି ଗୁଟାଦୁମୁସାୟା ଆତାନ୍, ଦାର୍ମୁସାସ୍ତ୍ରୁ ଇସାବ୍‌ତାନ୍ ମୁନେଟି  
ଝେନ୍‌କା ଜିବନ୍‌ଆଜି ନିଙ୍ଗ୍ ତାମାନାନ୍;

୫ ✧ ଝାନ୍ ପିତର, ମାରି ତାନିଝେନ୍‌କା ଝାନି ବାର୍‌ଲୋକ୍ ସିସୁରିଙ୍ଗ୍  
ତରାୟ୍‌ଆତାନ୍,

୬ ତାନିଝେନ୍‌କା ଉନ୍‌ଡ୍ରେ ଦେବାନେ ଅରସେ ପାସ୍‌ସୋଦାନ୍ ନାଣ୍ଡ  
ଝାନି ତଡ଼ାନକାଙ୍ଗ୍ ତରାୟ୍‌ଆତାନ୍, ଝାରି ଲୋଇରାନ୍ ଏସ୍ ଲୋକୁ  
ନେର୍ ସାନ୍‌ଜି ଜିବନ୍‌ ମାନାର୍, ମାତର୍ ଏନ୍ ଏନ୍ ଇୟା ଦୁନିଆଦୁ ସିଲେର୍  
।

୭ ଇୟାତାନିଝେନ୍‌କା ଜେ ଯାକୁବ୍‌ଙ୍ଗ୍, ମାରି, ତାନିଝେନ୍‌କା ଝିନ୍‌ଡୁ  
ସିସୁରିଙ୍ଗ୍ ତରାୟ୍‌ଆତାନ୍;

୮ ✧ ସାରାସାରିଝେନ୍‌କା ଜଗ୍‌ସିଲିନାଣ୍ଡିଙ୍ଗ୍ ଜନମ୍‌ଆନିକଡ଼ି ଝାଜା  
ଅରେନ୍ ଜେ ନାନୁ, ଝାନ୍ ନାଙ୍ଗ୍ ବା ତରାୟ୍‌ଆତାନ୍

୯ ✧ ଇରିଙ୍ଗ୍ ନାନ ମାପୁରୁଦି ମାଣ୍ଡୁଲିଦିଙ୍ଗ୍ କାସୁ ସିତିମାନିଙ୍ଗ୍  
ସିସୁରିମାନୁ ନାନ ଝେଜେରିଙ୍ଗ୍ ଇଜ୍‌ଜିକ୍‌ଷା, ମାରି ପ୍ରେରିତ ଦରତାନ୍  
ଝେଙ୍ଗ୍‌ଦେଙ୍ଗ୍ ଜଗ୍‌ ସିଲେର୍ ।

୧୦ ମାତର୍ ନାନ ଆମାକା ଆତାମାନା, ଆକା ମାପୁରୁଦି ଦୟାଦାନ୍  
ଆତାମାନାଡ଼, ମାରି ନା ଉଣ୍ଡିଙ୍ଗ୍ ଝାନି ଆୟା ଦୟା ବେକାର୍ ଆଏଡ଼ ।  
ମାତର୍ ନାନ ଆୟା ଝିଜେରିମାଣୁକୁ ନାଣ୍ଡ ପାଣି କିତାମାନା, ମାରିବା

✧ ୧୫:୪ ମାତିଉ ୧୨:୪୦; ପ୍ରେରିତ ୨:୨୪-୩୨.

✧ ୧୫:୫ ଲୁକ ୨୪:୩୪ମାତିଉ

୨୮:୧୭,୧୭; ମାର୍କ ୧୬:୧୪; ଲୁକ ୨୪:୩୬; ଜୋହନ ୨୦:୧୯.

✧ ୧୫:୮ ପ୍ରେରିତ ୯:୩-୬.

✧ ୧୫:୯ ପ୍ରେରିତ ୮:୩.

ନାନ୍ ସିଲେ, ମାତର ନା ଉଣ୍ଡିଙ୍ଗ ମାପୁରୁଦି ଦୟା ମାନିଙ୍ଗ ଇକା ପୁରା ଆତାମାନାଡ଼ ।

୧୧ ମାରି ନାନ୍ ଆନା, ସିଲ୍ଡିଙ୍ଗ୍ ଝାର ଆପିର, ଇୟା ପ୍ରଚାର କିଜିନାପ୍, ଇୟାଝାଜା ମିର୍ ବିସ୍ବାସ୍ କିତିମାନିଦେର୍ ।

### ସାତିକାର ମାରିଡେସି ଜିବନ୍‌ଆଜି ନିଙ୍ଗ୍‌ନିକା

୧୨ କ୍ରିସ୍ତ ଜେ ସାତିଝାରି ମାଣ୍ଡୁ ଜିବନ୍‌ଆଜି ମାରିଡେସି ନିଙ୍ଗ୍‌ତାମାନାନ୍, ଇକା ଜଦି ପ୍ରଚାର କିଆୟାଆଜିନାଡ଼, ଆର୍ଡିଙ୍ଗ୍ ସାତିଝାରି ଜିବନ୍‌ଆଜିନିଙ୍ଗ୍‌ନିକା ସିଲେଡ଼ ଇଜି ମି ଲୋଇ ଏନ୍ ଏନ୍ ଏଣ୍ଡେସ୍ ଝେର୍ସିନିଦେର୍ ?

୧୩ ଜଦି ସାତିକାର ଜିବନ୍‌ଆଜି ମାରିଡେସି ନିଙ୍ଗ୍‌ନିକା ସିଲେଡିଙ୍ଗ୍, ଆର୍ଡିଙ୍ଗ୍ କ୍ରିସ୍ତ ବା ଜିବନ୍‌ଆଜିନିଙ୍ଗ୍‌ଏନ୍;

୧୪ ଜଦି କ୍ରିସ୍ତ ସାତିମାଣାନ୍ ଜିବନ୍‌ଆଜିନିଙ୍ଗ୍‌ଏନ୍, ଆର୍ଡିଙ୍ଗ୍ ମା ପ୍ରଚାର ବେକାର ମାରି ମି ବିସ୍ବାସ୍ ବା ବେକାର,

୧୫ ମାରି, ମାଡୁ ମାପୁରୁଦି ବିସୟତାନ୍ ଜେ ମିର୍ ସାକିୟ୍ ଝେର୍ଡି ଝାଜା ଆନାଡ଼, ଇରିଙ୍ଗ୍ ମାଡୁ ମାପୁରୁଦି ବିସୟତାନ୍ ସାକ୍ୟ ସିଜିମାନିକା ଜେ, ଝାନ୍ କ୍ରିସ୍ତଙ୍ଗ୍ ସାତିମାଣୁକୁ ମାରିଡେସିଜିବନ୍ କିତାମାନାନ୍ । ମାତର ଜଦି ସାତିକାର ଜିବନ୍‌ଆଜିନିଙ୍ଗ୍‌ଏର୍, ଆର୍ଡିଙ୍ଗ୍ ଝାନ୍ କ୍ରିସ୍ତଙ୍ଗ୍ ସାତିମାଣାନ୍ ଜିବନ୍‌କିଜି ନିକ୍‌ଏନ୍ ।

୧୬ ଜଦି ସାତିକାର ଜିବନ୍‌ଆଜିନିଙ୍ଗ୍‌ଏର୍, ଆର୍ଡିଙ୍ଗ୍ କ୍ରିସ୍ତ ବା ଜିବନ୍‌ଆଜିନିଙ୍ଗ୍‌ଏନ୍;

୧୭ ଆଉ, ଜଦି କ୍ରିସ୍ତ ସାତିମାଣାନ୍ ଜିବନ୍‌ଆଜିନିଙ୍ଗ୍‌ଏନ୍, ଆର୍ଡିଙ୍ଗ୍ ମି ବିସ୍ବାସ୍ ମିର୍ ମାରି ମିର୍ ଇଲେଇବା ନିଜେ ନିଜେଦି ପାପୁଡୁ ମାନିଦେର୍ ।

୧୮ ଆର୍ଡିଙ୍ଗ୍ ଆମାକାର କ୍ରିସ୍ତ ବିସ୍ବାସିର୍ ସାତାମାନାର୍, ଝାନ୍ ବା ନାସ୍ତୁ ଆତାମାନାର୍ ।

୧୯ ଜଦି ଇୟା ଜିବନ୍ ଉଣ୍ଡିଙ୍ଗ୍ ମାଡୁ କ୍ରିସ୍ତଦିମାନ୍ ଆସା ଇଡ଼ିମାନିକା, ଆର୍ଡିଙ୍ଗ୍ ଆଇ ଝିଜୁଲୋକାମାଣୁକୁ ମାଡୁ କାର୍ମୁସିଲିକା ।

୨୦ ମାତର ସତ୍ତତାନ୍ କ୍ରିସ୍ତ ସାତିମାନି ଲୋକା ମାରିତେସି ଜିବନ୍‌ଆଜି ନିଙ୍ଗୁନିକା ପୁରା ତରତେଙ୍ଗୁଁ ଇଜି ଖାରି ମାଣକୁ ନିଜେ ଆଗଡ଼ି ସାତିମାଣାନ୍ ନିଙ୍ଗୁତାମାନାନ୍ ।

୨୧ ଇରିଙ୍ଗୁ ଅରେନ୍ ଲୋକା ମାଣକୁ ସାନିକା ଖାତିମାନିଙ୍ଗୁ ମାରି ଅରେନ୍ ଲୋକା ମାଣାନ୍ ବା ସାତିଖାରିଙ୍ଗୁ ମାରିତେସି ଜିବନ୍‌ଆଜି ନିଙ୍ଗୁନିକା ଆତାମାନାଡ଼ ।

୨୨ ଆଦମତି ଖାଲେ ମିସାତିକା ମାନିଙ୍ଗୁ ଏଣ୍ଡେସ୍ ଝିନ୍ତୁ ଲୋକୁ ସାନାର, ଆୟାଝାଜା ବା କ୍ରିସ୍ତଦିମାନ୍ତୁ ମିସାତିମାନିଙ୍ଗୁ ଝିଜେରେ ମାରିତେସିଜିବନ୍‌ଆନାର ।

୨୩ ମାତର ଝିଜେରେ ଲୋକୁ ତିଆରୁଆନି ବେଡ଼ାଦୁ ଜିବନ୍‌ଆଜିନିଙ୍ଗୁନାର, ଝିଜେରି ଆଗଡ଼ି କ୍ରିସ୍ତଦି ସାତିମାଣାନ୍ ନିଙ୍ଗୁତାମାନାନ୍ । ଝେନ୍‌କା ଖାନ୍ ଖାନିବେଡ଼ାଦୁ ଖାନି ଆସିର୍ବାଦତି ଲୋକୁ ଆଗଡ଼ି ଜିବନ୍‌ଆନାର ।

୨୪ ତାନେଝେନ୍‌କା ଜୁଗ୍‌ସେସ୍ ଇଗା ଖାନାଡ଼ । ଆୟାବେଡ଼ାଦୁ କ୍ରିସ୍ତ ଝିନ୍ତୁ ତାଗ୍‌ଲ ଆମ୍ବା ଆମାଝାନିଙ୍ଗୁ ସାସନ୍, ଝିନ୍ତୁ ଅଦିକାର ମାରି ସାକ୍ତିଦି ପାଣି ଝିସ୍ତି ଝେନ୍‌କା ବୁବା ମାପୁରୁଙ୍ଗୁଁ ରାଜି ସର୍ପେ କିନାନ୍ ।

୨୫ ଇରିଙ୍ଗୁ ମାପୁରୁ ଝିନ୍ତୁ ସାତୁରିଙ୍ଗୁ ନିଜେଦି ପାଦାମ୍ ଆଡ଼ଗି ଇତିଜ ସାନ୍ଧି କ୍ରିସ୍ତଙ୍ଗୁ ପୁରା ସାସନ୍ କିଦେଙ୍ଗୁ ପଡ଼ାନାଡ଼ ।

୨୬ ସାରାସାରିଝେନ୍‌କାରି ସାତୁ ସାନିକା ଆକାବା ଆରାନାନ୍ ।

୨୭ ଇରିଙ୍ଗୁ ଦର୍ମସାସ୍ତ୍ରଦୁ ରାସାତା ମାନାଡ଼, ମାପୁରୁ ଝିନ୍ତୁ ବିସୟ ଖାନି ପାଦାମ୍ ଆଡ଼ଗି ଇଡ଼ତାନ୍ । ମାରିବା ମାପୁରୁ ଇୟାଝିନ୍ତୁ ବିସୟତୁ ମିସାଏନ୍, ଆୟାଉଣ୍ଡିଙ୍ଗୁ ମାପୁରୁ ନିଜେ ଝିନ୍ତୁ ବିସୟତିଙ୍ଗୁ କ୍ରିସ୍ତଦି ଆଡ଼ଗି ଇଡ଼ନାନ୍ ।

୨୮ ମାରି ଝିନ୍ତୁ ବିସୟତିଙ୍ଗୁ କ୍ରିସ୍ତଦି ଆଡ଼ଗି ଇଡ଼ତି ଝେନ୍‌କା, ଖାନ୍ ନିଜେ ବୁବା ମାପୁରୁଦି ଆଡ଼ଗି ଆନାନ୍ ମାରି ସାରାଦୁନିଆଦି ମୁସ୍‌କୁ ମାପୁରୁଦି ସାସନ୍ କିନିକା ପୁରା ଆନାଡ଼ ।

୨୯ ସାତିକାର ନିଙ୍ଗୁଏତିଙ୍ଗୁ, ଆମାକାର ସାତିଖାରି ଉଣ୍ଡିଙ୍ଗୁ ତୁବନ୍‌ ଅନାର, ଖାରି ବିସୟତାନ୍ ଇନିକା ରାସ୍ତିଦେର୍ ? ଜଦି ସାତିକାର ମାରିତେସି ଜିବନ୍‌ଆଜିନିଙ୍ଗୁଏର୍, ଆଡ଼ତିଙ୍ଗୁ ଖାରି ଉଣ୍ଡିଙ୍ଗୁ ଆଇଖାରିଙ୍ଗୁ ଏନ୍ଦା ତୁବନ୍‌ ସିନାର ।

୩୦ ମାରି ମାତୁ ବା ଏନ୍ଦା ଓଁଦୁ ଦଣ୍ଡୁତୁ ସାନିକା ଆଗଡ଼ି କିଜିନିକା ?

୩୧ ଏ ତଡ଼ାନକୁ ନି ତାଙ୍ଗିକି, ମା ଜିବନ୍ ପ୍ରବୁ ଜିସୁ କ୍ରିସ୍ତଦି ଖାଲେ ମିସାତି ମାନିଙ୍ଗ, ମି ବିସୟତାନ୍ ନାନ୍ ଆମା ଗର୍ବ କିଜିନା, ଆବେଣି ପାରମାଣ୍ କିଜି ଝେରସିନା, ନାନ୍ ଦିନାମି ସାନି ସାରିତୁ ବୁଲାଇନା ।

୩୨ ଜଦି ନାନ୍ କେବଲ ଲୋକା ଆସା ଅସି ଏପିସ୍ତୁ ବନ୍ଦି ଜାତୁଙ୍ଗା ଖାଜା ଲୋକା ଖାଲେ ଜୁଦ୍ କିତାମାରୁଆ, ଆରତିଙ୍ଗ ଆବେନ୍ ନା ଲାବ୍ ଇନିକା ଆତାଡ଼ ? ଜଦି ସାତିକାର୍ ଜିବନ୍ଆଜିନିଙ୍ଗ ଏର୍, କାତାଦି ଇସାବତାନ୍ “ରାଦୁ ଉଣୁଜିତିନ୍ଝି ବେଡ଼ା କାଟେକିନାଟ୍, ଇରିଙ୍ଗ ଓଁଗେରିଙ୍ଗ ମାଙ୍ଗି ସାଦେଙ୍ଗ ଆନାଡ଼ ।”

୩୩ ମିର୍ ବେମି ଆମାଟ୍, “ତାଗ୍ଲ ଲୋକା ଖାଲେ ମିସାତିଙ୍ଗ ନେଗି ଜିବନ୍ ନାସୁଆନାଡ଼ ।”

୩୪ ଆଦେଙ୍ଗ ଜାଗ୍‌ରାତା ଆଦୁ, ପାପ୍ କିମାଟ୍; ଇରିଙ୍ଗ ଏନ୍ ଏନ୍ ମାପୁରୁଦି ବିସୟତାନ୍ ନେସ୍‌ଏର୍; ନାନ୍ ମିଙ୍ଗି ସେମାରତି ମାଟା ଝେରସିନା ।

**ମାରିଡେସି ଜିବନ୍ଆଜିନିଙ୍ଗିତି ମେନ୍‌ଲ**

୩୫ ଏନ୍‌ଆପିନ୍ ଝେନ୍‌ବାଦେଙ୍ଗ ଆଟ୍‌ନାନ୍, ସାତିକାର୍ ଏଣ୍ଡେସ୍ ଜିବନ୍ଆଜିନିଙ୍ଗିନାର୍ ? ଖାର୍ ଏଣ୍ଡେସ୍ ନାନି ମେନ୍‌ଲ୍‌ତାନ୍ ଖାନାର୍ ?

୩୬ ଏ ବକୁଆର୍, ମିର୍ ନିଜେ ଆମାକା ଓଁଡିନିଦେର୍, ଆକା ସାଏତିଙ୍ଗ ନେର୍‌ଏଡ଼, ମାରି, ଆମା ମାରାନ୍ ନେର୍‌ନାଡ଼, ମିର୍ ତାନିଙ୍ଗ ଓଁଡ଼ଇଦେର୍,

୩୭ ମାରି, ଆମା ମେନ୍‌ଲ୍ ଆନାଡ଼, ମିର୍ ଓଁଡିନିମାନିଦେର୍ ଗଦମୁ ଆପିଡ଼ ସିଲିତିଙ୍ଗ ଆଇ ଇନି ଓଁଡୁ ଆପିଡ଼, ଆକା କେବଲ ଉନ୍‌ଡେ ଓଁଡୁନେ;

୩୮ ମାତର୍ ମାପୁରୁ ନିଜେଦି ଇଚ୍ଛାଦାନ୍ ଖାନିଙ୍ଗ ମେନ୍‌ଲ୍ ସିନାନ୍, ମାରି ଓଁଦୁ ଓଁଡୁଦି ମାଣାନ୍ ଓଁଦୁଦିଙ୍ଗ ଖାନି ନିଜେଦି ମେନ୍‌ଲ୍ ସିନାନ୍ ।

୩୯ ଓଁଦୁ ଜିବନ୍‌ମାନିକା ଉନ୍‌ଡେନାନି ମେନ୍‌ଲ୍ ସିଲେଡ଼, ମାତର୍ ଲୋକା ଉନ୍‌ଡେନାନିକା ମେନ୍‌ଲ୍, ଜାତୁଆଙ୍ଗାଦି ଆଇନାନି ମେନ୍‌ଲ୍, ମାରି ପଟିଆଙ୍ଗା ମାରି ଉନ୍‌ଡୁନାନି ମେନ୍‌ଲ୍ ମାରି ମିନ୍‌କୁ ମେନ୍‌ଲ୍ ଆଇନାନିକା ।

୪୦ ମୁସକୁପୁରତି ମେନ୍ଦଲ ମାନାଡ଼, ଜଗତତି ମେନ୍ଦଲ ବା ମାନାଡ଼, ମାତର୍ ମୁସକୁପୁରତି ମେନ୍ଦଲତି ଉନ୍ଦ୍ରନାନି ସୁନ୍ଦର୍ ମାନାଡ଼, ମାରି ଜଗତତି ମେନ୍ଦଲତି ଆଇନାନି ସୁନ୍ଦର୍ ମାନାଡ଼ ।

୪୧ ଶ୍ୱେତାଦି ଉନ୍ଦ୍ରନାନି ସୁନ୍ଦର୍, ଲେଜୁଦି ଆଇନାନି ସୁନ୍ଦର୍ ମାରି ସୁକେଆଇଁ ଆଇନାନି ସୁନ୍ଦର୍; ଇରିଙ୍ଗ ସୁନ୍ଦର୍ତିଙ୍ଗ ଉନ୍ଦ୍ରେ ସୁକା ଆଇ ସୁକେଆଇଁ ମାଣକୁ ଆଇକା ।

୪୨ ସାତିକାର ମାରିଡେସି ଜିବନ୍‌ଆଜି ନିଙ୍ଗୁନିକା ବା ଆୟାଞ୍ଜାଜା । ଝିସି ଝିଡ଼ନିକା, ଝିଙ୍ଗୁଏଶ୍ୱା ନେରନାଡ଼;

୪୩ ଗୁଟାଦୁ ମୁସାଜିମାନି ମେନ୍ଦଲ ଅସୁନ୍ଦର୍ ନି ତାଗୁଇକା । ମାତର୍ ମାରିଡେସିନିଙ୍ଗୁତି ମେନ୍ଦଲ ସୁନ୍ଦର୍ ନି ସାଲ୍ଲିଦିକା ।

୪୪ ଗୁଟାଦୁ ମୁସନିଞ୍ଜାଲେ ମେନ୍ଦଲ ନେଗେନ୍ ତେବାନାଡ଼; ମାତର୍ ମାରିଡେସି ଜିବନ୍ ଆନିଞ୍ଜାଲେ, ଆକା ଆନାଡ଼ ଆମ୍ବିକ ମେନ୍ଦଲ । ନେଗି ମେନ୍ଦଲତି ପେଡେକ୍ ମାନିଙ୍ଗ, ଆମ୍ବିକ ମେନ୍ଦଲ ଆବ୍‌ସିନାଡ଼ ।

୪୫ ଇୟାଞ୍ଜାଜା ଦର୍ମସାସ୍ତ୍ରଦୁ ରାସାତା ମାନାଡ଼, “ପ୍ରାତୁମ୍ବି ଲୋକ୍ ଆଦମ ଜିବନ୍ତି ଲୋକ୍ ଆତାନ୍ ।” ସାରାସାରିଞ୍ଜେନ୍‌କା ଆଦମ ଜିବନ୍‌ମାନି ଆମ୍ବା ।

୪୬ ମାତର୍ ଆମାକା ଆମ୍ବିକ, ଆକା ଆଗ୍ତି ସିଲେତାଡ଼, ମାତର୍ ଆମାକା ମେନ୍ଦଲ ନେଗିକା, ଆକା ଆଗ୍ତି ମାର୍ହାଡ଼, ତାନେଞ୍ଜେନ୍‌କା ଆମ୍ବିକ ।

୪୭ ଆଗ୍ତିରି ଲୋକୁ ଆଦମ ମାର୍‌ଆନ୍ ଦୁନିଆଦୁ, ସିକ୍‌ଲାଦାନ୍ ତିଆରୁଆତିକାନ୍, ମାରି ଅରେନ୍ ଆଦମ ମୁସକୁପୁରତାନ୍ ଞାତାମାର୍‌ହାନ୍ ।

୪୮ ଆମାକାର ସିକ୍‌ଲାଦାନ୍ ତିଆରୁଆତିକାର୍, ଞାର୍ ସିକ୍‌ଲାଦାନ୍ ତିଆରୁଆତି ଆୟା ଲୋକ୍ ଞାଜା, ମାରି ଆମାକାର ମୁସକୁପୁରତିକାର୍, ଞାର୍ ମୁସକୁପୁରତାନ୍ ଞାତିମାନି ଆୟା ଲୋକ୍ ଞାଜା ।

୪୯ ମାରି, ମାଡୁ ଏଶ୍ୱେସ୍ ଦୁନିଆଦାନ୍ ସିକ୍‌ଲାଦାନ୍ ତିଆରୁଆତି ଆୟା ଲୋକ୍ତି ମୁତ୍ ଆସ୍ତି ମାନିକା, ଆୟାଞ୍ଜାଜା ଆୟା ମୁସକୁପୁରତି ଲୋକ୍ତି ମୁତ୍ ଞାଜା ବାଦ୍‌ଲେ ଆନିକା ।

୫୦ ଏ ତଡ଼ାନ୍‌କୁ ନି ତାଙ୍ଗୁକି, ନାନ୍ ଇକା ଶ୍ୱେସିନା,

ନେତେରକାଣ୍ଡା ମେନ୍ଦଲ୍ ଆସ୍‌ସି ମାପୁରୁଦି ରାଜି ଅଦିକାର୍ କିଦେଙ୍ଗ୍ ଆଟ୍‌ଇକା, ମାରି ଝିଜ୍‌ନିକା ଝିଜ୍‌ଇତାନିଙ୍ଗ୍ ଅଦିକାର୍ କିଦେଙ୍ଗ୍ ଆଟ୍‌ଏଡ୍ ।

୫୧ ☆ଝେନ୍‌ଡୁ, ନାନ୍ ମିଙ୍ଗ୍ ଉନ୍‌ଡି ସଡ୍‌ତି ମାଟା ଝେରସିନା, ମାଡୁ ଝିଜ୍‌ଲୋକୁ ସାଇକା, ମାତର୍ ସାରାସାରି ମରି ଆଉଲି ଆନି ଝାଲେ,

୫୨ ଉନ୍‌ଡେ ଦେବାନେ, କାଣ୍‌ଗା ନାପ୍‌ନେଣ୍‌ଗା ମାଡୁ ଝିଜ୍‌ଲୋକୁ ବାଦ୍‌ଲେଆନିକା; ନାସ୍‌ଝାଲେ ମରି ଅଡ୍‌ନାଡ୍, ମାରି ବିସ୍‌ବାସ୍‌ତି ସାତିକାର୍ ଜିବନ୍‌ଆଜି ନିଙ୍ଗ୍‌ନାର୍, ମାରି ମାଡୁ ଝିଜ୍‌ଲୋକୁ ବାଦ୍‌ଲେଆନିକା ।

୫୩ ଇରିଙ୍ଗ୍ ଇୟା ଝିଜ୍‌ନି ମେନ୍‌ଲ୍‌ତିଙ୍ଗ୍ ଝିଜ୍‌ଇକାଝାଜା ବାଦ୍‌ଲେ ଆଦେଙ୍ଗ୍ ପଡ୍‌ନାଡ୍; ମାରି ଇୟା ଦୁନିଆଦି ମେନ୍‌ଲ୍‌ତିଙ୍ଗ୍ ଜିନିନାନି ଆଙ୍ଗ୍ ଆରାଦେଙ୍ଗ୍ ପଡ୍‌ନାଡ୍ ।

୫୪ ଆର୍‌ତିଙ୍ଗ୍ ଇୟା ସାତି ମେନ୍‌ଲ୍ ଜିନିକା ପୟ୍‌ତିଙ୍ଗ୍, ଦର୍ମସାସ୍‌ତି ଇୟା ବାକ୍ୟ ପୁରା ଆନାଡ୍ : “ଜିଣାନିକା ସାନିତାନିଙ୍ଗ୍ ଆରାକିତାମାନାଡ୍ ।”

୫୫ “ଏ ସାନିକା, ଆମାନ୍‌ନି ନି ଜିଣାନିକା ?

ଏ ସାନିକା, ଆମାନ୍‌ନି ନି ଦଂସ କିନିକା ?”

୫୬ ସାନିକା ପାପ୍, ମାରି ପାପ୍‌ତି ସାକ୍ତି ନିୟମ୍;

୫୭ ମାତର୍ ଆମା ମାପୁରୁ ମା ପ୍ରୁ ଜିସୁ କ୍ରିସ୍‌ତି ମାଣ୍‌କୁ ମାଙ୍ଗ୍ ଜିଣା କିତାମାନାନ୍, ଝାନିଙ୍ଗ୍ ଦନ୍‌ସବାଦ୍ ଆପିଡ୍ ।

୫୮ ମାରି, ଏ ନା ଲାଡ୍‌ତି ତଡ୍‌କୁ, ପ୍ରୁଦି ସେବାଦୁ ମି ପାଣି ବେକାର୍ ଆଏଡ୍, ଇକା ନେସ୍‌ସି ପ୍ରୁଦି ପାଣିଦୁ ତିର୍ ମାରି ତାଟ୍ ତେବାଜି ଝିଜ୍‌ଦିନ୍ ନାଣ୍‌ଦାନ୍ ନାଣ୍ ଝେଡ୍‌କା ଆଦୁ ।

## ୧୭

ମାପୁରୁଦି ଲୋକାଙ୍ଗ୍ ତାବୁଙ୍ଗ୍ ସାହାଜ୍ୟଦି ଉଣ୍‌ଗିଙ୍ଗ୍ ବାଡିଙ୍ଗ୍‌ମାଲ୍‌ନିକା

୧ ☆ଜିହୁଦାଦୁ ମାନି ମଣ୍ଡଲିଦି ବିସ୍‌ବାସ୍‌ସିରି ଉଣ୍‌ଗିଙ୍ଗ୍ ତାବୁଙ୍ଗ୍ ସାହାଜ୍ୟ ସିନି ବିସ୍‌ୟତାନ୍ ନା ମାଟା : ନାନ୍ ଗାଲାତିଆଦି

ରାଜିଦି ମଣ୍ଡଳିଆଙ୍କୁ ଆମାକା କିଦେଇ ଆଦେସ୍ ସିତାମାନା, ଆକା  
ନେଗେନତାନ ମାନାଦୁ ।

୨ ମି ସୁବିଦା ଇସାବତାନ ଓଡୁ ଆଦିଝାରୁକୁ ଇୟା ପାଣିଦିଙ୍କୁ ଏସ  
ଡାରୁକୁ ଉଣା କିଜ ଝେରଏ ଇଡୁ । ଆରତିଙ୍କୁ, ନାନ ଝାତିଙ୍କୁ ଏଣେସ୍  
ମିଙ୍କୁ ମାରି ଡାରୁକୁ ଲସ୍ତେଇ ପଡ଼ାଏଡ଼ ।

୩ ମାରି, ନାନ ଝାତିଙ୍କୁ ମିର ଆମାଝାରିଙ୍କୁ ନେଗିକାର ଇଜି  
ଅଡ଼ବିଜିନିଦେର, ନାନ ଝାରିଙ୍କୁ ଆକୁ ସିଜି ଜିରୁସାଲମତୁ ମି ଡାରୁକୁ  
ଆସ୍ତୋସନି ଉଣିଙ୍କୁ ପୋକନା ।

୪ ମାତର ନାନ ବା ସନ୍ତେଇ ଦରକାର ଆତିଆଙ୍କୁ, ଝାର ନା  
ଝାଲେ ସନ୍ତେଇ ଆଟନାର ।

### ପାଉଲତି ବୁଲାନି ଜୋଜନା

୫ ନାନୁ ମାସିଦୋନିଆଦୁ ବୁଲାଦେଇ ସଲ୍‌ସିନା । ବୁଲାନିକା  
ଝିଜିତିଙ୍କୁ ନାନୁ ମି ଲାକ୍‌ତୁ ଡେସି ଝାନା ।

୬ ନା ବଦା ଆତିଆଙ୍କୁ, ମି ଝାଲେ ଏସୋ ଦିନ୍ ତେବାନା, ଆରତିଙ୍କୁ  
ପିନିକାଡ଼ା କାଟେକିନା । ତାନିଝେନକା ଏମେମାନୁ ସନା ଉଣିଙ୍କୁ  
ବଦାକିନା, ମିର ବା ନାଙ୍କୁ ଆବେନ୍ ସନି ଉଣିଙ୍କୁ ସାହାଜ୍ୟ କିଦେଇ  
ଆଟନିଦେର ।

୭ ମାତର ସନି ସାରିଦୁ ମି ଝାଲେ କେବଲ ସାଣେକ୍‌ତି ଉଣିଙ୍କୁ  
ବେଟ୍‌ବୁଡ଼ାଦେଇ ନା ବଦା ସିଲେଡ଼ । ନାନ ଆସା କିଜିନା, ମାପୁରୁଦି  
ବଦା ଆତିଙ୍କୁ, ନାନ ମି ଝାଲେ ନାଣ୍ଡଦିନ୍ ସାହି ତେବାନା ।

୮ ନାତର ପେଣ୍ଟିକସ୍ ପଣ୍ଡୟ ଦିନ୍‌ତିନାଣିଙ୍କୁ ସାହି ନାନୁ ଇବେନ୍  
ଏପିସ୍‌ତୁ ତେବାନା ।

୯ ଇବେନ୍ ନା ବିରୁଦ୍‌ତାନ ଗାଦିଲୋକ୍ ମାରିଙ୍କୁ ବା, ନେଗି ପାଣି  
କିଦେଇ ନା ଉଣିଙ୍କୁ ଅସାର ସେରଲା ରେଆତା ମାନାଡ଼ ।

୧୦ ଓଡ଼ିମତି ମି ଲାକ୍‌ତୁ ଝାତାନ, ଝାନିଙ୍କୁ ନେଗେନତାନ କୁକ୍‌ତୁ ।  
ମାତର ଝାନ ବା ନା ଝାଜା ପ୍ରୁଦି ପାଣି କିଜିନାନ ।



୧୧ ଏନ୍ ଖାନିଙ୍ଗ କାଡ଼ାମାକିର । ସାନ୍ତିଦାନ ସନ୍ତେ ମିର୍ ଖାନିଙ୍ଗ  
ପୁରା ସାହାଜ୍ୟ କିନିଦେର୍ । ଆର୍ତ୍ତିଙ୍ଗ, ଖାନ ତଡ଼ାନ୍‌କା ଖାଲେ ନା  
ଲାକ୍‌ତୁ ଡେସି ଖାନାର । ଖାରିଙ୍ଗ କାପ୍‌କିଜିନାନ୍ ତେବାତାମାନା ।

୧୨ ତଡ଼ାନ୍ ଆପୋଲୋଦି ବିସୟତାନ୍ ଇଜିନାନ୍ ଜେ, ଆଇ  
ତଡ଼ାନ୍‌କା ଖାଲେ ମି ମାଣ୍ଡକୁ ସନି ଉଣ୍ଡିଙ୍ଗ ନାନୁ ଖାନିଙ୍ଗ  
ବେସିଦେବେଙ୍ଗ ଖେଡ଼ିକା କିତାମାନାନ୍ । ମାତର୍ ଇଲେଇ ସନି  
ଉଣ୍ଡିଙ୍ଗ ଖାନ ଏମେମାଣ୍ଡକୁ ବା ରାଜିଆଏତାନ୍ । ଖେନ୍‌କା ସୁଜୋଗ  
ପୟତାନ୍, ଖାନ ସତେନେ ମି ଲାକ୍‌ତୁ ଖାନାନ୍ ।

### ସାରାସାରି ମାଟା

୧୩ ମିର୍ କାପ୍‌କିଜ ମାନ୍‌ଡୁ, ବିସବାସ୍‌ତୁ ତିର୍ ତେବାଦୁ, ବପୁ ମାରି  
ସାଲିଆଦୁ ।

୧୪ ମି ଓଜୁ ପାଣି ଜିବନ୍‌ନୋନିମାଣ୍ଡକୁ ପୁରା ଆପିତ୍ ।

୧୫ ☆ମିର୍ ସ୍ତ୍ରୀପାନ୍ ମାରି ଖାନି ଇଲୁଦି ବିସୟତାନ୍ ନେସନିଦେର୍ ।  
ଝାର ଆକାୟାଦି ଆଗଡ଼ିରି କ୍ରିଷ୍ଟାନ୍ ବିସବାସ୍‌ସିର୍ । ଝାର ମାପୁରୁଦି  
ଲୋକାଙ୍ଗ ସେବାଦୁ ନିଜେଦିଙ୍ଗ ସର୍ପେ ଆତାମାନାନ୍, ତଡ଼ାନ୍‌କୁ ନି  
ତାଙ୍ଗ୍‌କି; ନାନ୍ ମିଙ୍ଗ୍‌ ବାଡ଼ିଙ୍ଗ୍‌ମାଲ୍‌ଜିନା,

୧୬ ମିର୍ ଇୟାଝାରିଦି ମାରି ଇୟାଝାରି ଖାଲେ ପାଣି ମାରି ସେବା  
କିଜିମାନି ଲୋକାରି ଖେନ୍‌କା ସାନ୍‌ଡୁ ।

୧୭ ସ୍ତ୍ରୀପାନ୍, ଫର୍ତ୍ତୁନାତ ମାରି ଆଖାୟିକ ଇବେନ୍‌ ଖାତାନ୍‌ଆକା  
ନାନୁ ବେସି ଖେଡ଼ିକା । ମିର୍ ସିଲିଖାଲେ ଝାର ଖାଜି ମି ଜାଗା  
ପୁରାକିତାମାନାର ।

୧୮ ଝାର ମିଙ୍ଗ୍‌ ମାରି ନାଙ୍ଗ୍‌ ଆମ୍ବାଦିଙ୍ଗ ଖେଡ଼ିକା କିବିସ୍‌ତାର୍ ।  
ଇୟାଝାଜାଦି ଲୋକୁ ସନ୍‌ମାନ ପୟନାର୍ ।

୧୯ ☆ଆସିଆ ଦେସତି ମଣ୍ଡଲିଙ୍ଗ ମିଙ୍ଗ୍‌ ନମସ୍ତାର୍ ଜାଣେକିଜିନାଡ଼  
। ଆକିଲା ମାରି ପ୍ରିସ୍ତିଲା ମାରି ଖାରି ଇନ୍‌ଡୁ ଉପାସନା କିଜିମାନି  
ମଣ୍ଡଲି, ପ୍ରବୁଦି ଦରତାନ୍ ମିଙ୍ଗ୍‌ ଜିବନ୍‌ତାନ୍ ନମସ୍ତାର୍ ଜାଣେକିଜିନା  
।

୨୦ ଇବେଣି ତଡ଼ାନ୍‌କୁ ଓଜେରେ ମିଙ୍ଗ୍‌ ନମସ୍ତାର୍ ଜାଣେକିଜିନାର୍  
।

ମିର ପବିତ୍ର ତୁମାଦାନ ନିଜେନିଜେଦିଙ୍କ ନମସ୍କାର ଜାଣେକିଦୁ ।

<sup>୨୧</sup> ନାନୁ ପାଉଲ ନିଜେଦି କିୟଦାନ ଇୟାଞ୍ଜିରୁ ରାସ୍‌ସିନା । ମିର ନା  
ନମସ୍କାର ମାନାଦୁ ।

<sup>୨୨</sup> ଜଦି ଏନ୍ ପ୍ରବୁଙ୍କୁ ଜିବନ୍‌ନୋଏନ୍, ଝାନ୍ ଅବିସାପ୍ ଆପିନ୍ ।

ମାରାନାଆ, ଅର୍ତ୍ତାତ୍ ମା ପ୍ରବୁ ରାପିନ୍ ।

<sup>୨୩</sup> ପ୍ରବୁ ଜିସୁଦି ଦୟା ମିମାନୁ ସାକା ଆପିତ୍ ।

<sup>୨୪</sup> କ୍ରିସ୍ତ ଜିସୁଦି ଝାଲେ ମିସାତିମାନିଙ୍କ ମିର ଝିଜେରେ ନା ଜିବନ୍‌ତି  
ଜିବନ୍‌ନୋନିକା ମାନାଦୁ ।

## ମାପୁରୁଦି ସବ୍ ବାକ୍ୟ

### **The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)**

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

## ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

---

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a